



3 1 9 0 9 E S

NATVRES ET

COMPLEXIONS DES

HOMMES, ET D'VNE CHACVNE

partie d'iceux, & auffi des signes,
par lesquels on peut discerner la
diuerfité d'icelles.

3 1 9 0 9

OEUVRE TRES-VTILE A V X

*Chirurgiens, & à tous ceux, qui defirent
ſçauoir leur Nature & complexion*

Par M. Iaques Aubert Van
domois, Medecin.



A LAVS ANNE.

Par François le Preux.

M. D. LXXI.



L'IMPRIMEVR AV LE-
cteur, Salut.

S^{ou}*l'on finit le Physicien subtil,*
Cōmencer doit tout medecin expert,
Lire te faut ce traité fort gentil:
Car qui le lit, son labeur point ne pert.
Du corps humain diuine architecture,
De l'ame aussi te décrit la nature:
Le doit donc veoir, qui medecin veut e-
stre:
Le chirurgien, aussi le doit cognoistre.

A MAGNIFIQVE,
PRVDENT, TRESHONO-

RE SEIGNEVR IEAN STEGER

*Aduoier de Berne, Seigneur & Baron
de Roles &c. Iaques Aubert Medecin
desire salut.*



NDIT communement, &
comme la chose est veritable,
magnifique Seigneur, qu'oi-
sueté est la mere de tous vi-

ces, qui non seulement les engendre, mais
aussi les nourrit, eschaufe & entretient. Pour
ceste cause hors l'action de mon art & scièn-
ce, & comme aux heures perdues (comme
on dit) ie me suis appliqué à descrire en ce-
ste ville vn petit traicté de la nature humai-
ne avec la grande varieté & difference des
corps contenus en icelle: & aussi des parties
tant similaires & simples, qu'organiques
& instrumentales, desquelles vn chacun
d'iceux est faiët & construiët. Or depuis
l'ayant communiqué à plusieurs doctes &
scauans personnages tât medecins que pro-
fesseurs

fesseurs de l'Academie de ceste Ville, &
 principalemēt à M. Blaise Marcouard do-
 cte Professeur es arts liberaux et en tout gen-
 re de Philosophie, ay esté d'iceux diligēmēt
 & affectueusement admonesté, & aussi fort
 sollicité le faire mettre en lumiere: attendu
 qu'il pouroit grandement profiter, non seu-
 lement aux Medecins, Chirurgiens, mais
 aussi à toutes autres personnes, qui desirent
 & sont curieux tant pour leur plaisir que
 pour la cōseruation de leur santé: de cognoi-
 stre & sçauoir non seulement la nature &
 complexion de leurs corps, mais aussi d'une
 chacune partie d'iceux. Et puis, oultre tout
 cela, quiconque y regardera diligemment
 trouuera quelque cōtētement & plaisir en
 quelques poincts & matieres de la Philo-
 sophie naturelle, qui sont traittez dedans.
 La cognoissance de laquelle est merueillen-
 sement & plus qu'on ne peut penser plai-
 sante, recreatiue, honnestē & vtile. C'est
 d'icelle, comme, d'une belle et claire fontai-
 ne, qui est sortie, & comme puisée en ceste
 sciēce de Medecine et art, tāt exquisite, prises
 de toutes autres. C'est pourquoy Herophile
 ancien

ancien Philosophe & docteur medecin contemplant l'excellence & utilité de cest art n'a point fait difficulté de le nommer La main des dieux. Car comme l'homme de ses mains leue un aultre tombé, ainsi nostre bon Dieu par le Medecin docteur & sauant en c'est art, guarit et chasse les maladies de noz corps. Toutesfois cela ne derogue aucunement à sa puissance, incroyable & infinie, par laquelle il pourroit, s'il vouloit; nous guarir sans un tel moyen: come aussi il nous nourriroit, si c'estoit son bon plaisir, sans boire ne manger aucunement. Nous auons exemple de cecy en Moysse, Helie, & en la personne de nostre Seigneur & Sauueur Iesus Christ, lesquels nostre Dieu à soustenus, entretenus & nourris miraculeusement, sans boire ne manger aucunement, par l'espace de quarante iours. Mais nostre Seigneur veut que par tels moyens, c'est à dire, par medicamens & nourrissemens materiels, nous meditions & contemplions toutesfois & quantes que nous en vsons, sa vertu non mesurable & infinie, espendue sur toutes ses creatures, tant celestes qu'elementaires,

a. iij. & que

& que sçachions qu'illes à toutes créés pour
 nostre vsage & vtilité, afin que par ceste
 contemplation, comme par vn moyen & e-
 schele nous esleuions noz espritz & enten-
 demës iusques à sa maiesté diuine, et luy en
 rendions graces, dōnions gloire & hōneur.
 Oultre-plus nous ne traitōs point icy de ce-
 ste Philosophie, qui cōcerne seulemēt le corps
 humain, mais aussi de la supernaturele &
 diuine, qui est de l'intelligence, raison & iu-
 gement de l'homme. Estant donc vaincu
 par les admonitions & prieres quasi com-
 me importunes des susditz bons & do-
 ctes personnages, iay tourné ce traicté de
 latin en nostre langue françoise, pour l'usa-
 ge, vtilité & plaisir, non seulement de noz
 François, mais aussi pour tous autres, qui
 entendent ceste langue, & prennent plaisir
 à la lēcture d'un liure, qui en partie traite
 de Philosophie, & en partie de medecine.
 Mais afin que mon œuvre fust plus agrea-
 ble & mieux receu d'iceux, il m'a semblé
 estre bon & expedient faire present d'ice-
 luy à quelque bon seigneur, homme de bon
 iugemēt & entendement, amateur & fan-
 teur

teur des bonnes sciences & arts liberaux,
 qui l'entendant & l'acceptant pour agrea-
 ble excitast par ce moien tous les autres à la
 lecture d'iceluy. Pourtant, magnifique &
 trespudent seigneur, vous recognoissant tel
 par le rapport des plus doctes personnages
 de par deçà, voire & digne d'un beaucoup
 plus excellent œuvre, ie vous dedie ce mien
 petit icy: vous priant treshumblemēt le re-
 cevoir & auoir autant agreable, comme de
 bon cœur ie le presente à vostre seigneu-
 rie, & m'excuser si en iceluy ie n'ay
 point usé des fleurs d'eloquence françoise,
 comme eussent peu faire beaucoup d'autres
 de ma nation: car pourresçauoir que le sub-
 iet & la matiere qui y est traictée m'a re-
 tenu & pressé d'user d'un stile assez ru-
 de & impolit, laquelle ne pouuoit estre au-
 trement exprimée ne déclarée en nostre lan-
 gue. Toutefois ie suis assuré que le calom-
 niateur & enuieux detraicteur ne trouuera
 que reprendre ne mordre en ce petit œuvre,
 sinon avec vne claire apparence de vraie
 calomnie, d'autant qu'iceluy est fondé sur
 a. iiij. fermes

fermes fondemens & vrais principes, qui de soy font foy & portent tesmoignages necessaires. Car ils presentent au iugement des sens et de la raisõ humaine. Or si la briueté d'iceluy cause & engendre quelque obscurité, ie vous promets de tellement l'amplifier, Dieu aidant, & l'augmenter qu'il deviendra tresclair & facile à entendre. Qui sera l'endroit, Tresprudent & Magnanime Seigneur, où apres m'estre humblement recomandé à vostre Seigneurie, suppliray nostre bon Dieu et Pere, au nom de nostre Seigneur & seul sauueur Iesus Christ, vous maintenir en ses dons & graces : & vous faire tousiours perseuerer en la vraie pieté & religion Chrestienne, & en iustice & equité, dõner heureuse & longue vie en ce monde, & finalement celle qui est eternelle. De Lausanne ce premier de Ianuier.



P R E F A C E.

DVIS que nostre intention principale est, de traitter en ce petit œu-
re des natures & cõ-
plexions des hommes, & d'vne
chacune partie d'iceux, ensem-
ble des signes pour les discerner
& cognoistre, il nous semble e-
stre expedient & necessaire au cõ-
mencemēt d'iceluy, donner à en-
tendre, que c'est que l'homme, &
de quelles principales parties il
est fait & composé. L'hôme donc
est vne creature de Dieu corpo-
relle, animée, sēsible, raisonable,
& mortelle, quant à son corps, &
iusqu'à la resurrectiō vniuerselle,
& aussi immortelle, quāt à son a-
me, & aussi quāt à son corps apres
la di-

la resurrectiō. Les principales parties d'iceluy sōt l'ainé & le corps. L'ainé est la forme essentielle de l'homme, qui donne à iceluy estre, vie, sentiment, mouuement, & toutes les autres facultez & actions animales & principales: desquelles nous ferons mention en leur lieu.

Or le corps humain est la matiere ou le subiect, & comme vn domicile, auquel consiste & demeure ceste forme & ainé de l'homme: Mais pource que ce corps est l'instrument de ceste forme, duquel elle se sert pour faire ses operations, il est necessaire, qu'il soit composé de plusieurs autres corps simples, & parties similaires: lesquelles sont ainsi nommées,

mées, d'autant qu'elles font de diuerse essence & nature. Car cômme plusieurs gouttes d'eau assemblée ne font point vne eau composée, mais tousiours demeure homogene & simple, ainsi plusieurs nerfs conioincts ensemble ne font autre chose qu'un nerf. Pourtant il est necessaire, que toutes les parties, qu'on appelle composées soyent de diuerse essence. D'auantage Hippocrate prince des Philosophes & medecins à premierement diuisé le corps humain en trois parties principales, assauoir, es contenues, en celles, qui contiennent, & es autres, qui font le mouuement. Or les cōtenues sont nommées par Galie humeurs, & celles, qui cōtiennent parties solides

lides & fermes, telles que sont les ligamens, les os, la chair, veines & arteres, & toutes les autres solides, desquelles nous parleros en leur lieu. Et puis il nome espritz, celles qui sont impetuosité & mouuement, qui sont animaux, vitaux & naturels. Nous n'auons pas deliberé de traiter ici des facultez, actions & vsages des parties du corps humain: attédu que Galien en ses liures de l'vsage des parties du corps humain, en a escrit si doctement & amplement qu'il n'est maintenât aucun besoin d'en faire mention, ny d'en escrire chose aucune. Car ces liures là sont tournez de Grec en Latin, par Nicolas le Roy de Calabre, pour ceux qui entédent la

langue

langue Latine:& aussi en François
 par M.Iaques Dalecháp Normát
 Medecin, tant pour les chirur-
 giens ignorás de la langue Grec-
 que & Latine, que pour tous au-
 tres qui entēdent nostre langue.
 Mais nous-nous cōtentons seu-
 lement de traiter ici des natures
 & complexions des hommes, &
 des principales parties de leurs
 corps, avec les signes, pour les di-
 scerner & cognoistre : afin qu'un
 chacun cognoissant sa nature en
 tout, ou en partie, la puisse conser-
 uer, s'il a trouue saine, ou bien au
 cōtraire la changer, s'il apperçoit
 qu'elle soit vitieuse, de telle sorte
 & maniere que ses actions en
 soyēt offēsées ou impechées. Or
 cōbien que cest œuure soit inti-
 tulé

tulé des natures des hommes, cependant ne faut pas pour cela entendre que vueillions descrire toutes celles, qui s'ont particulieres & propres à vn chacun d'iceux. Car c'est vne chose impossible, d'autant qu'il n'y a point de science des choses infinies. Or est-il ainsi que les natures & complections particulieres de la nature commune des hommes sont infinies, pour ceste cause la description d'icelles est impossible : Mais seulement deliberons traiter de neuf especes d'icelles, assauoir d'une temperée & de deux autres intemperées, souz lesquelles toutes les particulieres sont comprises & contenues.

Que

CHAP. I.

Que cest que nature & de ses significations.

NOurce que nostre principale fin & intētiō est de traiter des natures des hommes, il nous est expedient en premier lieu dire & declarer en quel sens est icy pris le mot de nature, afin que la grande diuersité de ses significations ne circonuienne & trompe persōne. Ce que ne pouuons bien & ne deuons faire, que n'ayons premierement diuisé ce mot en ses significations. Or la premiere & principale est celle, qui sensuit. *Arist. Phys. 2.* Premiere-
ment nature signifie quelque principe ou cōmencement & cause du mouvement ou mutation, & du repos de la chose, en laquelle c'este nature est premierement & de foy, & nō par accident, ou par quelque autre vertu. *Arist. Phys. 2.* Par ceste definition il appert, que nature en ce lieu est comprise au nombre des causes, qui appartiennent à
quel-

quelque fin, & nō point de celles-la, qui operēt temerairement, & cōme on dit par fortune. Aristote parle & traite de deux sortes & especes de telle nature: dont vne est comme matiere, & l'autre comme forme, laquelle mesme est fin ou cause finale, à laquelle les autres choses se rapportent. Secondement, Nature est prinse pour l'origine & issue de toutes les choses, qui naissēt. Elle signifie en troisieme lieu essence ou espece des choses qui peuvent estre. Le mesme Philosophe en sa Metaphysique declare plusieurs autres significations de Nature, lesquelles i'omets volontiers, d'autant quelles semblent plus seruir à la matiere qu'il traite en ce lieu-là, qu'à nostre propos: mais seulement prendrez apres des susdites, celles qui sont vstées des medecins. Pour ceste cause Li. des Galien nomme le plus souuent la ver simp. I. tu & proprieté des medicamēs de ce ad Gl. nom de Nature. Quelquesfois aussi il cha. 13. appelle nature & chaleur naturelle, dau-

dautant qu'icelle est le premier & *Com.*
 principal instrument duquel nature *apso.15.*
 se sert pour faire ses operations es ani *lib.1. et*
 maux. Il prend pareillement ce mot *apso.22.*
 de nature pour temperament ou cō- *Lib.5.*
 plection. De ceste derniere significa- *lib.3.*
 tion de nature nous deliberons escri- *de tēp.*
 re principalement pour les causes & *Com.*
 raisons sus dites. Mais deuant que *sur le*
 proceder plus oultre, il nous conuiēt *liu.de*
 pareillement declarer ce mot de tem *la natu*
 perature, dautant qu'il est obscur & *re hu-*
 peu vsité entre noz Frāçois: Lesquels *maine*
 au lieu d'iceluy en vsent d'vn autre, *d'Hip.*
 assauoir de complection.

*2^{VE} C'EST 2^{VE} TEM-
 perature ou complection.chap.2.*

TEMPERAMENT se-
 lon Galien est vne confu-
 sion & meslingé du chaut,
 froit, sec & humide. Aucūs
 de nostre temps aiment mieux dire,
 que c'est vne harmonie & accord des
 quatre premieres & tressimples quali

rez elemētaires, c'est assauior de chaleur, froideur, secheresse & humidité, lesquelles sont entre elles directement contraires. C'est accort & consentement prouient de la fufdite confusion & mellinge des quatre premiers elemens de l'vniuersel monde, qui sont le feu, l'air, l'au & la terre. C'este harmonie, qui des Grecs est nōmée crasis, est l'ame tant des bestes brutes, que des plantes, laquelle, comme estant leur forme essentielle, leur donne estre & vie. Mais comme les plantes sont inferieures en excellence & vertus aux bestes: ainsi leur ame est beaucoup plus imparfaite & de moindre vertu & efficace. Car elle est tant seulement vegetatiue, c'est à dire, qu'elle leur dōne seulement vertu & force de succer & prendre leur nonrriture de leur mere, la terre, pour entretenir leur estre & vie: & aussi de croistre iusques à vn certain but & grandeur limitée de nature: & puis finalement d'engendrer semēce pour l'en-

l'entretènement de leur espece. Mais celle des bestes brutes oultre ses trois operations vegetatiues, dōne à iceux sentiment & cognoissance interieure & exterieure de toutes les choses, qui leurs nuisent, ou portent profit à l'entretènement de leur vie, & aussi vertu de se mouuoir volontairemēt d'un lieu en lautre selon leur appetit sensuel. La cause de la difference & diuersité de ces deux especes d'ame, procede de la parfaite ou imparfaite temperature & meslinge des quatre premieres qualitez elemētaires. Car de la parfaite prouient celles des bestes brutes & de l'imparfaite celle des plantes. Or celle de l'homme ne procede point de ceste harmonie & accord des quatres elemens, ainsi que declairerons ailleurs & au lieu accommodé à ceste matiere. Dauantage ne deuons aussi oublier que de ceste temperature procede la chaleur naturelle de tous animaux, laquelle (comme il a desia esté dit) est le premier & principal

b. ii. cipal

principal instrument duquel l'ame se sert pour faire toutes opérations naturelles, vitales & animales: Car aussi de ceste chaleur prouiennent toutes les facultés naturelles, vitales & animales, & les opérations des facultez & vertus susdites. C'est pourquoy plusieurs Philosophes fort renommés n'ont point fait difficulté de dire, q̄ ceste chaleur naturelle estoit l'ame des animaux. Pour ceste cause aussi Galien nous a laissé par escrit, que la mort de l'animal n'estoit autre chose que vne suffocation de la chaleur naturelle. Il faut aussi sçauoir, que ceste chaleur se change & muë es corps des animaux selon la mutation & changement de la temperature, de laquelle elle procede. Dont vient que d'autant plus que ceste temperature est bonne & entiere, qu'aussi ceste chaleur naturelle est beaucoup plus vigoureuse & apte à faire toutes ses opérations es animaux: cōme au contraire tant plus elle decline & sort de sa perfection,

fection, aussi rent elle c'este chaleur plus foible, languissante & moins habile à executer ses actions.

DES ELEMENS DE TOUTES
choses naturelles, & combien il y en a
d'especes. chap. 3.

POURCE qu'en la definition de
temperature & complectiō nous
auons fait mention de la confusion
& mēlange des quatres premiers ele
mens de ce monde inferieur: Il nous
conuient aussi declarer pourquoy ils
sont nommés premiers, & qui sont les
autres. Mais en premier lieu il est
nécessaire que donnions à cognoistre
que c'est qu'elemēt. Car toute doctri
ne de quelque chose que ce soit, la
quelle est prise de raison, doit pro
uenir de la definition, afin qu'on en
tende cela, dequoy on traite. Donc
element selon Galien, n'est autre cho
se qu'une tres-petite partie de la cho
se cōposée d'icelle: ou bien, ainsi que

Cicero
li. I. des
off. cha.
I.
l. I. de
elem.

g. meta. le definit Aristote, c'est vn corps simple, duquel les composez sont faictz, & auquel par la corruption ils retournent. Or quant est des quatre premiers elemens de ce monde, c'est assauoir du feu, de l'air, de leau & de la terre, il nous faut sçauoir qu'ilz sont nommés premiers, pource que Nature les met premiers en besogne, desquels elle faict vne matiere commune, que les Grecs appellēt hylin, pour la generation & formation de tous les autres corps mistes parfaictz ou imparfaictz, animés, ou sans ame. Ils sont aussi nommés cōmuns, d'autant qu'ilz appartiennent à tous les autres corps de ce monde inferieur. Mais les propres elemens des animaux participās de sang, & desquels ils sont prochainement faictz & formez, sont les quatre humeurs naturels, assauoir le pur sang, la cholere, la melācholie, ou l'humeur noir, & puis *Arist. l.* la phlegme. Or aux autres animaux *2. des* priuez de sang, nature à dōné d'autres espe-

especes d'humeurs proportionnees *parties*
 aux quatre autres, desquels ilz sont *des ani*
 aussi prochainement engendrez, nourris *maux*
 & entretenus en vie. Car des choses, *& des*
 desquelles toutes creatures s'ont faites *causes*
 & engendrées naturellement, icelles *d'ycel-*
 sont aussi entretenues & nourries ius- *les. ch.*
 qu'à leur fin. D'autantage les parties *3.*
 simples de nostre corps, que Aristote
 nomme similaires, comme noz os, li-
 gamens, tendons, & toutes les autres
 semblables sont aussi nommées ele-
 mens sensibles de nostre corps, à cau-
 se qu'elles sont cogneues de nos sens:
 desquelles les autres, qui sont organi-
 ques & instrumentales sont faites &
 composées. Elles sont aussi nommées
 parties homogenées, c'est à dire simi-
 laires, d'autant que toutes leurs par-
 ties se ressemblent. Car comme toutes
 les gouttes d'eau sont semblables à
 leau, ainsi toutes les parties d'un os, ou
 d'un nerf sont semblables: Ainsi faut-
 il iuger & prononcer de toutes les au-
 tres de ceste espece.

Que les propres substances & corps des premiers elemens du monde demeurent en nous.

CHAP. IIII.

Combien que tous les medecins Physiciens & Rationels s'accordent ensemble, selon l'autorité de Hippocrate, d'Aristote & de Galien, Que nos corps sont faits & formez de la cōfusion & meslinge du chaut, froit, sec & humide: nonobstant cela, il ne faut pas penser que par ces mots, il faille entendre seulement les premieres & tres-simples qualitez des elemens communs, & que de la meslinge d'icelles, nos corps soyent seulement formez & cōposez. Car en premier lieu de la matiere, qui n'est point corps, ne peut estre fait aucun corps. Or est-il ainsi, que les premieres qualitez elementaires ne sont point corps, mais sont accidens. Or cela est tout certain, qu'il est impossible qu'aucun accident en nature, soit corps. Car tous corps est substance,

stance : & substance ne peut estre accident, non plus qu'accident ne peut estre substance. Pour ceste cause, il est impossible q̃ de la meslinge des seules qualitez premieres & elementaires, nos corps soyent faits & formez. Dauantage, puis que ces qualitez sont accidens, & qu'iceux ne se peuuent mesler & conioindre ensemble sans leurs corps & substances, il s'ensuit qu'icelles ne se peuuent mesler ensemble sans leurs subiets, qui sont le feu, l'air, la terre & l'eau. Cela donc est tout certain, qu'il faut que ces elements communs, soyent deuant meslez ensemble en la composition des autres corps mistes, que leurs qualitez premieres, secondes & tierces: puis que les accidens ne peuuent estre ne subsister en nature sans leurs substances & subiets : & que les substances doyuent deuant estre vnies & iointes ensemble, que leurs accidens. Outre-plus, quiconque entent la difference, qui est entre chaut &

chaleur, froit & froideur, sec & se-
cheresse, humide & humidité, pourra
aisément quant & quant conceuoir
en son entendement, que par ces
mots de chaut, froit, sec & humide:
il ne faut pas seulement entendre les
premieres qualitez, mais aussi leurs
sustances & subiets, sans lesquels el-
les ne peuuent subsister, qui sont les
quatre premiers elemens susdits. Car
chaut signifie deux choses, dont la
premiere est le subiet, participant de
ceste qualité de chaleur: & la secon-
de est la mesme chaleur. Mais ce mot
de Chaleur, ne peut signifier que
vne seule chose: c'est assauoir, ceste
qualité & forme vnique conceuë en
l'entendement sans subiet aucun.

*calor ab-
tractus
concretus*
Ainsi nous faut-il iuger des autres
mots, que les Logiciens appellent
Abstraits & Concrets. Puis donc que
il appert assez, que les premieres qua-
litez elementaires, ne se peuuent ioin-
dre ensemble sans leurs subiets, qui
sont les sustances des premiers ele-
mens

mens de ce monde, il est aisé à conclurre, que ses qualitez & vertus premières & principales des elemens ne demeurent point seules en nos corps, mais aussi les propres corps & substances des elemēs. Et de fait, ceci est démontré claiement en la mort de tous animaux, en laquelle les esprits animaux, vitaux & naturels, que Hippocrate nomme Parties, qui font mouvement, s'en retournent d'où ils sont venus, assaouir au feu & en l'air, comme aussi les humeurs, qui souloyent couler par tout le corps, s'en vont en eau, ou en vapeur, qui est participant d'eau & d'air : & puis finalement toutes les autres parties solides & fermes, qui contiennent toutes les autres, apres que les humeurs sont desechez se dissipent & s'en retournent en cendre & vraye terre. C'est pourquoy le tres-excellēt Philosophe & medecin Hippocrate nous a laissé en ses escripts, & principalement en son liure De la nature humaine, qu'al-

5. *metaph.*
c. 3.

qu'alors que l'homme meurt toutes les choses, qui sont en luy, se retirent en leur propre nature & essence, desquelles il est fait & engendré. C'est en ce mesme liure, où il demonstre que de la confusion & meslinge du chaud, froit, sec & humide, le corps humain est composé. Aristote pareillement par la definition, qu'il baille d'element, donne assez clairement à entendre, qu'en nos corps l'essence vraie des elemens cōmuns du monde demeure. Il dit qu'element est le premier corps, qui est en celuy, qui est composé, & auquel finalement & par la mort, tous les corps mistes & composez se diuisent & s'en retournent. Outre toutes ces raisons, en la meslinge des quatre premiers elemens, qui se fait en la generatio des corps composez, ne se fait pas ainsi qu'en vne simple transmutation des choses à la matiere, desquelles nouvelle forme & essence aduiēt, & la vieille s'en va. Car quand vn corps est fait tout neuf
de la

de la meslinge des quatre premiers elemens, neantmoins les formes & essences d'iceux demeurent en iceluy. Et combien que nouvelle forme essentielle aduienne à ce corps neuf, à cause de la conionction & meslinge des quatre premieres natures elementaires, neantmoins les formes & sustances d'icelles demeurent fermes & stables: non pas toutesfois libres, mais comme obligees & retenues par la mutuelle repugnance & cōtrarieté de leurs premieres & principales qualitez: & aussi par la presence d'une autre forme plus digne & excellente, à laquelle ils obeissent. Pour ceste cause ils ne peuuent desployer leurs vertus naturelles, tellement que le feu ne peut plus souuerainement bruler, ne l'eau extremement refroidir. Il ne fait point pour cela penser qu'iceux ne retiennent leurs souueraines qualitez & vertus: car leur mistion & confusion est cause de ce, qu'ils ne les

peuvent souuerainement produire. Cela est tout certain, que si on mesle ensemble pareille portion & mesure de chaut & de froit, alors ce corps-là fait de ces deux choses contraires, ne sera plus souuerainement chaut, ne froit, mais autant temperé que s'il auoit esté fait de corps mediocrement chaus & frois.

Combien il y a de sortes et d'especes de natures & complections, ou temperatures.

CHAP. V.

A Pres auoir declaré, que c'est que nature & complection, il conuient monstrier combien on en trouue de sortes & de manieres. Galien (auquel nous consentons) en baille neuf, assauoir vne temperee, & huit non temperées. La temperee est faite, quant les vertus & premieres qualitez des quatre elemens egalement s'assemblent en vn: c'est à dire, quant pareille portion de chaut, froit, sec & humide, se conioignent ensem-

ensemble en vn corps, & qu'il n'y a nō plus de chaleur, que de froideur, ne de humeur, que de secheresse. Telle tēperature est vrayemēt iuste & absolument temperée, laquelle est la regle & la loy de toutes les autres, esquelles les vertus & qualitez des elements ne sont pas egalemēt coniointes, & à laquelle estās conferées sont trouuées intemperées & excessiues. Car en vne chacune d'icelles, vne qualité ou deux surmontent les autres. Puis donc que toute temperature est faite des quatre qualitez premières, & qu'une d'icelles, ou deux peuuent surmonter toutes les autres, il s'ensuit qu'il y a huit especes & manieres de temperatures intēperées & excessiues, desquelles les quatre sont simples, & les autres quatre composées. Les simples sont la chaude, la froide, la seche & l'humide. La chaude tēperature & complexion est ceste-là, en laquelle la chaleur surmōte la froideur, les deux autres qualitez,

assa-

assauoir secheresse & humeur demeurans egales. La froide est ceste-là, en laquelle la froideur surmonte la chaleur, & la secheresse & humeur sont pareilles. L'humide est ceste-là, en laquelle l'humidité surmōte la secheresse, & en laquelle la chaleur & froideur sont pareilles. La seche est ceste temperature là, en laquelle la secheresse surmonte & excède l'humidité, & en laquelle la chaleur & froideur sont pareilles en force & vertu. Les quatre autres composées sont, la chaude & seche, la chaude & l'humide, la froide & seche, la froide & humide, esquelles deux elemēs avec leurs qualitez surmontent non seulement en vertu & puissance les autres deux elemens & leurs qualitez, mais aussi en quantité & mesure. Pour ceste cause la temperature & completion chaude & seche est ceste-là, en laquelle la chaleur & secheresse surmontent la froideur & l'humidité. La chaude & humide est aussi ceste nature.

nature-la, en laquelle la chaleur & l'v
midité dominant & excèdent la froi-
deur & secheresse. La complection
froide & seche est aussi c'este-là, en la-
quelle la froideur & secheresse ont
plus de vertu & puissance, que la cha-
leur & humidité. Finalement la froi-
de & humide est ceste-là, en laquelle
la froideur & humidité sont plus
abondantes, que la chaleur & seche-
resse. Maintenant donc, nous voyons
comme pour la pareille portion de
chaut, froit, sec & humide, ou pour
l'inegale mesure & puissance d'yceux
nous auons neuf especes de cōplecti-
ons & temperatures, cest assauoir, vne
réperée, & huit intēperées ou exces-
siues. Mais il conuiēt en oultre sauoir,
que de ceste temperée & modérée,
nous en auōs deux sortes, cōbien que
l'vne & l'autre soit nommée des Gres
~~Equilibrée~~ ^{Equilibrée} c'est à dire, bien temprée &
Symmetrō, signifie cōcordante: dau-
tant que toutes les qualitez s'accor-
dent fort biē ensemble, en vne chacu

Simple & simple
et point
ne des deux. La premiere est absolu-
ment & parfaitement temperé, pour-
ce qu'en icelle il y a vne pareille & e-
gale portion des elemens, de leurs
qualitez & vertus, & en laquelle il n'y
a point plus de chaleur, que de froi-
deur, ne d'humidité q̄ de secheresse.
Icelle (pour dire en vn mot) est la re-
gle de toutes les autres, à laquelle e-
stant conferées sont trouuées telles
qu'elles sont, assauoir immoderées.
Elle est aussi la mediocrité, & comme
le milieu de toute l'vniuerselle & ge-
Simple & simple
et point
nerale substance. La seconde tempe-
rarure temperée n'est pas absolūmēt
temperée, comme la premiere: car en
ceste-cy, il n'ya pas pareille portion
de chaut, froit, sec & humide, com-
me en l'autre, mais toutesfois elle est
tellement temperée en son genre &
espece qu'elle est apte & idoyne à fai-
re toutes actions saines & conuen-
bles à l'espece, en laquelle elle est.
Ceste temperature icy n'est pas sem-
blable en tous les genres & especes
des

des corps : Car elle est aultre es corps inanimez , & aultre es animaux & plantes. Pour ceste cause au genre des animaux le Lion tresfort & robuste est temperé : lequel toutesfois n'est pas de la mesme temperature, qu'est l'homme temperé à Iustice. Au genre des plâtes, le poirier, qui produit beaucoup & de bones poires est bien temperé ; qui toutesfois n'est pas de mesme température, qu'est le pōmier aussi bien téperé, & qui produit beaucoup & bones pommes. Par ces exemples, il appert que ceste temperature icy, qu'on dit estre temperée à Iustice , à plusieurs especes, & laquelle s'estent par toutes les huits intemperées, lesquelles sont encores saines & entieres, & qui produisent bones & saines actions en tous genres & especes de corps. Icelle n'est point cōtenue sous l'vniuerselle sustance, comme la premiere, dautant qu'elle n'obtient pas ceste pareille & egale portion des premieres qualitez elementaires & con-

traies, nonobstât cela, à cause qu'elle fait ses operations parfaites & saines, elle consiste és genres & especes contenues sous ceste vniuerselle substance. Les differences & diuersitez de ceste temperature téperée, se manifestent clairement en la comparaison faite d'un genre à l'autre: comme de l'animal à la plante, & aussi d'une espece à l'autre: cômme du Lion à l'homme, & de l'homme au formic. Car l'animal est chaud, & la plante est froide: le lion est chaud & l'homme est froid: le formic est froid & sec & l'homme est chaud & humide: & toutesfois tous sont temperez selon leur genre & espece. Voicy comme il appert manifestement, que ceste temperature & complectiō selon Iustice & moderation se trouue en tous gēres & especes. Mais quant à l'autre parfaitement temperée aucuns estans neantmoins fort doctes Medecins, afferment icelle n'estre trouuée aucunement en nature, mais disent auoir esté seulement inuen-

inuentée en l'art de medecine pour estre comme la regle de toutes les autres : & par le moyen de laquelle les autres sont cogneuës temperées, ou intemperées selon leur genre & espeece. Car (disent ilz) il faut premieremēt cognoistre la ligne droite, que les obliques & transuersales: & le parfait que l'imparfait. Et de fait, il est impossible de pouuoir cognoistre combien l'imparfait est esloigné du parfait, que premierement on ne cognoisse le parfait. Pour ceste cause, ceste nature & cemplection parfaitement temperée doit estre entendue deuant toutes les autres, & baillée pour estre cōme vne regle pour en iuger & les discerner, & aussi sçauoir combien elles sont esloignées de ceste perfection. Cela est bien vray (comme ilz disent) que ceste temperature parfaitement temperée est la loy pour cognoistre & iuger toutes les autres, mais toutesfois cela n'ēpeche point, qu'icelle ne se trouue en l'umierfel-

le substance & en la nature : Car puis que les sustâces des elemens du monde vniuersel, & leurs qualitez & vertus en la permission & confusion, qui se fait d'yceux, en la generation des corps mistes parfaitz ne perissent point, mais estant reseruées & gardées composent vn temperament, il n'ya rien, qui puisse empecher qu'iceux, ne se meslent & confondent ensemble, en pareilles portions. Dont sensuit, que d'une telle mistiõ & confusion de choses egales se produit vn tresparfait temperament. Et pour cõfirmatiõ de cecy, vn chacun m'accordera, qu'il est impossible, que la temperature froide & humide puisse estre cõuertie & changée en vne chaude & seche, sans passer par vne troisieme, qui est temperée & mediocre, c'est à dire, qui n'est ne chaude, ne froide, ne seche, ne humide, mais qui participe egaleement de routes. Cela est tout certain, que pour aller d'un bout à l'autre, il faut passer par le milieu,

De la

De la temperature & completion d'une chacune partie du corps humain.

CHAP. VI.

IL y a au corps humain deux espèces & diuerſes ſortes de parties & membres, dont aucunes ſont nommées ſimilaires; ſimples & ſeconds elemens: On appelle les autres organiques ou instrumentales & diſſimilaires. Les premières ſont nommées ſimilaires, pourcé que toutes les parties d'icelles ſont ſemblables, ainſi que toutes les gouttes d'eau reſemblent à l'eau meſme.

On les nomme auſſi ſimples, pourcé que les autres ſont compoſées d'ycelles. Pour ceſte meſme raiſon elles ſont appellées elemens: Car comme yceux par leur miſtion ſont premièrement les corps miſtes parfaitz, ou imparfaitz, ainſi les parties ſimples & diuerſes conioinctes enſemble, compoſent les instrumentales. Les diſſimilaires, ſont ainſi nommées, à cauſe que toutes les parties, qui entrent en

leur composition & formatiō sont diuerfes. Elles sont aussi nommées organiques, ou instrumentales, à cause qu'elles sont les instrumens de l'ame humaine, desquelz elle se sert pour faire ses operations en ce monde. Mais pource que les simples ptecedent les composées & organiques en l'ordre de composition, ainsi suiuant ce mesme ordre naturel, ie traiteray premierement des natures & completions des parties simples, puis apres de celles des organiques. Mais deuāt toutes ces choses, il me faut premierement fonder & establir de toutes les parties similaires & simples vne parfaictemēt temperée, c'est assauoir, qui n'ait non plus de chaleur, que de froideur: ne plus de secheresse, que de humeur: & laquelle soit comme vne loy & regle, à laquelle il faille comparer toutes les autres. Car comme entre tous les animaux & les plantes, l'homme est tenu & réputé pour temperé, & auquel si les autres animaux
& tou-

& toutes les plantes sont conferées, on trouue qu'ilz sont tous chaus, frois, secs & humides: ainsi en toutes les parties du corps humain, il y en à vne temperée, à laquelle si on compare toutes les aultres, on les trouuera chaudes, froides, seches & humides. Ceste partie-la est le cuir d'un homme sain, & principalement celuy de la paume des mains ou des extremitez des doigts, lequel est si bien temperé en chaleur, froideur, dureté, mollesse, secheresse & humidité, qu'il est impossible d'y trouuer aucun excès. Car il n'est pas plus chaut, que froit, ne plus sec & dur que humide & mol. Bref il semble qu'il soit composé de deux parties également contraires, c'est assauoir, de chair molle & d'un nerf dur. Pour ceste cause iceluy est vne partie seule temperée entre toutes les autres du corps humain, & aussi le milieu entre les sanguines, & celles, qui n'ont aucun sang, c'est à dire, entre celles, qui sont chaudes & humi-

humides, & les aultres, qui sont froides & seches. Auquel si on les compare, on les trouue toutes intemperées, c'est à dire, plus chaudes, plus froides, plus seches, & plus humides qu'iceluy: laçoit que toutes les intemperées ne sont pas semblables, ne colloquées en vñ mesme degré d'intemperature. Car aucunes le sont plus, que les autres. Vrayement entre les intemperées chaudes l'esprit est le plus chaud de toutes, & apres luy le cœur. Et apres le cœur, le sang, comme apres iceluy, la chair. Mais dautant qu'il y a diuerses especes de chair, pour ceste cause il faut les distinguer, pource que aucunes sont plus chaudes, que les aultres. Or la plus chaude de toutes, est ceste la, qui ne se trouue iamais seule, ains est tousiours partie du muscle: Les autres que les Grecs nomment parenchymata, sont moins chaudes, qu'icelle, c'est assauoir, le foye, la ratelle, & les rognons. Et encores d'ycelles le foye

Des parties chaudes.

foye est plus chaut, que là ratelle, & icelle plus que les rognons: lesquels toutesfois sont encores plus chaut, que le cuir. Voila le denombrement des parties, qui sōt plus chaudes, que le cuir, & aussi l'ordre de l'exces, qui est en icelles. Il reste puis apres à de- *Les par*
clarer celles, qui sont plus froides que *tiesfroï*
ce cuir, entre lesquelles est la gresse, *des.*
qui est quelque peu plus froide, ou
vrayement moins chaude, qu'iceluy.
Cōme aussi le cerueau est plus froit,
que la gresse. La moelle de l'espine
est plus froide, que le cerueau. Item
les nerfz molz, qui seruent aux senti-
mens, sont encores plus froits que la
moëlle de l'espine du dos: Mais les
durs, destinez au mouuement du
corps, sont encores d'un degré plus
frois, que les molz. Apres sensuiuent
les veines, qui sont plus froides, que
les nerfz durs, comme les arteres ex-
cedent en froideur les veines. Et les
membranes sont encores plus froi-
des, que les arteres. Dauātage les ten-
dons

dons sont plus froids, que les membranes, comme aussi les simples ligamens excèdent en froideur les tendons: mais les ligamens nommés par les Grecs *Condrosyndesmi*, par lesquels les vertebres & roelles de l'espine sont attachées ensemble sont plus froides, que les simples: Et puis les cartilages sont encores plus froids que tous: comme aussi les os sont plus froids, que les cartilages. Mais le phlegme est la partie la plus froide de toutes. Après les froides sensuit l'ordre des seches, entre lesquelles les os emportét le premier lieu: apres iceux viennent les cartilages, qui neantmoins sont plus seches, que les ligamens cartilagineux susdites. Toutesfois ces ligamens icy sont plus secs, que les simples, mais les simples surmontent en secheresse les tendons, comme aussi les tendons sont les membranes. Puis les membranes sont plus seches que les arteres, & les arteres plus que les veines, & les veines aussi plus que les nerfs

Les parties seches.

nerfs durs, qui seruent au mouuemēt. Apres toutes ces parties seches faut colloquer le cuir, qui est tēpéré: apres lequel viennent en ordre les nerfs molz destinéz aux sentimēs, qui sont quelque peu plus humides, q̄ le cuir: puis le cœur, qui est plus humide, que les nerfs molz, & moins toutesfois, que les rongnōs, & iccux aussi moins, que le foye: & le foye moins, que la ratelle. Les paumons excèdent en humidité la ratelle, qui toutesfois sont moins humides, que la moelle de l'espine: & ceste moelle est encores moins humide, que le cerueau, & iccuy moins, que la moelle des os: La gresse excède en humidité ceste moelle, comme fait le phlegme ceste gresse, mais le sang est encores plus humide, que le phlegme. Voila en somme toutes les parties similaires colloquées par ordre, lesquelles sont plus ou moins chaudes, froides, seches, dures, humides & molles, que n'est le cuir, qui seul est temperé, &

Les parties molles & humides.

toutes

toutes icelles intemperées. Les températures d'une chacune partie simple bien entendues font par consequence clairement entendre & cognoistre celle des organiques & dissimilaires. Car il n'ya point de doute, que celles, qui sont faites des simples les plus chaudes, ne soyent aussi les plus chaudes: & semblablement celles, qui sont composées des plus froides, ne soyent pareillement les plus froides. Ainsi conuient-il iuger de la nature & complection des parties organiques & dissimilaires de nostre corps.

*De la température temperée à Justice
d'une chacune partie du corps humain.*

CHAP. VII.

NOUS auons dit par cy deuant qu'il y a deux sortes & manieres de cōplectiōs temperées & modérées, dont vne est parfaite, en laquelle il y a egale & pareille mesure de chaut, froit, sec, & humide: laquelle
nous

nous auons monstree pouuoir estre en l'vniuerselle sustance & nature, & specialement au cuir du corps humain: & l'autre est à Iustice & commodation, en laquelle ceste egale portion de chaleur, froideur, secheresse & humidite n'est point absolument trouuée, mais celle qui seullement est apte & idoine à faire les operations deuës à vn chacun genre & espeece, à laquelle elle aduient. Par icelle nous disons qu'une chacune partie de nostre corps, soit elle chaude ou froide, seche ou humide en sa nature & naissance temperament, apte à faire les operations, auxquelles nature la ordonnée, est temperée & bien moderée. Pour ceste mesme cause nous disons, que le cerueau, combien qu'estant conféré aux autres parties sanguines soit froid, est temperé, d'autant qu'il fait bien ses actions & operations animales. Ainsi iugerons nous des autres, auxquelles est telle temperature, qui conuient pour faire & executer les
opera-

operations, auxquelles nature procre-
ante les à ordonnées.

*Comme le sentiment de l'attouchement
en l'homme iuge & discerne les natures &
complections de parties du corps humain.*

CHAP. VIII.

COMME la vertu d'odorer di-
scerne les odeurs, de gouter les
saveurs, de ouïr les sons, de voir les
couleurs, ainsi la vertu d'attouché-
ment cognoist & discerne les quali-
tez, qui sont és choses, qui se touchét.
Les premières & principales desquel-
les, & d'ou procedent les autres, sont
chaleur, froideur, secheresse & humi-
dité. Les autres sont pesanteur, &
legiereté, grosseur, subtilité, espes-
seur, & tarité, viscosité, & friabilité,
aspreté, & suauité, ou douceur au tou-
chement, lubricité ou facilité à glisser
stipticité, qui est qualité astringente.
Or pource qu'en ce lieu nous traitōs
seulement des temperatures & com-
plections, qui sont qualitez cōposées
des

des quatre premieres actiues. Aussi ne parlerons nous icy, que des principales, qui premierement & de foy esmenuent le sens du toucher, lequel puis apres discerne entre icelles & iuge d'icelles. Toutesfois Galien escrit, *Liv. 2.* que les corps, qui actuellement & *des tē-* desia, ou presentemēt eschauffent, ou *per.* refroidisēt, sont cognus & iugez estre telz par le seul sens du toucher: mais que les secs & durs, les humides & mols nō seulemēt sōt cognus telz par le toucher, mais aussi par la raison & iugement de l'intelligence. Car, dit il, tout ce, qui est sec, est senti & cognu dur par le toucher, pource que la durté est inseparable de la secheresse: non pas toutesfois que la conuersion soit vraye, & que tout ce, qui est dur, soit aussi sec. Ce qui ce demonstre en la glace, & en la gresse, lesquelles selon le sens du toucher sont dures, mais non pas seches, selon raison. Car puis qu'elles se fondēt & s'ē retournēt en eau, il sensuit biē, qu'elles sont hu-
d. i. mides.

mides. Car toutes choses, qui sont
fuiettes à corruption & dissolution de
leurs substances, retournent és elemens,
desquels ils sont faictz & formez.
Dauantage tous metaux & pierres
fonduës par le sens sont recognus e-
stre mols, qui toutesfois de leur natu-
re & essence sont secs, dautant qu'ilz
sont terrestres. Il faut donc enten-
dre, qu'il y a de deux sortes & manie-
res de corps durs, desquels aucuns
sont endurcis par chaleur vehemen-
te: les autres sont cōgelez par violen-
te froideur. Les premieres sont vraye-
ment secs, & les dernieres humides.
Oultreplus le sens du roucher n'est
point iuge des medicamens, qui sont
chaus, frois, secs & humides potentia-
lement, comme on dit, & non pas ac-
tuellement & presentement: mais
l'experience & raison ingent & cor-
gnoissent leurs temperatures & fa-
cultez. Pour ceste cause il semble
qu'on peut à bon droit dire avec Ga-
lien, que pour iuger des corps mols &
durs,

durs, & discerner les vns d'entre les autres, qu'il n'est pas seulement besoin du sens du toucher, mais aussi de la raison, qui cognoit & iuge les causes des choses naturelles. Tout ce discours de Galien est bien vray en general: mais toutesfois en particulier il nous faut considerer, que cependant que nous viuons en ce monde, la froideur n'est point si extreme en noz corps, qu'elle puisse congeler & endurcir quelque partie d'iceux: la chaleur aussi ne peut semblablement estre tant grande & excessiue, qu'elle puisse liquesfier & fondre les parties seches & dures de nature. Pour ceste cause nous pouuons asseurement affermer, que tout ce que nous sentõs en nostre corps par la vertu sensitiue du toucher estre mol, cela mesme semblablement estre humide: & ce que sentõs dur, cela mesme estre aussi sec. Car il est certain, que cependant que la chaleur naturelle domine en nous, le sens du toucher est lo-

ial arbitre & iuge du sec & de l'humide, du dur & du mol. Or quant nous difons, que le sens du toucher est iuge equitable des qualitez, qui sont suiettes au sens du toucher, cōme de chaleur, froideur, secheresse, humidité, & des autres secondes susdites, nous n'entendons pas parler de celuy de tous animaux, i'açoit que de tous les sens externes, il soit le premier, & principal cōmun à tous iceux, mais seulement de celuy de l'homme, dautant qu'iceluy à ce sens icy plus excellent & plus exquis, que tous les autres animaux: comme aussi de fait, il est de tous le tres-excellent & plus parfait. Pource en l'vninerselle substance de ce monde, il est tenu pour la mediocrité & le milieu estant parfaitement temperé. Dauantage nous ne voulons pas aussi dire, que le sens du toucher puisse tout seul iuger de la propre temperature des parties interieures: car icelle ne luy peut estre présentée pure & nette, ains meslée de beaucoup

*Arist.
l.2.de
l'ame.*

coup de chaleur externe & estrange: mais alors seulement il en iuge fidelement, quant la raison est coniointe avec luy. Pareillement celuy aussi ne iuge pas de la nature & completion des plantes: car la chaleur, froideur, secheresse & humidité ne sont point actuellement, comme on dit, & presentement en icelles: ce qu'on peut cognoistre au Pyretre, qui nonobstant qu'il soit treschaut, toutesfois il ne peut eschauffer vn corps mort, mais a besoin de trouuer la chaleur naturelle en l'animal, par laquelle sa vertu soit mise en effet. L'instrument duquel le sens du toucher se sert des temperatures, qui sont es parties exterieures, est le cuir vniuersel de tous animaux: pourtant celuy de l'homme, qui de tous animaux est le mieux temperé, iuge mieux & plus excellenmēt desdites qualitez, que celuy des autres animaux. Pareillement iceluy sens au cuir de l'homme mieux temperé, iuge mieux des qualitez & com-

d. iii. plecti-

lections de ces parties exterieures de nostre corps. Pource que le cuir de la paume de la main & des bouts des doigts est le plus temperé de toutes les autres parties, il peut mieux iuger des temperatures & qualitez susdites, que celuy des autres parties de nostre corps. Voila comme il appert, que le sens du toucher de l'homme sain, est le vray iuge pour cognoistre & discerner les temperatures d'une chacune partie du corps humain.

Les signes, pour cognoistre la temperature temperée à Iustice des plus nobles & principales parties de nostre corps.

CHAP. IX.

LES plus nobles & principales parties, desquelles procedent les facultez & vertus, qui dispesent & gouvernent tout nostre corps, & ausquelles toutes les autres seruent & obeissent, soit le Cerueau, le Cœur, le Foie, & les Testicules, de la temperature desquel-

desquelles pource que nous en auons icy dessus desia fait mētion, lors qu'auons cōferé vne chacune partie simple au cuir de l'homme, lequel à cause de sa temperature parfaitement temperée, auons fait iuge suffisant & loyal pour cognoistre & discerner toutes les températures des autres; maintenant nous ne traiterons derechef de leurs temperatures selon la comparaison faite au cuir, mais seulement des temperées à Iustice, par laquelle, encore qu'elles soient froides ou chaudes, seches, ou humides, par la comparaison faite au cuir, icelles nonobstāt cela font fort biē & deuiēment leurs offices & operations. Or les signes, pour cognoistre & discerner ces températures temperées à Iustice d'auec les intemperées & excessiues, ne doiuent pas estre pris du iugement du sens du toucher, mais des parfaites operations, de la bonne conformation & compositiō des parties, & finalement des excremēs superflui-

d. iiii. tez,

rez, qui procedent d'icelles.

Les signes pour cognoistre vn cerueau humain temperé.

CHAP. X.

LES signes & marques, par lesquelles on cognoit le cerueau humain biẽ modéré, ne sont pas seulement prises de ses operations parfaitement faites, mais aussi de la bonne & conuenable conformation de la teste, & des excremens, qui sortent du cerueau d'icelle. Quant aux operations, il faut sçauoir qu'elles sont diuerses: car aucunes sont sensitiues, les autres motiues, & les dernieres sont nobles & principales. Les premieres sont nommées sensitiues, d'autant qu'elles procedent des sens, comme de leurs facultez & vertus. Car toute operation prouient de quelque faculté, comme l'effect de sa cause. Ce mot donc de Sens signifie vne faculté de cognoistre les choses extérieures & presentes, ou interieures & absentes, laquelle procede du cerueau:

*Que
c'est
Sens:*

ueau. Et pource qu'en la declaration de ce mot de Sens, il est fait mention de cognoistre les choses, qui sont dehors & dedans nostre cerueau, il est necessaire d'establir plusieurs sortes de Sens & facultez de cognoistre ces choses ainsi opposites & tant diuerses. Pourtant nous disons avec tous les excellens Philosophes & tres-doctes medecins, que nature diuine a doué nostre cerueau de deux *Deux* sortes de sens, desquels aucuns sont *sortes* exterieurs, qui sont cinq en nombre, *de Sēs.* c'est assauoir, le sens du toucher, la *Cinq* veüe, l'ouïe, le goust, & l'odorier: & les *Sēs ex* autres sont interieurs, qui comprennent les choses interieures, assauoir, *terieurs.* l'Apprehension, ou bien le sens commun, la Phantasie & la Memoire. Les *Trois* Sens exterieurs, qui apprehendent ou *Sens* cognoissent les choses, qui sont hors de *interieurs.* nous, ont besoin de trois choses pour bien faire leurs actions, c'est assauoir, de leurs propres instrumens, de leurs propres obietz, & des milieus entre
telz

*La ve-
ue.*

telz instrumens & obietz. Donc le propre instrument du sens de la veüe est l'humeur cristallin. Les autres parties de l'œil, comme l'humeur aqueatique, l'albugineux, & les petites peaux tant deliées, qui enueloppēt & contiennēt toutes ces humeurs, la pupille, & les nerfs visioires, q̄ les Grecs nomment Optiques, ne font qu'aider à c'est humeur cristallin, pour faire son operation de voir. Car aucunes le nourrissent, comme les deux autres humeurs: les autres le conseruent & gardent, assaüoir, les petites peaux: & la pupille luy sert de fenestre, pour voir & receuoir ses obietz visibles: puis finalement les nerfz Optiques, qui procedent de l'interieure partie du cerueau luy apportent l'esprit animal, pour l'illuminer & l'esclairer. Car comme nostre intelligence ne peut bien entendre & cognoistre son obiet, qui est des choses intelligibles, incorporelles & diuines, si elle n'est esclairée d'une lumiere celeste & di-
uine

uine, ainsi c'est humeur crystallin ne peut cognoistre ses obietz visibles & corporelz, qui luy sont presentez, s'il n'est pareillement esclairé de l'esprit animal. L'obiet, & ce qui se presente à la veüe, est triple. Le premier & principal est la lumiere externe & corporelle, q est cōme vne espee de couleur & qualité visible d'un corps derare & claire sustance, telle qu'est celle du Soleil, des autres astres & du feu. Je la nomme le principal obiet de la veüe, pource que de soy, & en premier lieu elle est veüe: mais les autres choses visibles, comme les couleurs, & les corps colorez, ne peuuent estre veus sans icelle. Car cela est certain, qu'on ne peut iamais voir chose aucune, s'il n'interuiēt quelque lumiere. Pour ceste cause és tenebres ou de nuict, les corps rares & clairs, cōme le verre, les cornes blanches, les mirouairs, les diamēs, les rubis, & toutes autres pierres claires & luisātes sōt veuēs, sans autre lueur, quelle qu'elle soit,

*Que
c'est
Lu-
miere.*

*Arist. l.
2. de la
me. c. 6.*

*Arist. l.
des con.
& li. 3.
de la-
me. c. 3.*

*Que
c'est
Cou-
leur &
d'ou el-
le pro-
cede.

Dini-
sion des
Cou-
leurs.*

soit, ou du feu, ou des astres, non pas les autres corps espes, combien qu'ils foyent colorez. Le second obiet de la veuë est la couleur, qui est vne qualité visible du corps composé des quatre premiers elemens. Ceste couleur procede de la meslingé des elemens, desquels aucuns sont clairs & luisans, assauoir, le feu, l'air & l'eau: l'autre, qui est la terre, est tenebreux & obscur. En quoy il appert que couleur est vne qualité corporelle, composée de lueur & d'obscurité. Les premieres & simples couleurs sont le blanc & le noir, desquelles toutes les autres, qui sont composées, procedēt. Les composées sont de diuerses sortes, selon que la lueur abonde ou defaut: ou bien qu'elle est egale à l'obscurité. La blanche se fait en la generation des corps mistes, ou les elemens luisans abondent, & l'obscuré est en petite quantité. La noire est aussi faite, lors que la terre offusque toute la lueur des autres elemens. Le troiesme obiet

objet, de la veüe, qui est le corps coloré, n'est pas proprement, ne de soy objet visible, mais seulement par accident, c'est assauoir, par le moyen de sa couleur. L'œil n'a en soy aucune couleur, autrement il ne pourroit recevoir tant de diuerses sortes de couleurs, non plus aussi que l'air & leau: car si deux elemens estoient colorez, ils changeroient les images des couleurs, & l'ueurs, qui passans au trauers, iceux paruiennent à l'humeur crystallin. Le milieu requis à la veüe au trauers duquel nous voyons, est vn corps clair & lumineux, quel qu'il soit, ou eau, ou air. Non seulement le milieu conuient à la veüe pour la cōjoindre avec ce, qui doit estre veu, mais faut aussi qn'il y ait quelque espace de lieu entre la couleur & l'œil. Car si le corps coloré touchoit l'œil, iceluy ne feroit pas veu, pource que la lueur, sans laquelle l'action de voir ne peut estre faite, seroit excluse & ostée: ainsi aduient-il quant le corps
coloré

coloré est trop esloigné de l'œil, la veüe ne pourra estre faite, pour les raisons, qui sensuiuent. Car cela est certain, que la vertu uisive d'iceluy ne peut paruenir iusques à son obiet: avec ce que les raiôs de l'obiet visible, qui tendent à l'œil, par ceste trop grande distance de lieu s'aneantissent. Les rayons du corps visible en la veüe sont portez en l'œil en forme d'une Pyramide, tellemēt que le soubassement & fondement d'iceux, est ce, qui est regardé, & le coupet, est ce, qui touche la pupille & fenestre de l'œil.

L'ouie.

L'instrument premier & principal de l'ouie est vn air fort subtil, contenu dedans la capacité des oreilles, & né en icelles naturellement. Iceluy est couuert d'une petite peau & fort deliée, afin qu'il touche le nerf auditore, qui est là estendu, pour y apporter l'esprit animal, afin que cest air auriculaire en soit illuminé: car autrement n'auroit-il aucune vertu d'ouir. L'obiet delouie est le son qui est
fait

fait en l'air par la concution de deux corps poussé iusques aux oreilles en figure tortuë. Et alors est faite l'operation de l'ouïe, quant l'air interieur illuminé de l'esprit animal est conioint avec l'exterieur frappé, & esmeu par le choc des deux corps. Le milieu, par lequel, l'action de l'ouïe est faite, est l'air exterieur, qui nous environne, par le moyë duquel, le son en forme tortuë est transporté dedans les oreilles. L'instrument du Goust est le nerf estendu sur la langue, auquel la saveur parvient. L'obiet d'iceluy est ceste mesme saveur, qui plaist, ou desplaist au goust. Le milieu de ce goust & saveur est la salive de la lāgue, ou la chair d'icelle. L'instrument propre & principal du sens d'odorier est la couple de nerfs plantez és narines; & son obiet est l'odeur. Le milieu, par le moyen duquel c'est odeur parvient aux narines, est principalement l'air, pource que odeur, qui est vne exhalation ou vapeur,

Le Goust.
L'odor.

*Le touch-
cher.*

peur, se communique fort facilement à l'air & difficilement à l'eau, Mais toutesfois si est-ce que les poissons odorent en l'eau, comme assez l'experimentent de iour en iour les pecheurs, qui vsent d'apastz puans, pour les allecher. Quant à la faculté & yertu du toucher, Nature ne l'a point enclorse, ne contrainte en quelque particulier instrumēt, mais pour ce que ce sens icy, sur tous les autres, est necessaire à la vie de tous animaux, sans lequel ilz ne peuuent estre animaux, ne viure, pour ceste cause l'instrument d'iceluy est egaleement espendu par tout le corps: i'açoit que principalement il soit colloqué es nerfz mols, qui toutesfois estans desia vn peu plus durs, que les autres sensitifs, sont distribuez dehors & dedans, par lesquelles tout le corps cognoit & iuge toutes les qualitez, qui sont sujettes au sens du toucher. L'objet de ce sens, sont ces mesmes qualitez, desquelles les quatre premieres principales

cipales & tressimples sont chaleur, froideur, secheresse & humidité, desquelles les autres sont composées assavoir, dureté, mollesse, rudesse, suavité, douceur au toucher, pesanteur, legiereté: toutes lesquelles qualitez, le seul sens du toucher cognoit, iuge & discerne. Le milieu, par lequel ceste vertu de toucher cognoit & discerne les susdites qualitez suiètes au sens du toucher est la chair, qui enuolope & couure les nerfz par tout le corps, distribuez & destinez à ce sens du toucher, Voila tous les sens extérieurs, par lesquels le cerueau de l'homme apprehende & cognoit toutes les choses extérieures corporelles, qui nous sont présentées, Il reste, suyuant l'ordre proposé, à traiter sommairement des autres sens intérieurs, par le moïe desquelz nostre cerueau apprehende & cōprent au dedans toutes les choses extérieures & corporelles, qui luy sont apportées par les sens extérieurs. Le premier d'iceux est nomme des

Sens cōmun. Philosophes & Medecins sens commun, pource que c'est vne vertu animale, interieure de cognoistre, iuger & discerner tous les obiets particuliers de tous les sens extérieurs. Ice-
Le sens cōmun luy est comme le Roy & Prince de tous les extérieurs, qui du cerueau
est le lieu de son habitation & throne ma-
Roy des autres. gnifique regarde & iuge de toutes leurs œuures, & cognoit, si elles sont bonnes, ou mauuaises, vtils, ou dom-
L'obiet du Sēs cōmun. mageables. Le propre instrument d'i-
celuy est le cerueau illuminé de l'e-
sprit animal, comme pour voir & co-
gnoistre son obiet, qui est des choses
interieures, apportées de dehors par
les sens extérieurs ses subiets & mini-
stres. Et combiē qu'il soit leur Roy &
Prince, neantmoins il luy est impossi-
ble d'operer sans le moyen d'iceux,
car ilz luy apportent les images & ido-
Imagi- nation les de toutes les qualitez sensibles &
corporelles, desquelles puis apres il
ou Phātasie. Iuge. L'imagination, que les Grecs
nomment Phantasie, second sens in-
terieur,

terieur, est vne vertu animale & interieure, d'imprimer au cerueau de l'hōme, & cōme peindre en iceluy les images des choses, qui par les sens extérieurs, ont esté apportées au sens cōmū, afin qu'en partie elles soyent mieux cogneuës, & aussi en partie retenuës. Cōbien que ceste vertu animale tende à ses deux fins, toutesfois il aduiēt souuent, qu'elle erre & s'esgare tresloin de son droit chemin. Car quelque fois elle s'esmeut violement *L'imaginatiō* par les sens extérieurs, quelque fois *erre* par les maladies du corps & finalement par l'impulsion de Satan. On *quel-* peut cognoistre tout cecy par experi- *fois.* ence éshōmes maniaques, phrenetiques, refueurs, & melācholiques & en tous les autres, q ont ceste vertu imaginative troublée, où deprauée, par laquelle deprauiō ses actiōs sōt corūpuës. Car en aucūs elle cōioint les simples formes des especes diuerfes, & en fait comme des monstres hypocentaures, c'est à dire, demis hommes & de-

mi cheuaux, & aussi des montagnes
toutes d'or, & autres choses sembla-
bles, & qui ne peuuent subsister en na-
ture: Es autres elles disioint & separe
les formes des choses, qui naturelle-
ment doiuent estre jointes & liées en-
semble. Ce qu'on voit non seulement
és malades, mais aussi és sains, cōme
és inuēteurs des droleries, crotresques,
les images desquelles sont premiere-
ment engraüees au cerueau d'iceux,
que depeintes en vn tableau. En som-
me ceste vertu est tellemēt lassieue &
desbordée, alors qu'elle n'est point re-
frenée par la raison, qu'elle fait conti-
nuelle gerre à nostre intelligence, en
là destournant de là meditatio & con-
templation des choses hautes & tres-
excellentes, & la reuocāt ça bas en ces
choses basses & corruptibles. Et si elle
n'estoit retenuë & gouvernée par là
raison de l'hōme, elle ne troubleroit
pas moins nostre intelligence, que les
orages & tempestes font la mer. Par
le dormir, & alors que les sens exteri-
eurs

eurs & le commun cessent de leurs besongnes, & se reposent, ceste Phantasie pour cela ne cesse point, mais alors elle trauaille beaucoup, & principalement quand le cerueau est pur & net, deschargé des fumées du boire & du manger: alors, di-ie, elle forme, & imprime au cerueau les images des choses, qui en veillant ont esté apprehendées par les sens particulierz & par le commun: ou bien elle en forme d'autres, selon sa liberté, qui d'aucun sens exterior n'auroiēt nullemēt estez apprehendées, lesquelles quelquefois elle redouble & conioint tellement, qu'elle produit au cerueau des idoles merueilleusemēt monstrueuses. *Que c'est* Tel le imagination faite en dormant est *Songe.* nommée songe: iacoit qu'iceluy soit aussi quelquefois excité des humeurs, qui excedēt en nos corps. C'est pour *Varié* quoy aucuns hommes songēt en dor- *bles* mant choses tristes & espouuētables, *Sō* *ges* à cause de l'abondance de l'humeur *pour la* melancholic, les autres imaginent *variété* choses.

des hu- choses ioieuses & plaisantes, pource
meurs, que le bon sang & pur domine en
qui abo- leurs corps: les autres songēt des guer
dēt au res, feus, couteaux, debatz, noises &
corps. courroux, à cause de l'humeur chole-
 ric, qui abonde en eux. Item les au-
 tres cuident voir des riuieres, & gran-
 de quantité d'eaux, esquelles ilz leurs
 semble nager. La cause d'un tel son-
 ge est la grande abondance du phleg-
 me contenu au cerueau. Puis finale-
 ment aucuns songent & cuidēt, qu'ilz
 volent: ce qui auient à cause des vêts,
 qui abondent en leurs corps, & prin-
 cipalement en leurs testes. De ceste
Estima- imagination procède vne autre vertu
tion. intérieure, nommée Estimatiō, laquel-
 le aux bestes brutes est cōme vne rai-
 son, par laquelle ilz iugent & estimēt
 le bien ou le mal de toutes les choses,
 qu'elles apprehendent. Donc d'icelle
Iuge- est vn iugemēt sensuel, qui est souue-
mēt sen- rain aux bestes brutes, cōme en iceux
sitif. ceste vertu est la plus excellēte. Mais
Iuge- le souuerain iugement des hommes
 est ra-

est rationel, pource que la raison est *mēt rationel.*
la plus excellente vertu naturelle, qui
soit en eux, par laquelle nō seulement
ilz iugent, discernent & discourent
des choses particulières & temporel-
les, mais aussi de celles, qui sont vni-
uerselles, ou générales, & des diuines
& profanes. C'est par ceste vertu esti- *Les ef-*
matiue, que tous animaux raisonna- *fets de*
bles, ou irraisonnables parfaits aiment, *la ver-*
suiuent & cherchent ce, qu'ilz apprehē- *tu esti-*
dent leur estre bon & ami, & au con- *mati-*
traire fuient, haïssent & detestent ce, *ue.*
qu'ilz sentent leur estre mal & dom-
mageable. Ce fut par ceste vertu,
qu'anciennement aux spectacles à
Rome, vn Lion affamé n'offensa au-
cunement vn homme, qui estoit iette
en son parqué, afin d'estre par luy de-
uoré, d'autāt qu'il reconnut estre ce-
luy, q. autrefois luy auoit arraché vne
espine du piet. Par cela mesme, le chiē
cherit, & flatte son maistre, abbaie &
mört l'estrangier: & aussi que la bre-
bis s'enfuit incontinant, qu'elle voit

*Memoi-
re sen-
sitive.* le loup son ennemi. La memoire est la
derniere vertu sensitue interieure,
par laquelle les images de toutes les
choses, qui ont esté apprehendées de
tous les sens particulierz & du com-
mun, & qui aussi ont esté imprimées
au cerueau, sont cōseruées & gardées.
L'obiet, c'est à dire, ce qui excite ceste
vertu, & l'image de la chose passée &
absente des sens. La donc où la facul-
té imaginative est bonne, la aussi la
memoire est bonne: au contraire, là
où elle est debile, aussi la memoire est
debile. Or ce, qui conferme & entre-
tient ceste memoire, est l'assiduele
meditation & pensée des choses con-
ceües es sens, & en l'entendement.
*Pour-
quoy el-
le est
nommée
sensitt
ue.* Ceste memoire est communement
nommée sensitue, pource qu'elle ne
se recorde point & ne garde sinon ce,
que tous les autres sens ont apporté
& engraué au cerueau, elle est com-
mune tant aux hōmes qu'aux bestes
brutes. Et comme la vertu sensitue,
qui est l'ame aux bestes brutes à sa me-
moire

moire, ainsi aux hommes l'intelligence à la sienne, de laquelle nous parlerons en son lieu. Les Anciens Philosophes & Galien ne s'accordent pas ensemble du lieu & siege au cerueau, où sōt situées ces trois facultez interieures: car Galie assigne au sēs cōmun les deux petis ventres, ou concaitez de la partie anterieure du cerueau, & à l'imagination & cogitation le ventricule du milieu, à la memoire la cōcauité de la posterieure partie du cerueau. Mais les Philosophes disent, que là où le sens commun apprehende les images des choses exterieures, là mesme l'imagination les imprime: & que là où elles sont imprimées, là mesme icelles sont conseruées & retenues. Je laisse à vuidier ce different à ceux, qui sont de bon iugement & qui sont exercez en la Philosophie naturelle. Apres auoir declaré toutes les facultez & vertus sensitiues tant exterieures, qu'interieures & les actions, qui en procedēt, il cōuient puis apres
traiter

Vertu motiue
motiue traiter des autres, entre lesquelles la
 motiue tient le premier rang, qui est
 parfaite par le moyen des muscles du
 corps humain. Les parties principa-
 les, desquelles ceste faculté se sert,
 pour mouuoir tout le corps, & quel-
 ques parties d'iceluy, sont les nerfs
 durs, qui de l'espine du dos sortent,
 comme d'un tronc, & s'estendent de
 là, par tout les muscles, pour porter l'e-
 sprit animal en iceux, afin qu'ilz facēt
 leur operation, qui est vn mouuēment
 Ap*Petit a-* volontaire. La cause, qui excite ceste
nimal. faculté motiue du cerueau, est vn ap-
 petit animal: qui est vne autre vertu
 animale, par laquelle l'homme & la
 beste brute appetent & desirent auoir
 ce, qu'ilz ont cogneu par tous leurs
 sens leur estre bon & agreable: & par
 icelle mouuent leurs corps & mēbres
 pour obtenir cela. Voila seulemēt ce,
 que ie vouloye dire cōme en passant
 en ce lieu de la faculté motiue, pour-
 tant ie poursuiuray mō propos à trai-
 ter des autres, que nous auons dit icy
 deuant

deuant estre les Nobles & Princeſſes. La premiere d'icelles eſt l'intelligen- *Intelli-*
ce, qui eſt la principale vertu de l'a- *gence.*
me humaine & raſonable. Car elle
eſt la Roine & Princeſſe de toutes les
autres. Son office & operation eſt de
cognoiſtre & entendre les choſes vni- *6. Eth.*
uerſelles, cōme celle des ſens, les cho- *c. 6.*
ſes particulieres. Icelle eſt autant en *1. Eth.*
noſtre ame, que l'œil au corps. Car cō- *c. 5.*
me le corps de l'homme voit & ſe cō-
duit par le moyen de l'œil, ainſi noſtre
ame eſtant logée en noſtre corps voit,
comme par maniere de dire par ceſte
intelligēce & cognoit les choſes, qui
ſont incorporelles, deueſtuës de tou-
te matiere corporelle, deſquelles au-
cunes ſont diuines, ou ſpirituelles, &
les autres generales & vniuerſelles.
Or ne faut-il douter aucunement,
que l'homme, ayant le cerueau ſain &
entier, ne puiſſe naturellemēt, & ſans
aucune doctrine apprehender & cō-
cevoir en ſon entendement quelque
diuinité. Car, comme dit Cicéron, il
nya

Liv. 2. ny a nation en ce monde tant barbare, ny peuple tant brutal & sauuage, *de la* qui n'ait ceste persuation enracinée *nature* en son esprit, qu'il y à quelque Dieu. *des* Et quant aux choses vniuerselles & *diens.* generalles, il ne faut aussi douter aucunemēt, que les hommes enſeignez *de la* és bonnes disciplines & arts liberaux, *nature* & principalement en Dialectique, ou *des* Logique, ne les apprehendēt fort biē, *diens.* & ſachēt que toutes eſpeces ſont con-
tenuës ſous leurs genres, & les choſes
particulieres ſous leurs eſpeces. Tou-
tes leſquelles operations il ſeroit im-
poſſible à noſtre ame de faire & entē-
dre, ſi ſon origine, ou ſa nature & eſ-
ſence n'eſtoit diuine, & conſequen-
Teſmoi *gnages* *de l'im* *morta-* *lité de* *l'ame.* *ment* *immortelle*, & *incorrup-*
de l'im *morta-* *lité de* *l'ame.* *quelque* *choſe* *que* *vueillent* *gazouil-*
de l'im *morta-* *lité de* *l'ame.* *ler* *au* *cōtraire*, ou *pōur* *le* *moins* *pen-*
de l'im *morta-* *lité de* *l'ame.* *ſer* *noz* *Epicuriens*, & *tous* *ceux*, *qui*
de l'im *morta-* *lité de* *l'ame.* *ſuiuent* *l'opinion* *de* *ce* *porceau* *Epi-*
de l'im *morta-* *lité de* *l'ame.* *carme*. *Que* *ſi* *iceux* *m'obiettent*, *ce*
de l'im *morta-* *lité de* *l'ame.* *qu'aucuns* *Philosophes*, *autrement*
de l'im *morta-* *lité de* *l'ame.* *fort* *celebres* & *tres-renōmez*, *difent*,
de l'im *morta-* *lité de* *l'ame.* *aſſauoir*,

assauoir, que rien n'est en l'intelligence, que premieremēt n'ait esté cōceu & compris au sens, pour demonstrier que nostre ame est corporelle, d'autāt qu'elle ne peut faire ses actions sans moiens corporelz, comme sont les sens, & les organes, desquelz elle se fert, & par consequent disent l'ame estre mortelle & corruptible : à iceux peut estre satisfait en plusieurs manieres. Premieremēt ilz doiuent sçauoir, que les Philosophes, desquelz ilz se veulent aider, pour confirmer leur erreur, n'ont iamais eutendu ceste sentence estre prise & entendue simplement & absolument, mais avec distinction. Car il est tout certain, que cela ne peut estre entendu, que des choses que l'entendement humain cognoit, Iuge & discerne par le moyē des sens, & non pas des autres choses, qui ne se presentent à aucun sens, comme de Dieu, des nombres, & de la ratiocinatio ou disputatio. Il est vray que Dieu n'est pas apprehendé de nous par aucun

cun de noz sens corporelz, dautant qu'il est incorporel, & que les sens ne peuuent apprehender, que les choses corporelles: mais seulement il est conceu en l'ame & apprehendé par icelle en l'intelligence à laquelle seule appartient la cognoissance des choses incorporelles, comme est Dieu pour l'apprehender. Dauantage vueillons nous, ou non, si est-ce, que son image demeure tousiours engraüée naturellement en noz entendemens. Et quât aux nombres cela est aussi sans doute, qu'ilz ne s'obiettent, ny ne se presentent à aucun de noz sens corporelz, mais seulement sont conceus & compris en noz entendemens. Dauantage, pour dire en somme, l'homme ratiocine & discourt en son entendement, sans le moyen d'aucun sens. Dont sensuit, que nostre ame peut faire quelques actions sans le moyen du corps, & par conséquent elle est d'une sustâce incorporelle, spirituelle, & diuine, qui ne peut perir par mort. Plus

la raison & la parolle, qui sont vertus, ou bien vraies & viues images d'un esprit diuin : & puis la cognoissâce des arts & des sciences, desquelles l'ame est le seul suiet, tesmoignent assez mon dire estre vray. Encore le desir d'honneur & gloire perpetuelle, à laquelle tous hommes aspirēt naturellement, approuue suffisamment l'immortalité de noz ames. Car icelle ne peut subsister, ne estre sans son suiet, assauoir, sans la personne animée participant de ceste gloire & honneur. Oultreplus il ne se peut faire, que la substance de nostre ame soit corporelle : car sil estoit ainsi, deux corps occuperoiēt vn mesme lieu en vn mesme temps. Qui est chose impossible à nature, laquelle ne peut peruertir l'ordre, qu'elle a constitué & establi. D'auantage quant ainsi seroit, que deux corps pourroient subsister ensemble en vn mesme lieu & en vn mesme tēps, & q̃ nostre ame seroit quelque corps, toutesfois, si est-ce, qu'il ne s'esuit pas, pour

pour cela qu'elle soit corruptible: car selon les Philosophes, les cieux, combien qu'ilz aient corps, toutesfois demeurent incorruptibles, dautant que leurs substances sont simples & exemptes de la mistiõ & meslinge des quatre premieres qualitez actiues & passives, cest assauoir, de chaleur, froid, secheresse, & humidité. Pour toutes ces raisons, toutesfois ie ne veux pas nier, que le ciel, la terre, & les autres corps simples ne passent, selon que les saintes escritures tesmoignent, mais, pource que telles gens n'adioustant foy qu'aux raisons naturelles, pour ceste cause i'ayme mieux par icelles les combattre & cõuincre, que par les diuines. Et puis si l'autorité d'Aristote leur fait plus de foy, que noz susdits argumens & raisons plus que probables & necessaires, iem'en veu remettre à ce qu'iceluy en a escrit en plusieurs lieux, & principalement en son second liure de la generation des animaux: ou il dit en paroles

les assez expressees, que noz ames sont immortelles. Les paroles duquel sont telles, assauoir la seule intelligēce aduiuent exteriement au corps humain, & icelle est diuine. Puis donc que ceste intelligence humaine est diuine, il sensuit bien qu'elle est immortelle. Car cela est fās doute, que toute chose diuine est immortelle & incorruptible. Et puis en vn autre lieu il confirme assez cecy, disāt que iamais nostre intelligence ne defaut en son action de cogiter, penser & mediter, & que pour ceste cause, c'est quelque chose infinie. Or cela est tout certain, que toute chose infinie est immortelle. Il adioust en vn autre lieu, que le sens ne peut estre sans le corps, & que l'intelligence est separable du corps. Par lesquelles paroles ilz deuote assez clairemēt l'immortalité de noz ames: 4.
Car ce, qui subsiste sans corps, est incorporel, & par consequent immortel: dautant qu'il est incorruptible. Il ne faut point douter, que ce, qui est

*Liu. 3.
de l'a-
me. ch*

incorporel , ne soit aussi necessairement incorruptible. Car generation & corruption ne peuuent appartenir qu'aux substances corporelles. Voila donc cōme il appert assez clairement tant par noz demonstrations, que par les authoritez du Prince des Philosophes Peripatetiques , que noz ames sont immortelles, quelque chose que vueillent dire noz Epicuriens. Combien que nostre intelligence soit proprement operation de l'ame raisonnable, nonobstant cela, nous pouuōs dire qu'elle est aussi operation du cerueau de l'homme. Car l'ame humaine cependāt qu'elle habite au corps, & qu'elle est tenuē cōme en vne prison obscure, ne peut entendre, ne cōprendre sans les sens, qui sont comme les fenestres, ou verrieres , au trauers desquelles elle voit & entent les choses intelligibles, simples, ou composées, corporelles, ou incorporelles. Or pource que le cerueau est le propre organe des sens interieurs, & les nerfs

molz,

molz, qui procedent de luy, des extérieurs, pour ceste cause nous disons l'intelligence estre operation du cerueau non propre, ne premierement, mais en second lieu & comme d'une cause instrumentale. Apres l'intelligence sensuit la raison, qui est engendrée en ceste seule intelligence. C'est une autre operatiō de l'ame raisonnable, par laquelle nous ratiocinons, dis-*Raison.*
Arist.
l.i. des
sputons & discourons. Car il faut que *grādes*
toutes choses, que nous cōceurons en *moral.*
nostre intelligence, conferons & con-*chap. i.*
siderons soyent toutes rapportées à l'usage de la raison, afin d'estre reçues pour bonnes, ou retranchées & reietées pour mauuaises. Car tout ainsi qu'en taillant la vigne on retient le sarmēt qu'on cognoit pouuoir apporter fruit, & on taille & reiette l'inutile, ainsi la raison apprehende & retiēt ce, qu'elle cognoit & iuge estre bon, & retranche & oste & reiette ce, qu'elle cognoit inutile. Aristote diuise *Rai- Double*
son en deux, assauoir, en vne Actiue, *raison.*

7. des
polit.
ch. 14.

la fin de laquelle est le bien: & en vne Contéplatiue, qui à pour sa fin verité, à laquelle elle s'arreste, ne procedant point plus oultre: Mais l'Actiue passe iusques à la volôté. La speculatiue cōsiste és veritez, recueillies des sens, ou des choses occultes, & qui sont hors de noz sens. Tous les hommes n'exercent pas également ces deux especes de raison. Car aucuns ratiocinent & discourét fort bien des choses vraies, & mal des choses, qu'il faut faire: car la raison de faire, ou actiue consiste en experience, & celle de sçauoir, ou speculatiue en la viuacite de l'intelligence. Or la raison des choses, qui sont faites au bié, est nōmée Prudence: Et ceste là qui est des choses, qu'on exerce és vtilitez de ceste vie exterieure, est appellée Art. Mais pource que l'homme experimenté fait son œuvre plus seurement, que le sçauāt sans experience, pour ceste cause il ne suffit pas d'auoir sciēce sans prudēce, art, & experience bien retenues en la
memoi-

Prudē-
ce.

memoire. Pour ceste cause tous ceux, qui ne sont point experimentez, ne peuuent estre bons artisans, ne prudēs, telz que sont les ieunes, & tous ceux, qui n'ont point mis la main à l'œuure, qu'ilz ont apprise. Car la viuacité & le tranchāt de l'intelligēce est aiguifé & polit par doctrine, comme là vertu de faire aucune œuure par exercice. Del'vne & l'autre espee de raison soit & decoule, cōme d'vne fontaine la parole non seulement proférée de la bouche, mais aussi écrite. Pourquoy Democrite à dit, que la parole estoit vn ruisseau de là raison. Et les Grecs ont nommé l'vne & l'autre de ce seul nom, Logos. Les simples paroles, que nous appellons motz, procedent d'vne simple intelligence & congnissance des choses, mais les composées & liées ensemble prouiennent non seulement de ceste simple intelligence, mais aussi de la raison discourente, qui cōioint & separe en nostre ame tout ce, qui est apte & conuenable.

*Parole
& d'où
elle
vient.*

*Motz
où voix
simples*

ble d'estre conioint ou d'iuisé, pareillement prouiennent du iugemēt, qui accoustre les clausules. Ceste parole composée est nommée cōmunement oraison ou proposition, laquelle contient vn sens parfait. Dauantage de la raison contemplatiue, qui tent à verité, procede vne Logique & Dialectique naturelle, par laquelle sans art nous pouuons definir & declarer les motz, qui n'ont qu'vne significatiō, & diuiser les generaux & vniuerselz en leurs especes: discourir, ratiociner & conclurre vrayement des propos & oraisons absoluës, qui nous serōt proposées. Vray est, qu'elle est beaucoup plus excellente, quant elle est aidée, appuiée, & conduite par l'artificielle, & qui est faite de preceptes: combien qu'il soit impossible d'apprendre & cōccuoir l'artificielle sans la naturelle. Car ceste-cy est la premiere maistresse de l'autre. Ioinct aussi, comme dit Ciceron, qu'on ne peut dire, ne faire chose aucune maugre Minerue, c'est

c'est à dire, si Nature y repugne & contrarie. Apres la raison sensuit le iugement, qui est vne approbation & reprobation, ou relectiō de la raison & discours. Iceluy est en l'intelligence, cōme la ligne & regle d'un charpentier, ou la balance en vne liure. Pour ceste cause le iugement se repose alors, que la raison besongne : mais apres qu'elle à fait son œuvre, le iugement iuge premierement de la coniectiō des choses, qu'à discouru la raison. Et puis apres du discours, lequel il approuue, ou reprouue. Il peut *Iuge-* toutesfois aduenir, que nostre iugement *ment* ne sera pas tousiours droit. Car *faux et* comme la raison se sert des formules *les cau-* des Dialecticiens, qui sont seulement *ses d'y-* des choses probables & vraisemblables *celuy.*, ainsi le iugement est souuentefois trompé par les formules & manieres, qui procedēt de l'argumentatiō à cause des tenebres de nostre entendement. Il cuide, que l'argumentation, qui est mauuaise, soit bien fai-

te. De cecy vient, que les ignorans, & ceux, qui ont l'entendement bouillât, se precipitent temerairement en declarât & prononçant quelque chose, souuentefois apres vn droit & parfait discours s'obiette & presente à ceste vertu de iuger & conclurre, ie ne scai quoy, cōme vne nuée, qui esblouit le iugement, tellement qu'il prent l'vn pour lautre: ce qui n'aduiēt point seulement aux choleres, mais aussi aux sages, & à ceux, qui sont biē exercez: & principalement quant ilz sont esmeus où de crainte, où d'ire où de hōte. Pour ceste cause iceux discourent & iugent mieux en leur entendement, qu'en parlant. Il en y a dautres, qui argumentent & discourtēt fort bien en eux mesmes, mais ilz sont si molz & coulans, qu'ilz ne demeurent point fermes en leurs cōclusions, mais permettent qu'elles leurs soyent rauies & ostées par autres: ce qui leur aduiēt où à cause de quelque affectiō, ou pource qu'ilz ne se fient guere en eux

eux mesmes. Or ce iugemēt-là est bõ *Iuge-*
& fain, auquel on à bien regardé ça & *ment*
là, d'ou procede la chose, de laquelle *bon &*
on iuge ce, qui sensuit d'icelle, ce, qui *droit.*
est estrange & repugnant, ce qui con-
uient & est vtile. En ce monde on ne
peut auoir vn plus grand bien pour
tous les arts & disciplines, ne pour
tout ce qui appartient à là vie de l'hõ-
me, que ce iugement icy droit & fain.
Les plus grans entendemēs & les plus
excellēs ne sont point distinguez par
l'vsage & cognoissance de plusieurs
& variables choses, ne aussi par l'eru-
dition & science des arts, & discipli-
nes, mais par le seul fain & droit iuge-
ment. Car c'est luy seul, qui cognoit
la verité conuenable à l'intelligence
& raison, & le bien, qui s'accorde à la
volonté, le mensonge aliene & enne-
mi de verité, & le mal discordant à la
volonté. Pour ceste cause si le iuge-
mēt iuge & estime, qu'une cõclusion *Opiniõ*
soit vraie, il y consentira & la tiendra
pour conuenable. Vn tel consente-
ment

ment du iugement est nommé Opinion & Aduis : Mais si l'estime est fauce & qui la deteste, cela s'appelle Discort. Et quant ceste Opinion est ferme, ce consentement est nommé Foy: mais quant elle est infirme & debile, elle se nōme seulement Souspeçō, qui est cōme vn milieu entre accort & discort, où bien vn doute.

Combien que par cy deuant nous aions desia parlé de la memoire, & de ceste vertu interieure du cerueau, par laquelle les images, qu'a formée l'imagination, sont gardées & retenuës, toutesfois pource qu'elle appartient au sens, & est commune à tous parfaits animaux, nous toucherons quelque chose de ceste-là, qui est particuliere aux hommes, nommée d'aucuns Reminiscence & memoire intellectuelle, par laquelle nous venons à remettre en memoire & recognoistre les choses qu'auions obliées : laquelle recognoissāce ne peut estre faite, qu'avec vne ratiocination & discours en l'intelli-

telligence. Car quiconque recherche *mem.*
ce, qu'il à autrefois sceu, iceluy dispute & discourte en soy ce, que par cy de- *& re-*
uant il à veu, ou ouy, ou cogneu & ap- *miuis.*
perceu par quelque autre de ses sens.
Quant donc le cerueau de l'homme
fait toutes les operatiōs susdites par-
faitement, alors nous pouuons asseu-
rer, qu'iceluy est temperé selon que sa
nature requiert, c'est assauoir, quant
le corps de l'homme est prompt & le-
gier, & que tous ses sens font fort bien
leur deuoir & office: c'est à dire, quant
l'homme cognoit & apprehende fort
biē toutes les choses, qui luy sont ob-
iettées dehors le cerueau: quant pa-
reillement iceluy n'est point trop en-
dormi, ne trop vueillant: & aussi lors
qu'il conçoit, retient & entent fort
biē toutes les choses, que les sens ont
cogneu, & d'icelles il ratiocine, di-
scourt & iuge tref-bien: pareillement
quant il n'est point opiniatre, ne subi-
tement muable en quelque opinion,
qu'il à conceuë & apprehendée, mais
muë

muë & change sa sentēce, lors qu'une meilleure raisō, où verisimilitude apparoit: finalement aussi quant il se recorde fort bien & aisement des choses, qui se seront escoulées de sa memoire. De la aduient, que les hōmes, qui ont vn tel cerueau, apprennent facilement & tot les arts & les sciences, pourtant que telle sūstance de leur cerueau est subtile, molle & claire, & que les esprits animaux, qui y sont engendrez, sont subtilz, purs & clairs: pourquoy aussi sont tenus pour tref-sages, & tref-prudens, d'autant que la sapience & sagesse humaine procede du tref-bon iugement de l'intelligence & raison. Dauantage de la bonne figure & conformation de la teste on peut aussi cognoistre la temperature temperée du cerueau, assauoir, quant elle est ronde & pressée d'un chacun costé des oreilles, afin qu'il y ait vne prominence deuant & derriere, & quant la grandeur d'icelle est proportionnée au reste du corps. La dernière
mar-

marque pour cognoistre vn cerueau temperé, doit estre prise des excremens, qui sortent de la teste par le palais, par les ieux & par les narines, qui sōt mediocres & meurs. Les cheueux de celuy, qui à vn tel cerueau, sont rouceastres en son enfance, & iaunastres en son adelescence, & iaunes en son aage virile sans estre ne plains, ne crepus, & rōbēt à grāde difficulté, en sorte qu'il ne deuiēt point chauue. Finalement vn tel cerueau ne peut aucunement estre offensé de causes externes, qui procedent de chaleur, froideur, secheresse & humidité.

Les signes de la temperature temperée du cœur de l'homme.

CHAP. XI.

LES signes pour cognoistre le cœur de l'homme bien temperé & moderé doiuent estre pris principalement des parfaites operatiōs d'iceluy, puis apres des poils de la poitrine. Quāt est des operatiōs du cœur
de

de l'homme, elles sont diuerſes: car aucunes ſont vitales, & les autres courageuſes. Les vitales, & qui de denotent la vie, ſont les pouls & la reſpiration & le ſouffle: les cōrageuſes, qui ſōt nommées paſſions & mouucmens de l'ame, ſont hardieſſe & crainte, magnanimité & force, vergongne, nonchalance, benignité, miſericorde, enuie, humanité, fineſſe, ſimplicité & integrité ou rondeur. Quant donc le pouls de l'artere & le ſouffle, ou reſpiration ſont mediocres, c'eſt à dire, quāt ilz ne ſont trop grans, ne trop petis, ne trop hatifz, ne trop tardifz, ne trop rares, ne trop frequens: & quāt les affectiōs de l'ame ſont bien moderées, alors on peut dire & iuger, q̄ le cœur eſt bien temperé. Or les affectiōs de l'ame ſont alors bien moderées, quāt l'hōme n'eſt point audacieux, ou temeraire, ne timide, mais vertueux & alaigre: quāt auſſi iceluy n'eſt point facile à courroux, ne nonchalant & ſtupide, mais doux & bening: ne precipi-
tant

tant ne mufart, mais prudent: ne enuieux, ne curieux d'autrui, mais humain & aimant ſes amis: ne fin & cauteleux, ne hebeté d'entendement, mais ront & entier: finalement quant il n'eſt point veluptueux, ne ſans ſentiment de voluptez, mais modeſte & temperé vers l'vſage de Venus. D'auantage la poitrine de ceſtui-là, qui a le cœur bien temperé, n'eſt point partout velluë & pelluë, ne du tout ſans poils, mais mediocrement pelluë.

Les ſignes de l'eſtomac & ventricule bien temperé.

CHAP. XII.

COMME le cerueau, le cœur, & le foye declarent principalement leur nature & temperature temperée par leurs tres-bônes operations, ainſi font toutes les autres parties organiques & instrumentales du corps de l'homme. Pour ceſte cauſe c'eſt eſtomach-la, ou vëtricule doit eſtre tenu & eſtimé temperé, lequel attire fort bien

bien à soy le breuuage & les viandes, puis les retient & ambrasse iusques à tant, qu'elles soyent cuites & reduites en suc & creme, que les Grecs appellent Chylon, & finalement qu'il reiette & pousse hors par le ventre les excremens & superfluitez de la premiere cuite faite en iceluy. Toutes ces quatre actions naturelles qu'auōs recitées icy, ne sont point particulieres au ventricule, mais communes à toutes les autres parties du corps humain, soyent-elles similaires ou organiques, qui sont attraction des viandes, retention, & concoction d'icelles & expulsion de leurs excremēs. Toutes lesquelles operations procedent de quatre facultez naturelles, c'est assauoir, de là faculté attractive, retētiue, cōcoctiue, & expulsiue, qui sont nommées naturelles, d'autāt qu'elles prouiennent de la nature & completion d'une chacune partie du corps humain. Quant donc la nature d'une chacune partie est saine & bonne selon

lon son degré, cela est certain, qu'elle produit bonnes vertus & facultez, & par consequent bonnes operations. Ainsi pouuons-nous iuger & dire d'une nature contraire & offensée. Finalement vn ventricule bien temperé s'esioit de viâdes & breuuages temperéz, c'est à dire, qui ne sont point chais, ne frois, ne secs, ne humides. Car vne chacune chose saine desire son semblable & deteste son contraire.

Les signes du foyé bien temperé.

CHAP. XIII.

LA nature temperée du foye nous est manifestée, non seulement par ses operations, mais aussi par les veines, & par le poil des hypochondres & flancs. La premiere operatiō du foye temperé est de sang, que les Grecs appellent Hæmatosin. La seconde est la digestiō & distributiō de bon sang & tēperé en quantité & qualité cōuenable à vne chacune partie du corps

g. i. humain.

humain. La troiesme est habitude du corps, qui n'est point grosse, ne corpulente, ne grasse, ne au contraire gesse, deliée & maigre ; mais mediocre.

La derniere est la bonne couleur de tout le corps, assauoir, viue cōme florissante, que le bon sang & bien temperé à donné au cult. Car la couleur apparoit semblable aux humeurs, qui abondent au corps humain, pourueu qu'ilz ne soyent point recoulez & retirez au dedans. Par toutes ces operations, nous pouuons asseurément dire & iuger de tous ceux-la le foye estre bien temperé, qui ont vn corps mediocre entre gros, corpulent, & gras, & entre gresse, delié & maigre, la couleur duquel est tres-bōne & florissante, c'est à dire, meslée de blanc & rouge, & aussi qui ont leurs veuës mediocres, c'est à dire, ne tres-grandes & amplissimes, ne aussi petites & estroites, & qui ont les flācs mediocrement pellus, le foye d'iceux est fort bien temperé.

Com.3.

apho.

Les signes des testicules temperez.

CHAP. XIII.

ON cognoit semblablement la température temperée des testicules par deux choses, assauoit, par leurs œuures & operatiōs, secondement par le poil des parties genitales & hôteuses. Par leurs œuures, quāt ilz parfont vne geniture & semēce mediocre en quātité & qualité, c'est à dire, qui n'excede point mesure, & ne defaut point aussi, & q n'est point trop chaude, ne trop froide, ne trop dure & seche, ne trop molle & humide, mais qui est au milieu de ces quātitez & qualitez, autant tēperées que nature le requiert. Par le poil, quant les parties genitales ne sōt pas du tout desnüées, ne deuēstües de poil, & quāt il est iaune & entre crespü & plain. Ceux, qui ont vne telle temperature de testicules, sont mediocrement enclins à l'vsaige venerien.

Les signes pour cognoistre les natures & complections intemperées des parties organiques.

CHAP. XV.

DE V A N T que de traiter des intemperatures, ou complections intemperées & bailler les signes pour les cognoistre & discerner, il faut noter, qu'il y a deux sortes & manieres d'intēperature, dont vne est vitieuse, & l'autre encōres dedās les limites de santé, comme celle, qui n'offence pas les actions euidentement, mais seulement est cause, qu'elles ne sont point si deuēment & parfaitement faites, cōme par la temperature temperée.

Intem- La vitieuse est telle, ou pource qu'elle
peratu- le empeche les operations, ou pource
re vi- qu'elle les offēse. Or est il, qu'elle les
tieuse. offense en deux façons, assauoir, ou que par elle icelles sont mal faites, ou abolies du tout. Celles, qui sont mal faites, sōt telles doublemēt: ou pource qu'elles sont faites debilemēt, comme on voit en vne stupeur, en laquelle
 le le

le le sentiment est debile, ou avec vne deprauiation, comme aussi en vne tremeur, ou le mouuement est depraue. Iacoit que l'intemperature face les operations plus debilement, toutesfois icelle ne doit encore estre tenuee & mise au rang des maladies iusques à tant que manifestement & sensiblement elle empeche, ou offense les operations. Et combien que l'intemperature, qui blesse & empeche euidement l'action, soit maladie, si est-ce toutesfois; que secondement & par accident icelle est aussi maladie des organiques, qui sont dissimilaires & composees,

Les signes pour cognoistre un cerueau trop chaud.

CHAP. XVI.

NOVS auons desia dit ailleurs, que les operations des parties organiques tesmoignent sur toutes choses les natures & cōplections d'iceles. Pour ceste cause quant nostre

cerueau est trop chaut, iacoit qu'en humidité il soit temperé, toutesfois alors noz sens & les mouuemens du corps s'ont legiers & alaigres, & les dormirs son brefz, legiers & peu profonds. Nous sommes aussi incōstans d'esprit & d'entendement : car combien que nous apprehendions de nostre intelligence diligemment & apprenions subitement, & facilement, & aussi que nous consentions aisément à toutes choses vraysemblables, nonobstant cela, nous sommes legiers & muables en noz apprehensions & opinions. Et si avec ce, la sūstāce de nostre cerueau est trop deliée & subtile, alors nous auons vne diligēce & vitesse d'entendement, c'est à dire, que nostre intelligence conçoit, entēt & apprend subitement les formes & essences des choses, qui nous sont proposées. D'auantage toutes les parties, qui sont autour de la teste principalement la face, apparoissent plus rouges, qu'en vn cerueau bien temperé, & aussi plus chau-

chaudes selon le iugemēt du sens du
toucher. Itē si les veines des yeulz sōt
manifestes en telle temperature & si
icelle est aux petis enfans bien tot a-
pres, qu'ilz sont nēz, leurs cheueux se
font, & incontinent sortent dehors:
& en la vigeur de leur aage, ilz deuie-
nent noirs & crespus, & tant plus le
cerueau est chaut, plus tot cecy est
fait. Mais si le cerueau n'est pas tant
chaut, premieremēt les cheueux sor-
tent iauneastres, puis apres ilz noir-
fissent, & par continuation d'aage, ilz
tōbent, & la teste devient chaume. Si
le cerueau se porte biē, alors peu d'ex-
cremens & superfluitez sortēt de luy
par le palais de la bouche, par les nari-
nes & par les oreilles, lesquelles avec
ce, sont bien cuitz & meurs. Vne telle
temperature de cerueau resiste plus
puissamment aux froidures exterieu-
res, que celle d'un cerueau temperé:
mais elle est plus tot & plus grieue-
ment offensée par choses chandes
tant exterieures que interieures: la-
g. iiii. quelle

quelle temperature est secourüe & aidée par les choses froides. Car toutes les parties de nostre corps sont facilement & promptement offensées par les causes, qui sont semblables à leur temperature: comme aussi aidées & secourües par vn mediocre vſage de leurs contraires.

Les signes d'un cerueau trop froid.

CHAP. XVII.

TOUTS ceux, qui ont le cerueau trop froid, sont les plus tardifs de tous à conceuoir en l'entendement & à apprendre les arts & disciplines: mais en leurs opiniõs & aduis ilz sont plus fermes & stables, que tous les autres: ilz ont aussi leurs sens tant extérieurs, que intérieurs hebetez, lours, & qui ne sont point aigus; & leurs mouuemens du corps tardifz & paresseux. Leurs dormirs sont lōgs, pesans, & profonds, & si avec cela, la substance du cerueau est grosse. Il est certain, que: l'intelligence est tardiuë & paresseuse.

resseuse, c'est à dire, qu'elle conçoit & entent les images des choses, qui luy sont obiectées bien tart & difficilement. Car à grande peine peut-on imprimer & engraueir quelque chose, que ce soit, es corps gros, massifz & durs. Et quant aux parties extérieures de la teste d'un cerueau trop froit, & principalement la face, en iceluy on ne les sent point chaudes au toucher, & ne sont pas rouges, mais palles. Car la cause de ceste rougeur est chaleur, & de couleur palle la froideur. Item les veines de tous ceux, qui ont le cerueau trop froit n'apparoissent nullement à nostre veüe. Les excremens de la teste coulent par le palais de la bouche, par les narines, par les oreilles & par les yeux plus abondamment, que d'un cerueau temperé. Les cheueux s'engendrent gresles, drois & applanis & non point crespus & de couleur rousse: ilz deuiennēt bien tost chenus, & ne tombent point. Un tel cerueau est aisement & pröptemēt offensé par
201 choses

choses froides tant exterieures, qu'intérieures. Pour ceste cause tous ceux, qui ont vn tel cerueau, sont suietz & enclins à catarrhes & defluxions, d'autant que ceste intemperature cause vne debilité en ceste partie, par laquelle elle engendre grande quantité d'excremens pituiteux. Vne telle intemperature est corrigée par l'usage de choses chaudes, pourueu qu'il soit moderé, car cela est certain, que de l'immoderé & trop grand elle en reçoit detrimēt & dommage. Car icelles excitent, aussi & esmouuent les catarrhes & Corizes en vne telle nature intemperée, à cause que la chaleur font & liquifient les excremens du cerueau.

Les signes pour cognoistre vn cerueau trop sec.

CHAP. XVIII.

TOVS ceux, qui ont la ceruelle trop sèche, à grande peine reçoivent-ils les formes & images des choses,

ses, qui sont présentées à leur entendement. Pour ceste cause, plus difficilement ilz apprennent les arts & sciences, que ceux, qui n'ont leur cerueau, que trop froit. Car (cōme nous auons desia dit) à plus grāde peine on engraue ce, qu'on veut és corps durs, que és molz. Or les durs, qui sont telz par secheresse, excedent en dureté les autres endurcis par froit; toutesfois ilz ont vne memoire fidele & excellente, dautant qu'ilz retiennent fermement les idées, formes & images des choses, qu'ilz ont receuës en leur entendement & intelligēce. Item, ilz ont les sens perspicieux, clairs, vueilans, & aussi les mouuemens de leur corps prōpts & habiles. De telles personnes les parties de la teste sont seches & gresles. Peu d'excremens sont reiettez du cerueau par le palais, par les narines, par les yeux & par les oreilles. Leurs cheueux sont rudes, aspres & crespus. En sōme ces personnes-la deuieñnēt bien tot chauues: & sont

sont aisemēt offensées des choses seches, & aidées d'un vſage mediocre de celles, qui humectent.

Les signes d'un cerueau trop humide.

CH A P. XIX.

LA grande facilité d'apprédre les Arts & sciences, & la soudaine oubliance des choses, qu'on aura sceuës, déclarent assez la sūstāce du cerueau estre par trop humide & coulante: pourquoy il ne se faut point emerueiller de ce, que ceux, qui ont vne telle temperature de cerueau, apprennent ce, qu'on leur enseigne tant promptement & aisement, & qu'aussi ilz l'oublient tant soudainement: car cōme vne telle sūstāce molle reçoit aisemēt les formes & images des choses, qui luy sont presentées par les sens extérieurs: ainsi facilement & tot les laisse couler sans les pouuoir retenir longuement, à cause de son humidité & mollesse. Ce qu'on voit aduenir en vne terre molle, en laquelle
on im-

on imprime promptement & aisement telle image, qu'on veut, mais bien tot apres ceste image est effacée, pource que les parties de ceste terre, qui estoient disiointes pour faire place à ceste figure & image, sont bien tot reünies & rasemblées à cause de ceste mollesse. Vn tel cerueau rent tous les sens troublez, pesans & hebetz, & les mouuemens du corps tardifz, & les dormirs longs & profonds. Dauantage les parties de la teste d'un tel cerueau, comme la face sont molles & humides, & aussi bouflettes & grasses. Vne telle teste rent grande abondance d'excremens par le palais, par les narines, & par les yeux, & par les oreilles. Les cheueux dicelle sont droits & applanis, lesquelz deuiennēt bien tost blancs & cheus: toutesfois sans iamais tōber pour rendre l'homme chauue, à cause de la grande humidité du cerueau, qui entretient la generation & nourrissement d'iceux. En somme le cerueau trop humide
est fa-

est facilement offensé des causes humides exterieures ou interieures, & fort aidé & secouru des desiccatiues.

Les signes d'un cerueau trop chaud & trop sec,

CHAP. XX.

CE V X, desquels le cerueau est trop chaud & trop sec, ont les sens aigus & subtilz, & sont tres-vigilans. Ilz ont aussi leurs mouuemens promptz & legiers: ilz sont tres-incōstans aux apprehensiōs de leur entendement & de leur opinion. Et combien que la vertu de leur intelligence soit prompte, toutesfois à cause de la secheresse de leur cerueau, ilz apprennent les arts & sciences difficillemēt: si ont-ils cependāt vne bōne & loiale memoire. On cognoit aisēmēt par le sentiment du toucher, que leur teste est chaude: car leur face apparoit rouge iusques à la vigueur de leur aage. Iceux n'ont point, ou bien peu d'excremens de teste: & produisent
cheueux

cheueux noirs & crespus : la teste desquels deuient bien tot chauue. Ceux, qui ont vn tel cerueau, sont bien tot offensez par causes chaudes & seches exterieures ou interieures : & sont aidez & secourus par vn mediocre vsage de celles, qui sont contraires.

Les signes pour cognoistre vn cerueau trop chaut & trop humide.

CHAP. XXI.

CE V X, desquelz le cerueau est trop chaut & trop humide, ont la veuë trouble & obscure, & les autres sens hebetez & peu veillans. La cause, pour laquelle ilz ne peuuent veiller long temps, est, dautant que la chaleur induit & prouoque le veiller, ainsi comme l'humidité fait l'affectiō de dormir. Leur dormir donc est pesant, entrerompu de veilles, & de songes pleins d'images & phantasies.

Ceux, qui ont tel cerueau, conçoieūt & entendent promptement la chose, qui est proposée à leur entendement
& intel-

& intelligence, pourquoy ilz apprennent facilement : mais leur memoire est infirme & debile, à cause de la trop grande humidité & mollesse de leur tel cerueau. Leur teste & principalement la face est bien colorée, c'est assauoir, d'une couleur meslée de blanc & rouge. On sent aussi leur teste estre chaude au sens du toucher, laquelle abonde mediocrement en excemens, qui sont cuitz & meurs. Elle produit pareillemēt des cheueux iau-neatres, applanis nō crespus, & s'appesētīt & se réplit de choses chaudes. Et d'autant plus qu'un cerueau est humide, aussi abonde-il plus en excemens & superfluitez. Icēluy est incontinent offensé par toutes choses, qui eschauffent & humectent, cōme par les vents meridionaux, mais il reçoit secours & aide des choses froides & seches externes, comme du vent de la bize. Car vne chacune immodérée temperatūre est facilemēt & tot offensée par les qualitez, qui luy sōt semblables : mais
aussī

aussi est-elle aidée & secouruë par celles, qui luy sont contraires. Itē si le cerueau est beaucoup trop chaut & peu trop humide, qu'il ne faut: alors les signes de ceste trop grande chaleur se manifesteront tres-cuidemment, & ceux de l'humidité moindre obscurément. Mais s'il est beaucoup & trop plus humide, & quelque peu trop chaut, lors tous les signes se metterōt en auant & se monstrent tout contraires aux autres. Ceste raison est commune à toutes les natures & aux complexions coniointes ensemble.

Les signes d'un cerueau trop froit & trop sec.

CHAP. XXII.

TOVS ceux, qui ont le cerueau trop froit & trop sec en leur ieu-
nessse & aage virile, ont tous leurs sens subtilz & vigoureux, comme aussi les mouuemens de leurs corps promptz & legers: toute fois ilz apprennent les arts & sciences difficilement, d'autāt

h. i. que

que leur intelligence entent & reçoit difficilement les formes & images, qui luy sont portées des sens extérieurs & intérieurs. Nonobstant cela, ilz ont vne ferme & excellente memoire. Il aduiét à vn tel cerueau, ainsi qu'à vne pierre dure & seche, en laquelle comme on engraue difficilement quelque forme ou image : mais apres qu'elle est engrauee, ne s'efface pas aisément, mais demeure long temps: ainsi difficilement on imprime quelque chose en vne ceruelle dure & seche, mais apres qu'elle a conceu ceste chose, elle la retient fort bien & fermement. Pour ceste mesme cause, ceux, qui ont vne

Opinias telle nature de cerueau, sont Opinias-
tres. tres, c'est à dire, fermes & stables en leurs opinions. Bie tot apres, que leur ieunesse & fleur d'aage est passée, ilz deuiennent secs, & demonstrent hastiuement leur vieillesse en la teste: car incontinent leurs cheveux blanchissent & deuiennent chenus. Leur teste & principalement leur face est
 fort

fort decolorée & palle, à cause de la froideur & diminution tres-grande de la chaleur naturelle, qui y est. Car la belle & viue couleur composée d'une blanche & rouge procede de chaleur naturelle vigoureuse. On sent la teste d'iceux estre froide par le sentiment du toucher. Les veines des yeulz sont tât petites & deliées, qu'on ne les peut voir. Peu d'excremens coulent du cerueau par le palais, par les narines & par les oreilles. Pareillement les cheveux de leur teste sont plains & deliez, qui blanchissent tot, ainsi qu'auons desia dit, si le cerueau est beaucoup trop sec & peu trop froid, alors la teste deuiet chauue en vieillesse. Au contraire s'il est beaucoup trop froid & peu trop sec, la teste ne pelle guere. Vne telle nature de cerueau est aisément & tot offensée par les causes externes, qui sont froides & seches, comme par les Bises & vents d'Aquilon: & nonobstant cela, elle se réplit des choses, qui sont chau

des & humides. Pour ceste cause la fanté de ceux, qui ont vn tel cerueau, n'est pas fort stable, ne ferme, dautant que tantot ilz ont leurs testes legères, tantot & par vne petite & legere cause, ilz les sentent pesantes & offensées de distillatiōs par les narines, que les Medecins Grecs appellent Corizes & autres Rheumes.

Les signes & indices pour cognoistre vn cerueau trop froit & trop humide.

CHAP. XXIII.

VN cerueau trop froit & trop humide rent les hōmes endormis & leur induit & cause des sommeilz pesans & profōds, pleins de songes & visions. Il rent aussi les sens hebetēz & estourdis, & les mouuemens du corps stupides & tardifs. Et comme il fait telles choses es sens & mouuemens du corps, ainsi offense-il l'intelligence & l'entendement, qui est la vertu d'icelle: car il la rent hebetée & lourde. Pour ceste cause ceux, qui ont vn

*Que
c'est En
tende-
ment
que les
Latins*

tel cer-

tel cerueau apprennent difficilement *appel-*
 & tardiement, & oublient soudai- *lēt In-*
 nement ce, qu'ilz ont appris. Ilz ont la *geniū.*
 face palle, bouflette, & grasse, & les
 veines des yeulx tāt petites, que à grāt
 peine les peut-on voir. Leurs cheueux
 sont plains & deliez & de couleur
 rousse, qui blanchissent incontinent
 & deuiennēt chenus, mais la teste ne
 pelle point. Telle teste rent grande a-
 bondance d'excremens par le palais,
 & par les narines, lesquelz sont fort
 crus, mais fort peu par les oreilles:
 car ceux-cy sont choleres, & les au-
 tres phlegmatiques. Vne telle dispo-
 sition & nature de cerueau est prom-
 ptement offensée par toutes les cau-
 ses de ce monde, qui sont froides ou
 humides, ou bien froides & humides
 ensemble, car en ce que par icelles la
 teste est tantot remplie & excitée à *Que*
 Corizes, qui sont destillations d'hu- *c'est Co-*
 meurs par les narines, & à autres rheu- *rizes,*
 mes & catarrhes: comme aussi à Apo- *& Apo-*
 plexie, qui est vn estonnement de tous *plexie.*

les sens & mouuemens excepté la respiration, & au mal caduc, à Paralyfie, *Que c'est Pa* c'est à dire; priuation du sentimēt du *ralysie.* toucher, ou du mouuement, ou bien & *Le-* de l'vn & de l'autre ensemble, à *thargie* Le- thargie, ou vn œdeme & humeur froide & humide causant vn sommeil tresprofond: & finalement à plusieurs autres maladies froides & humides.

Les signes du cœur trop chaut.

CHAP. XXIII.

IL y à deux sortes & manières de signes pour cognoistre le cœur de l'homme estre desmesurément chaut: Les premiers sont propres & inséparables, les autres sont aucunement contingens & nō nécessaires. Les propres sont plusieurs, cōme le pouls de l'artere, qui est grant, prompt, & fréquent, pareillement la respiration & souffle, qui est grant: Toutes lesquelles operations procedent de la vertu & faculté vitale: mais celles, qui sensuiuent, viennent de celles, que nous appellons

pellôs Courageuse & que Platon nô-
me Ame irascible, qui sont Audace
& Hardiesse: & si la chaleur du cœur
excede beaucoup mesure, alors se fait
vne furieuse temerité & ire, ou cour-
roux, que le vulgaire appelle impro-
prement Cholere, & puis vne nature
& inclinatio tres-prompte à faire tou-
tes actions externes. Dauantage ceux,
desquels le cœur naturellement est
trop chaud, ont necessairemēt tout le
pourpoint du corps pelli, & principa-
lement la poictrine & les parties pro-
chaines des Hypochondres ou flancs.
Les signes, que nous appellons cōtin-
gens & non necessaires, sont vne soif,
qui procede de l'ardeur du cœur: la-
quelle ne s'esteint point par boire,
mais par attirer à soy & aualer l'air
froit & puis vne chaleur estenduë par
tout le corps, laquelle on trouue en
touchant la peau, si le foye par sa gran-
de froideur n'y resiste.

*Gal. és
l. des de
cretz
d'Hip.
& de
Platō.
Que
c'est
Cou-
roux.*

Des signes pour cognoistre vn cœur trop froid.

CHAP. XXV.

LES signes propres, qui testifient le cœur de l'homme estre trop froid, sont vn poulx moindre, qu'il ne conuient à la droite nature & conuenable, lequel est rare & tardif. Puis vne petite respiration & soufle, rare, & tardieue. Rare s'oppose à souuent & frequent, comme tardif à subit & hatif. Toutes personnes, desquelz le cœur est trop froid, ont la teste grande & le pourpoint petit: elles sont fort craintiuues, deffiantes, paresseuses, musardes & negligentes en leurs affaires: elles n'ont aucun poil en la poitrine. Le signe contingent, & qui peut aduenir ou nō, est, vne froideur qu'en touchāt on sent par tout le corps, si le foye par sa grande chaleur ne l'empesche.

Les signes d'un cœur trop sec.

CHAP. XXVI.

LES propres signes d'un cœur trop sec sont vn poulx dur, tardif uetē à ire,

à ire, laquelle, s'il aduient, qu'elle soit excitée, deuiant cruelle & impossible à appaiser. Le signe Cōtingent, & qui *Que n'est pas necessaire, est vne secheresse c'est Cō* de tout le corps, pourueu qu'une trop *tingēt* grande humidité du foye n'y resiste.

Les signes d'un cœur trop mol & trop humide.

CHAP. XXVII.

LE poulx des arteres de ceux, qui ont le cœur trop mol & humide, est mol. Les mœurs d'iceux sont enclines à courroux, qui toutesfois s'appaise facilement: & ont aussi leur corps mol & humide, si le foye trop sec n'y resiste.

Les signes d'un cœur trop chaud & trop sec.

CHAP. XXVIII.

LE poulx de ceux, qui ont le cœur trop chaud & trop sec, est grand, hatif, frequēt & dur: le souffle aussi est grand; prompt & frequēt: leur poitrine

trine & leurs hypochondres, ou flancs sont fort vellus. Telles personnes sont promptes à exécuter, & faire leurs besongnes, & aussi sont Felonnes, qu'on appelle cōmunement Choleres: elles sont pareillement corageuses & douées de mœurs tyranniques & cruelles: & si elles sont excitées iusques à la fureur, ceste fureur puis apres ne peut estre appaisée.

*Felonnesper-
sonnes.*

*Les signes pour cognoistre un cœur trop
chaut & trop humide.*

CHAP. XXIX.

CEX, desquelz le cœur est trop chaut & trop humide, ont le poulx des arteres grand, hatif, frequēt & mol. Ilz ont pareillemēt la respiration grande, hatiue & frequente, & la poitrine moins pelluë, que celle de ceux, qui ont le cœur chaut & sec. Ilz sont prompts en leurs actions, & enclins à couroux. Et si l'humidité excède beaucoup mesure en eux, ilz sont fort suiets à maladies procedentes de putre-

putrefaction, comme à fleurs continuës & ardentes.

Les signes d'un cœur trop froid & trop sec.

CHAP. XXX.

LE poulx petit, dur, tardif & rare, la respiration petite, tardiue & rare testifient & declarent, que le cœur est trop froid & trop sec. Et tous ceux, desquelz le cœur est tel, n'ont point de poil en la poitrine, & ne sont point felons, ne enclins à ire : toutesfois s'il aduiët, que pour quelque grande occasion ilz soyent contrainsts à se courrouser, leur courroux dure longuemēt & difficilement s'appaise. Car il aduient au cœur, comme aux corps externes, qui sont durs & secs, lesquelz à grande peine peuuent estre eschaufez par le feu : mais depuis qu'ilz sont faits tels, ilz gardent longuemēt leur chaleur & refroidissent difficillemēt.

Les signes du cœur froid & humide.

CHAP. XXXI.

TOUS ceux, le cœur desquelz est trop froid & trop humide, ont le poulx

poux mol, petit, tardif, & rare, & le souffle petit, tardif & rare: & n'ont aucun poil en la poitrine. Ilz s'ont fort défians, craintifz & paresseux en toutes leurs negoces & besongnes, & se courroussent difficilement: mais s'il aduient, qu'ilz se courroussent quelquefois, leur ire & courroux est biẽ tot apaisé, comme des enfans & d'aucunes femmes.

Les signes d'un paumon trop chaut.

CHAP. XXXII.

TOUTS ceux, qui ont les paumons trop chaus, sont ordinairement alterez de soif, & telle soif, ne s'esteint pas par le boire, cõme celle, qui procede de l'ardeur & inflammation du ventricule & du foye, mais par l'attractiõ d'un air froit faite par la bouche. Et comme par vn tel moien les paumons trop eschaufez sont secourus, ainsi par l'inspiration & attractiõ d'un air chaut, ilz sont offensez.

Les signes du paumon trop froit.

La soif des paumons & le remede.

Les si-

CHAP. XXXIII.

LE paumon, qui est trop froit, est promptement & aisément offensé du froit & de l'attraction d'un air froit, laquelle se fait par le moyen du soufflé. Au contraire il est grandement aidé & secouru par un air chaut receu par la bouche. Dauantage un tel paumon reiette avec la touffe & avec le crachat beaucoup d'excremens phlegmatiques.

Les signes du paumon trop humide.

CHAP. XXXIIII.

CEVX, qui ont les paumons trop humides, crachent avec la touffe grande quantité de phlegme, & d'autres excremens: & ont la voix enrouée, laquelle est empeschée par les excremens, qui suruiennēt alors qu'ilz s'efforcent & veulent parler plus fort, ou plus greslement.

Les signes du paumon trop sec.

CHAP. XXXV.

TOVX ceux au contraire, qui ne crachent point par le moyē de la teste,

teste, & ne reiette point d'excremēs,
mais ont voix claire & bien resonāte,
ont leurs paumons secs.

Les signes du ventricule trop chaut.

CHAP. XXXVI.

*Soys
procedē
te du
vêtre,
remede*

LE ventre, qui est plus chaut, que
sa nature & complexion ne re-
quiert, cause & excite la Soys, laquel-
le toutesfoiss'esteint par vn breuuage
froit. Vn tel estomach cuit mieux les
viandes, qu'il ne les appete: & cuit
mieux celles, qui sont dures & diffici-
les à cuire, cōme la chair de beuf, que
les molles, & qui facilēmēt se cuisent
en iceluy. Car cela est certain, qu'il
corrump & conuertit les viandes, qui
aisēmēt se cuisent & changent en v-
ne espee de crudité puante, comme
sont les œufs pourris. Pour ceste cause
il prouoque des roctes, ainsi puantes,
& principalemēt quant il est fort en-
flammé. L'usage moderé des viandes
refraichissātes & breuuages froids luy
apporte grant profit & grant bien.

*Crudi-
té puen
te et cō-
me elle
se ma-
nifeste.*

Iceluy

Iceluy est promptement offensé des choses exterieures, qui sont chaudes, lesquelles il ne peut souffrir sans nuisance.

Les signes du ventricule trop froid.

CHAP. XXXVII.

LE petit ventre, qu'on nōme communemēt Estomach, estant trop froid appete trop à manger & cuit foiblement les viandes, principalement les froides, & celles, qui sont dures & de difficile cuison. Elles s'enaigrissent aisément en iceluy, qui est cause, qu'il excite & fait des roctes aigres, ou qui fouuent ne sentent rien, & principalement quant elles prouiennent du phlegme insipide ou doux cōtenu en iceluy. Vn tel estomach se delecte aux viandes & breuuages froids, desquelz promptement il est offensé, cōme aussi de toutes les autres choses exterieures, qui sont froides. Car vne chacune chose naturelle & saine s'esciouit & desire son semblable, toutes fois elle en est offensée par vn viage

Cause des roctes aigres & de celles, qui ne sentent rien.

Doctri- ne gene- rale.

exces-

excessif & immoderé.

Les signes du petit ventre trop sec.

CHAP. XXXVIII.

*Remede à la soif causée de seiche-
d'estomach.*
T O V S ceux, qui naturellement ont l'estomach trop sec, sont altérez de soif, mais vne telle soif est facilement ostée par vn petit breuvage. Ilz sont offensez par grande abondance de breuvage, laquelle leur causeroit beaucoup de bruits & ventosités en l'estomach. Ce qui est superflu du breuvage nage en la partie superieure de l'estomach, la où il ne fait, que flotter. Vn tel ventre se delecte és choses seches, & les appetite fort. Car toute chose, comme nous auons desia dit, se sioit naturellement de son semblable, & se contriste de son cōtraire. Finalement vn tel estomach mene plus tot à l'extreme vieillesse, que celuy, qui est humide, ou temperé.

Les signes d'un ventricule trop humide.

CHAP. XXXIX.

C E V X, qui ont l'estomach plus humide, qu'il ne faut selon nature, n'ont

re, n'ont aucune soif, & sans offense
peuvent boire beaucoup, & se dele-
ctent grandement aux viandes hu-
mides.

*Les signes pour cognoistre vn petit vêtre,
qui est trop chaut & trop sec.*

CHAP. XL.

VN estomach, qui naturellement
est trop chaut & trop sec, n'appe-
te pas beaucoup les viandes, toutef-
fois il les cuit bien, & principalement
les dures, & qui sont difficiles à cuire.

Vn tel estomach appete facilement à *Remem-
boire souuent*, mais ceste soif est ap- *de à la
païsée par vn breuuage froit & humi- soif cau
de. Il se delecte aussi aux viandes & sée de
breuuages chaus & secs, toutesfois est chaleur
offensé par le grand vsage d'iceux. Il & seche
est aussi incontinent offensé des cho- resse
ses exterieures, qui sont chaudes & d'esto-
seches, comme d'un air chaut & sec, mach.
lesquelles il ne peut souffrir sans inu-
re & nuissancē.*

*Les signes d'un ventricule trop chaut &
trop humide.*

CHAP. XLI.

TOVS ceux, qui ont l'estomach trop chaut & trop humide, n'appetent guere les viandes, toutesfois, ilz les cuisent, & reduisent tres-bien en suc, & principalement celles, qui sont dures & difficiles à cuire. Les personnes de tels estomachs n'ont point soif, & se delectēt aux viādes & breuages chaus & humides. L'vsage moderé des choses, qui sont froides & seches, leur sert & profite beaucoup: mais ilz sont fort & promptement offensez des choses exterieures, qui sōt chaudes & humides.

Les signes du petit ventre trop froid & trop sec.

CHAP. XLII.

VN estomach trop froid & trop sec appete grandement les viandes, lesquelles toutesfois il cuit foiblement: principalement celles, qui sōt froides & difficiles à cuire & reduire en ius. Car en iceluy elles aigrissent, d'où prouiēnēt les rocts aigres. Ceux d'un tel

*Cause
des
rocts ai-
gres.*

tel estomach, ont incontinent soyf, & principalement apres que la premiere cuisson, qui se fait en ce petit vêtre, est acheuée. Mais vne telle soyf s'appaïse par vn peu de breuuage, qui à vertu d'humecter. Car par vne grãde quantite de breuuage, l'estomach est greué & molesté de vérositez & flotz. Ilz se plaisent en choses froides & seches, & appetent aussi quelque breuuage froid. Mais leur estomach est promptemēt offensé par vn vsage immodéré d'iceux, comme aussi des autres choses exterieures, qui sont froides. Iceluy est aidé & secouru par choses chaudes & humides, tant appliquées par dehors, que prises dedans le corps.

Les signes pour cognoistre vn estomach trop froid & trop humide.

CHAP. XLIII.

VN estomach trop froid & trop humide appete grandemēt les viãdes, mais il les cuit debilemēt & principalement celles, qui sont froides & dures,

Remede à la soyf excitée p la froidure & secheresse de l'estomach.

Cause de grand appetit

*Cause
des
rochers ai-
gres.*

dures, qui difficilement peuuent estre conuerties en suc. Car elles aigrissent en iceluy, & se conuertissent en vne aigre crudité, qui par apres se manifeste par des rochers aigres. Ceux, qui ont vne telle intemperature de ventre, ne sont point alterez de soyf, ou bien peu, & appetent grandement les choses humides, desquelles ilz ne sont point offensez, non plus que d'une grande quantité de breuuage.

Les signes du foye trop chaud.

CHAP. XLIIII.

*Chole-
re, &
d'ou el-
le pro-
cede.
Chole-
re noire*

CE V X, desquelz le foye est naturellement trop chaud, ont les veines de tout leur corps larges, & amples, & en leur ieunesse ilz abondent en humeur choleric, & en leur vieillesse ilz engendrent grande quantité de cholere noire. Car en ceste age-la, le sang est bouillant, & tres-chaud. Ceste cholere noire est engendrée d'un sang aduste & brulé, non seulement au foye, mais aussi en toutes les veines. On cognoit par le sens du toucher

cher le corps des personnes, qui abondent en ceste cholere noire, & qui ont le foye chaud, estre chaud par tout, à cause du sang trop chaud & humide, si le cœur estant trop froid, n'y resiste. Dauantage ceux, desquelz le foye est naturellement trop chaud, ont le ventre & les flancs pellus.

Les signes du foye trop froid.

CHAP. XLV.

VN foye est recogneu trop froid, quant les veines sont naturellement trop estroites, & petites, & que la personne iette grande abondance de phlegme par abas: & icelle à la couleur de tout son corps blanche, ou rousse, ou palle. Ceux, qui touchent le corps d'une telle personne, le sentent froid, s'il n'est eschaufé par la chaleur du cœur. Car cela est certain, que la chaleur du cœur couure & empeche, que la température froide du foye, ne se manifeste, comme aussi au contraire sa froideur cache la chaleur du foye: toutesfois cela ne se peut faire, que

l'humidité du cœur puisse oster la secheresse du foye, c'est à dire, qu'elle puisse humecter & rēdre le corps plus humide, que celuy d'un homme temperé: car cela est certain, qu'il domourra sec & aride. Oultre ces choses on doit scauoir, que tous ceux, qui ont le foye trop froit, n'ont aucū poil au ventre, ne és flancs.

Les signes d'un foye trop sec.

CHAP. XLVI.

QUANT l'homme à peu d'humeurs & peu de sang & qu'iceluy est gros, & que l'habitude & corpulence d'iceluy est seche & gresle, cela tesmoigne & declare, qu'il à le foye trop sec. Et à vn tel personage les veines sont fort dures & tres-petites.

*Que
c'est ha
bitude
du corps
hu-
main.*

Par l'habitude du corps, nous entendons tous les muscles, qui couurent tous les os du corps humain.

Les signes d'un foye trop humide.

CHAP. XLVII.

TOUS ceux, au contraire le foye desquelz est trop humide, ont plus

plus grande abondance d'humeurs & de sang, que leur droite nature ne requiert. Pour ceste cause leurs veines sont trop molles, trop amples & estendues. Leur corps est trop mol, si la secheresse du corps ny resiste.

Les signes pour cognoistre vn foye trop chaud & trop sec.

CHAP. XLVIII.

CELVY, auquel le foye est trop chaud & trop sec, à trop peu de sang & trop gros, & aussi trop chaud. Vn tel sang est fort bilieux & choleric. Car vne telle temperature de foye engendre grande quantité de choler en la ieunesse de l'homme, mais en la vigueur & l'aage confirmée vn tel foye engendre vne cholere noire, qui est vne espece d'humeur melancholic. Les veines de cestuy-la, qui à vn tel foye, sont larges & amples à cause de la chaleur, qui estend les corps, & sont aussi dures, par le moyen de la secheresse du foye, laquelle endurecit les corps en les desechant. Pour ceste

*Cause
de peu
de sang*

*Cause
du sang
choleric*

*Que
c'est cho
lere noi
re.*

cause, tout le corps de cestuy-la, qui à vn tel foye est gresle & dur: & son ventre & les hypochondres, & flancs sont tres-vellus. Vn tel corps est senti trop chaud & trop sec & aspre au toucher, pourueu que la froideur, & humidité du cœur n'y résiste.

Les signes d'un foye trop chaud, & trop humide.

CHAP. XLIX.

LES signes pour cognoistre vn foye trop chaud, & trop humide s'ont tres-grande abondance de sang. Pour ceste cause ses veines s'ont tres-amples & pleines, & son corps charnu, gros & fort musculeux, lequel est senti fort chaud, mol & humide par le toucher, pourueu que l'intemperature froide & seche du cœur n'y résiste point. Les flancs d'un personnage, qui à vn tel foye, sont pellus, toutesfois moins, que ceux d'un cholerique, & de cestuy-la, qui à le foye trop chaud & trop sec. Finalement le foye trop chaud & trop humide rent l'homme subiet à mala-

dies

dies causées de putrefaction & humeurs vicieuses, comme à toutes fieures putrides, humeurs cõtre nature, vlcères & beaucoup d'autres.

Les signes d'un foye trop froid & trop sec.

CHAP. L.

T O V S ceux-la, le foye desquelz est trop froid & anssi trop sec, ont biẽ peu de sang. Pourceste cause leurs *Cause* veines sõt estroites & petites, & leurs *de peu* flancs sans aucun poil. L'habitude de *de sang* tout leur corps est trop froid & trop *& les* sec au sentiment du toucher, & aussi *signes* trop gresle. Car l'habitude de tout le *pour le* corps est tousiours semblable à la cõ-*cognoi-* plectiõ & temperature du cœur & du *stre.* foye. Pource quẽ le foye baille & fournit la matiere de laquelle tout le corps est nourri, & le cœur produit la *Cha-* chaleur naturelle, laquelle transmuẽ *leur na-* & conuertit le sang en la sustance de *tuelle* tout nostre corps. *procede*

Les signes d'un foye trop froid & trop humide. *du cœur*

CHAP. LI.

*Cause
d'un
sang
phleg-
matic.*

VN foye trop froit & trop humide fait, qu'és flancs n'est produit aucun poil, & engendre vn sang phlegmatic, & approchant de la nature du phlegme: il fait aussi les veines petites & estroites, & rēt le corps mol, lequel par le toucher on sent fort froit & humide.

Les signes des testicules trop chaus.

CHAP. LII.

TOVS ceux, qui ont les testicules trop chaus, sont prompts & enclins à l'usage venerien: il sont aussi feconds & habiles à engendrer, & engendrent les masles, comme font les femelles ceux, qui lesont frois. Leurs parties hôteuses & celles, qui leur sōt voisines, sont bien tot reuestuēs de poils.

Les signes des testicules trop frois.

CHAP. LIII.

MAIS ceux, qui ont leurs testicules trop frois ne sont point aptes à l'usage de venus, ne à fecondité & a-
bon-

bondance de lignée, lesquelz, s'il aduiët, qu'ilz ayent lignée & generatiõ, engendrēt plus tot des femelles, que des masles. Ilz n'ont aucun poil és parties genitales & honteuses, ne és parties prochaines.

Les signes des testicules trop humides.

CHAP. LIIII.

LA grande abondance de semēce genitale, que produisent les testicules, testifie qu'ilz sōt trop humides.

Les signes des testicules trop secs.

CHAP. LV.

AV cōttaire les testicules trop secs engendrent fort peu de semence genitale & trop grosse & espesse, & par consequent sont peu aptes à engendrent lignée.

Les signes des testicules trop chaus & trop secs.

CHAP. LVI.

TOV S ceux, qui ont les testicules trop chaus & trop secs, sōt biē tot enclins à l'vsage de venus & leur semēce est fort fecōde & tres-apte à gener-

neration : mais ilz sont bien tot rafa-
siez de l'acte venérien. Et s'ilz y sont
contrains, ilz reçoivent grande offen-
se & debilité en leurs corps. Ilz engen-
drent tousiours des mafles. Leurs par-
ties genitales, & toutes les voisines
iusques au nombril & au milieu des
cuisses sont fort velluës.

*Les signes des testicules trop chauds &
trop humides.*

CHAP. LVII.

CEVX, qui ont les testicules trop
chauds, & trop humides n'appe-
tent pas moins le ieu de venus, que
ceux, qui les ont chauds & secs, mais
ilz s'ont moins offensez par le trop grand
& excessif usage d'iceluy, pource
qu'ilz sont plus abondans en semence
genitale: & leurs parties honteuses &
leurs voisines sont moins velluës, que
celles de ceux, qui ont les testicules
chauds & secs.

*Les signes des testicules trop froids &
trop secs.*

CHAP. LVIII.

La na-

LA nature des testicules trop froide & trop sèche, est biē peu & tardievement excitée à l'usage de ven⁹. Icelle est sterile & inepte à generatiō, ou s'il aduiēt qu'elle produise, la procreation est de femelles. Car tels testicules engendrēt peu de semēce, laquelle est de grosse substance. Leurs parties genitales & les voisines sōt desnüées de poil.

Les signes generaux du reste des autres parties interieures du corps humain.

CHAP. LIX.

PAR les choses, qui peuuēt aider, ou nuire aux parties de nostre corps, nous cognoissons en partie les natures & complections d'icelles: cōme si quelque partie est promptemēt, & facilement offensée de l'usage des medicamens ou nourissemens chaus, cela est certain, qu'icelle est chaude: comme au contraire, si elle s'en porte mieux, & quelle en yse sans offense & aucun mal, on peut iuger asseuremēt, qu'elle est froide: nous cognoissons aussi

*D'où
viennent
les vertus
des
parties
du
corps
hu-
main.*

aussi en partie par leurs facultez & operations. Car leurs vertus & puissances procedent de leurs complections, & des vertus leurs operations. Voila deux poincts generaux bien notables & qui doiuent estre bien obseruez pour la cognoissance nō seulement de toutes les parties du corps humain, mais aussi de tous les corps, qui sont contenu en l'espece humaine.

Des humeurs de noz corps.

CHAP. LX.

IVSQVES icy nous auons traité des natures & complections d'une chacune partie du corps humain, & des signes pour les cognoistre & les discerner, maintenant il conuient venir aux liquides & coulâtes, q̃ Hippocrates nōme parties cōtenuës, & nous les suc & humeurs: & bailler aussi seulement les signes pour cognoistre leurs vices, qui sont en leur trop grande abondance, ou en leurs intemperatures & qualitez; par lesquelles noz corps sont offensez: car aucunement nous
auons

auons parlé de leurs natures & complections, en les conferant à celle du cuir de l'hōme. Lesquelz sont quatre en nōbre, assauoir le sang pur & simple, qui ne se trouue tel en aucune partie de nostre coprs, mais meslé avec quelque autre humeur: puis apres la cholere: le troisieme est l'humeur melâcholic: le dernier est le phlegme, & tous ensemble meslez & conioincts, composent & font toute la masse sanguine contenuë tant és veines, que és arteres. Ces humeurs icy, sont ainsi qu'anons desia dict au cōmencemēt, les propres & particuliers elemens du corps humain, desquelz toutes les autres parties tant solides, que spirituel, les sont procrées & faites. Nous auons aussi dit, que les solides sont similaires, ou organiques: Et les spirituelles sōt les esprits, c'est assauoir, l'Animal le vital & le Naturel, desquelz le dernier est faiçt au foye, le Vital au cœur & l'Animal au ret admirable du cerueau.

Le nōbre des humeurs naturels.

Le sãg cōpose de tous les humeurs.

Qui sont les parties spirituelles.

Les

Les signes communs de la repletion & trop grande abondance des humeurs dedās les veines & arteres.

CHAP. LXI.

*Reple-
tiō des
hu-
meurs
double.
La pre-
miere
est de
bō sang
& quel-
le.*

LES Medecins font deux sortes & manieres de repletion, & superfluité d'humeurs és veines & arteres de noz corps, desquelles sommes offensez. La premiere est pure, laquelle est faite de seul sang, ou d'une egale superfluité de tous les humeurs naturels, qui constituent & font la masse sanguine contenuë és veines & arteres. Ceste sorte de repletion est d'eschef double. Car il y en à vne, qui opprime les vertus, cōbiē qu'elle n'excede point la commodation & egale mesure des quatre humeurs n'est trop grande quantité, n'en sa qualité & cōplection. Il y en à vne autre, qui n'est pas non plus naturelle, d'autant qu'elle surmonte la cōmodation, & mesure du sang, laquelle toutesfois ne debilité aucunement les vertus animales, vitales & naturelles, ains les accroist

accroist & augmente. Car souuentef-
 fois elles croissent avec le sang, & avec
 la masse charnue, ou habitude de tout
 le corps. Ce qu'on a veu iadis en l'ha-
 bitude & corpulence des Athlètes &
 Luitteurs du tēps passé : & que main-
 tenāt on voit en plusieurs laboureurs
 de la terre. Par ceste-cy souuentefois
 les vaisseaux se rompent, d'où prouien-
 nent grans phlegmons & inflamma-
 tions és visceres & autres parties inte-
 rieures, ou biē la chaleur naturelle est
 suffoquée & esteinte: d'où suruiuent v-
 ne mort subite és Plethoriques & Re *Cause*
 plets, pource que le nouveau aliment *de mort*
 ne trouuāt aucune place és vaisseaux, *subite.*
 les rōp, ou il empeche la trāspiratiō &
 exhalation de la chaleur naturelle, &
 des esprits. Il faut necessairemēt, q̄ ce-
 ste chaleur s'exhale & euapore, autre-
 mēt elle s'exteindroit. Pour ceste cau-
 se il faut pour la cōseruatiō d'icelle, q̄
 tout le corps humain soit trāspirable,
 afin que les fumées de ceste chaleur
 sortent, & qn'vn nouueau air y entre.

Voila aussi à quoy sert la dilatation & compression des paumons & des arteres. La seconde repletion est impure & cacochyme, laquelle est faite de sang ou cholerique, ou melancholic, ou phlegmatic & cru, ou aqueux, ou finalement venteux. Ceste repletion seconde est plus vraiment cacochymie, c'est à dire, amas de mauuais humeurs que repletion de sang, laquelle n'opprime pas moins les vertus, que celle, qui est faite de bon sang. Les signes communs, pour cognoistre la repletiō des humeurs contenus en tous les vaisseaux, sont plusieurs. Le premier est vne egale tumeur & enflure de toutes les veines & arteres. Le second est vne estendue d'icelles, comme si elles estoient bandées & tirantes avec quelque sentimēt de douleur. Or ce signe icy ne demonstre point seulement vne simple repletiō, mais vne tres-grāpe superfluité & excès d'icelle, laquelle est nommée communement Tensine, à cause que tous les vaisseaux du

corps

*Signes
communs
de reple-
tion.*

*Reple-
tiō ex-
cessiue
& ten-
sine.*

corps sont bandez & tendus, comme vne chorde d'arc. Tous ceux, qui ont ceste repletion, sentent vne lassitude spontanée & faite sans aucun labeur & trauail corporel: en laquelle on s'et au corps & en tous les mēbres vn tant grand fardeau, qu'à grande peine se peuuent-ils mouuoir. En la premiere & simple repletion des vaisseaux on y sent bien vne pesanteur du corps, qui ne procede d'aucun trauail corporel, toutesfois beaucoup & sans cōparaison moindre, que ceste tēsiue. Si avec tous ces signes la masse de tout le corpsest deuenue plus replette, qu'au parauāt, & si les bras, mains, & iambes sont faites plus grosses, toutes ces choses signifient vne repletion non seulement des veines & arteres, mais aussi de tout le corps. En toutes ses trois especes de repletion le pouls des arteres est fort & grād & plein. Toutes les arteres poussent & battent. La respiration & soufflé n'est point du tout libre, mais plus difficile & plus frequente,

que deuant les repletions, & principalement apres que l'homme s'est exer-

Les causes, qui engendrent repletion de bon sang, cé. Entre tous les signes susdictz peuent estre cōprises les causes, qui engendrent toute repletion pure & de bons humeurs selon leurs qualitez. Icelles causes sont plusieurs en nombre; la première est la viade trop abondante: la seconde l'vsage moderé des

bains doux nō accoustumez apres le repast. Car iceux font fondre la viande, laquelle puis apres le corps attire vistemment, & la distribue en toutes ses parties. La troisieme est le mespris de l'exercice du corps acoustumé, sous lequel est comprise la vie oisive & paresseuse, laquelle ne dissipe rien du corps, mais retiēt tout. La quatrieme est l'espesseur du cuir, qui empeche,

Cause, qui empêche la sueur Car ceux, qui ont la peau espesse ou serrée, ne peuent aucunement suer. La dernière est la suppressio d'une euacuation acoustumée, cōme de flux

men-

mēstruel, des marifqs & hæmorrhoides & autres ſéblables euacuatiōs de ſang, qui viennent par certaines perio-
des & retours. La repletion; qui oppri-
me & debilité les vertus de noſtre
corps, no^e eſt alors ſignifiée, quāt nous
ſentons noz corps & nos membres pe-
ſans, & que nous les remuons à gran-
de peine: & auſſi quāt noſtre ſommeil
eſt grand, profond, & enterrompu: &
quant par noz reſueries & ſonges, il
nous ſemble, que nous ſomes foulez
& preſſez, & que nous portons vn far-
deau peſant: finalement quant il nous
eſt auis, que nous ne nous pouuōs tour-
ner, ne mouuoir d'vn lieu en l'autre
dedans la couche.

*Les ſignes propres de la repletiō qui pro-
uient de bon ſang.*

CHAP. LVII.

DEuant que bailler les propres ſi-
gnes pour cognoiſtre vne reple-
tion de bon ſang cōtenue es veines &
arteres, il ſera bon declarer tous ceux,
qui ſont aptes & conuenables à engē-

*Qui s'ot
les pro-
pres à
engen-
drer bõ
sang.*

drer de bõ sang. Car cela aidera beau-
coup à cognoistre ceux , qui ont bon
sang ou mauuais. En premier lieu, tous
ceux-la sont aptes & propres à amasser
& engendrer bon sang , qui des leur
naissance, ou puis apres, ont obtenu v-
ne nature & cõplection du foye & du
cœur bien moderée. Car vn foye bien
temperé, pourueu qu'y ne trop grãde
intemperature du cœur n'y resiste, en-
gendre des humeurs bien temperez,
qui font le bon sang & bien temperé.
Ceux aussi, qui ont le foye & le cœur
chaus & humides engendrent beau-
coup & bon sang. Les enfans, & ceux
qui croissent, engendrēt beaucoup de
sang & temperé: cõme aussi ceux, qui
sont en leur ieunesse & aage florissã-
te, combien que le leur soit beaucoup
plus chaut , que celuy des enfans &
des autres, qui croissent encore. Da-
uantage ceux, qui mangent des vian-
des bien temperées, & qui nourrissent
bien tot , sont aussi aptes à engendrer
beaucoup & bon sang. Les choses, qui
sensui-

fenfuiuēt font le semblable, assauoir,
 l'exercice moderé, & fait en temps o-
 portun & sans peine : item le dormir
 médiocre, & la vie monachale, c'est à
 dire, sans soin, ne souci de chose aucu-
 ne, mais remplie de ioye & passe tēps:
 la douceur de l'air, tel qu'il est au prin-
 tēps & en vne region temperée. Voila
 toutes les causes, qui engendrent en
 l'homme beaucoup & bon sang, par
 lesquelles on peut coniecturer, & co-
 gnoistre ceste repletion faite de bon
 sang. Le premier des autres, qui s'esui-
 uēt, est la couleur de la peau. Car puis
 que la couleur des parties de nostre
 corps procede de l'humeur cōme de
 sa matiere (La chaleur naturelle est la
 cause efficiente de la bonne couleur
 & naturelle) il sensuit que telle est
 la couleur d'icelles, qu'est l'humeur.
 Donc la couleur de cestuy-la, qui est
 sanguin des sa naissance, luy à touf-
 iours esté vermeille & cōme compo-
 sée d'un blanc & rouge: mais la cou-
 leur de cestuy-la, qui a aquis ceste bō-

*Les cau-
ses de la
couleur
d'une
chacu-
ne par-
tie de
nostre
corps.*

té & abondance de sang par le moien des causes fufdites outre la couftume, & apres la generation de ce bon sang deuient rogeafte & vermeille, cōme celle du fanguin de naiffance.

La Puis que du sang s'engendre la chair,
chair il eft manifefte, que l'hōme biē char-
eft engē nu & mufculeux, & qui à vne habitu-
drée du de de corps ferme & forte, eft fanguin
sang. & replet; mais cefte repletion eft pro-
Reple- prement en la maffe charnuë. Les vei-
tion de nes & autres vaiſſeaux de l'hōme fan-
chair. guin font fort pleins & enſlez: & le
pouls de ſes arteres eft fort grant &
plein auec vne grāde vigueur des ver-
tus: & principalemēt icelles pouſſent
& battent manifeftement aux tēples.
L'vrine du bō ſang eft copieuſe en ſu-
ſtāce, mais mediocre en la couleur &
és choſes, qui ſont contenuës en icel-
les: toutesſois quelquefois elle appa-
roift groſſe en ſuſtance, & eft quelque
peu rouge, principalement quāt tout
le ſang eſt trop eſchaufé. La perſonne
ſanguine eſt fort ſubiete aux hæmor-
rhoides,

rhoides, flux de sang par les narines
& à grande abondance de flux men-
struel. Le plus souuent elle suë gran-
dement, mais sa sueur est puante, com-
me l'odeur d'un bouc. Les mœurs de *Gal. cō.*
l'homme sanguin sont paisibles, ioieu *de la*
ses, combien qu'il soit lourt & stupide *nat. hū*
ayant ses sens hebetez, & l'intelligen- *maine.*
ce tardive : outre ce qu'il est ioieux,
facetieux, doux, benin & riant: il est
grandemēt amoureux tant des mas-
les, que des femelles: & aussi quelque-
fois tāt liberal, que sa liberalité exce-
de sa mesure & se conuertit en prodi-
galité. Il se courrouce difficilement. il
est fort libidineux, & desire grande-
ment l'usage venerien. finalement il
est suiet à iurognerie & gourmandise.
Les songes & resueries du sanguin sōt
le plus souuent des choses ioieuses &
plaisantes, & quelquefois de quelque
flux de sang, qu'il souffre, ou bien qu'il
nage dedās un tonneau plein de sang.
Iceluy est suiet à maladies causées de *Gal. l. i.*
repletion de sang, cōme de phlegmō, à *Glan.*
de l'une

de l'vne & l'autre fieure synoque, & de pustules fanguines & rouges espandues par tout le corps: il endure sans dangier grande euacuatiõ de sang, & est promptemēt offensé de toutes choses chaudes & humides, & soulagé & aidé par les cõtraires, assauoir froides & seches. Voila tout ce, qu'il nous faut noter & sçauoir de la premiere repletiõ, q̃ est de sang fait d'egale portiõ de tous les humeurs naturelz de nostre corps. Apres icelle il nous faut pareillement bailler les signes de la secõde, qui est impure, & en laquelle la cholere, ou la melâcholie, ou le phlegme domine en la masse sanguine: ou bien laquelle est faite de mauuais sang & vitieux, comme de celuy, qui est choleric, auquel la cholere surmõte, & domine les autres humeurs. Ainsi disõs-nous du melancholic & du phlegmatic.

Les signes de la repletiõ du sang vitieux, & premierement du choleric.

CHAP. LXIII.

Pour-

POURTANT que par les choses, qui engendrent la cholere, nous pouuons cognoistre le sang estre cholerique, il ne fera point impertinent, si nous començons noz signes par icelles. Premièrement tous ceux, qui ont le foye & le cœur trop chaus & trop secs, engendrent grande quantité de cholere. Puis cela font-ils aussi, en l'age de Ieunesse, qui dure depuis vingt-cinq ans iusques à trentecinq, & est entre tous conuenable & apte à engendrer c'est humeur & sang cholerique, comme aussi l'esté, qui de sa nature est chaut & sec. Car chacune chose engendre, conserue & augmente son semblable, & destruit son contraire. Item les alimens & medicamens chaus & secs: l'abstinence totale de boire & mâger: vne raison de viure fort petite, & rare: vn tres-grand exercice & frequent: veilles superflues & excessiues: les grans soins, & les pensées attentiuës: les tristesses & ennuis: vne euacuatiõ faite par medicamens brulans & tres-chaus,

Les causes de Cholere

Quant comence & iusques à quel age de Ieunesse

chaus, ou l'intermission de celle, qui
souloit estre faite naturellement par
vomissement, par les boiaux, ou par les
sueurs, n'ont pas moins de vertu &
puissance à engendrer l'humeur cho-
leric. Voila le premier signe pris des
causes, qui engendrēt le sang bilieux
& choleric. Le secōd est pris de la cou-
leur. Et pource que diuerses especes
de cholere se peuuent engendrer en
la masse sanguine, assauoir, la citrine,
qui a la couleur de citrons, la iaune &
la palle : & qu'une chacune d'icelles
engendre au cuir sa propre couleur,
il faut que la couleur de la face, des
yeus & de tout le reste du corps soit
palle, si la cholere palle ou citrine abō-
de, ou iaune, si la cholere iaune domi-
ne en la masse sanguine. Item le corps
de l'hōme choleric se cognoit au sens
du toucher, chaut, sec, dur & mor-
dant. Il est aussi maigre, gresle & fort
vellu. Il a dauantage les veines & ar-
teres amples & grandes. Le pouls des
arteres est grant, hatif, frequēt & dur:
comme

cōme aussi l'vrine iaune, & de la couleur de la flamme de feu avec peu de sedimēt ou residēce. Les euacuations bilieuses faites par vomissemens, ou par les boiaux, ou par vrines & sueurs resmoignēt aussi de la cholere, qui abonde au sang. Outre plus l'homme choleric est dextre d'entendement & prudent, sinon que le plus souuent il se precipite à toutes affaires, combien qu'il soit enclin à penser & mediter. Il est aussi fin & astut, fallacieux, selon, audacieux & temeraire, conuoiteux de gloire, aspre vangeur des iniures à luy faites, liberal, & souuēt prodigue. Sō dormir & sommeil est petit, legier, & avec vne grāde inquietude de tout le corps. Ses songes sōt de choses brulantes, de guerres, fureurs, & noises. Son appetit est quasi perdu & tel que tous autres nō choleres peuuōt auoir en esté, Et s'il a quelque appetit, iceluy est seulement des choses froides, l'vsage desquelles luy est fort agreable. Il endure facilement les euacua-
tions

tions faites par medicamens purgeāt la cholere. Dauantage iceluy est fort fuiet aux fieures pures tierces, aux ar- dentes, & tierce continuë, au iaunisse, à l'Erysipelas et Harpes & à autres pu- stules choleriques. Sa langue est se- che, aspre & palle, ou iaune, & princi- palemēt au matin, & apres le labour. Sa bouche aussi avec la saliuë est ame- re. La soyfle moleste: mais icelle est appaisée par choses froides & humi- des. Et si la cholere mōte au cerueau, elle oste tellement la faculté & puis- sance de dormir, qu'on veille tous- iours: & avec cecy cause des resueries & alienations d'entendemēt pleines d'ire & de noises. Et dauantage si elle descent en la bouche du petit ventre, alors elle excite la soyf, avec appetit de vomir, & amertume en la bouche, & quelque fois vne Lipothymie & de- faillement de cœur. Oultre toutes ces choses elle aneantir & fait perdre du tout l'appetit. Et finalement si elle se transporte dedās les boiaux, elle cau-

*Signes
de la
cholere
au cer-
ueau.*

*Signes
de la
cholere
en l'esto-
mach.*

se deux especes de flux de ventre, assauoir, vne nommée Diarrhœe & l'autre Dysenterie: desquelles la premiere est sans douleur, & la derniere fort doloieuse, & quelque fois avec quelque peu de sang, d'autant que c'est vn vlcere aux boiaux.

Signes de l'humeur melancholic, & de la cholere noire.

CHAP. LXIII.

DE V A N T que bailler les signes pour cognoistre & discerner le sang melancholic d'auec les autres, il nous faut noter qu'il y a quelque difference entre le sang melancholic & le suc, ou humeur melâcholic. Car nous considerons l'humeur melancholic apart, qui n'est pas simplement naturel, & aussi apart le sang melancholic meslé auec les autres humeurs en la masse sanguine, lequel est naturel: car il y en a de deux sortes, assauoir, vn naturel gros, visqueux, terrestre, espes, froit & sec. L'autre est aquis & non naturel fait de cholere iaune, laquelle

Le sang melancholic & l'humeur melancholic. sont choses diuerses.

par

par vne grande aduſtion ſe degenerate & conuertit en cholere noire, nōmée melancholie, ou humeur melancholic. C'eſt de ceſte eſpece icy de melan-

Au liu. du pe- tit art. Melan- cholie mala- die. cholie, ſelon laquelle Galien dit, que les cholores apres la vigueur de leur aage, deuiennent melancholiques. Il y à vne aultre melancholie, qui n'eſt pas humeur, mais maladie cauſée de l'vn ou l'autre humeur melancholic, qui à occupé le cerueau, de laquelle ne voulons icy aucunement traiter, mais ſeulement bailler les ſignes tant du ſang melancholic, que des autres humeurs noirs: mais premierement nous cōmencerons ſelon noſtre couſtume par le ſigne, qui eſt pris de toutes les choſes, qui engendrent ces humeurs melancholiques. Donc tous ceux-la ſont aptes pour amaffer l'humeur melancholic, qui ont le cœur & le foye frois & ſecs: & auſſi le flanc ſe-neſtre tendu, auquel la ratelle eſt opilée, ou réduite debile, ſoit de nature, ou de mauuais regime de viure. Car tous
ceux

ceux-cy engendrent gros humeurs, espes & visqueux, qui quelquefois s'espandent par tout le corps, ou bien se retirent en la ratte. Laage encline & apte pour engēdrer vn tel humeur est la premiere vieillesse, qui commence bien tot apres trentecinq ans, pource qu'en cest aage la ferueur de la chaleur naturelle se reprime. Et puis le viure & vsage frequent des viandes & nourrissemens gros, cōme de chair de beuf, de cerf, de lieures, de porc sanglier, ou domestic, ou d'autres semblables, & principalemēt, qui sont salez, causēt & engendrēt l'humeur melancholic. Dauantage la vie triste empeschée de beaucoup de soins & affaires, de cōgitations & contemplations ou estudes des lettres n'à pas moins d'efficace à engēdrer vn tel humeur, & principalement si en icelle il n'intervient quelque recreation & ioicuseté d'esprit, ou exercice de corps: car par l'oisiueté du corps, la chaleur naturelle s'asopit, & tous les humeurs as

Quant cōmēce la premiere vieillesse.

l. j. sopis

sois deuiennent gros & terrestres. Oultre plus l'Automne, la region, ou bien l'air froit & sec ou inconstant inegal, lequel est maintenant froit, maintenant chaut. Item l'euacuation accoustumée de l'humeur melâcholic faite naturellement, ou par les hæmorrhoides, ou par les menstruës, ou varices, ou par le ventre: ou faite par medicamens causent aussi l'humeur & sang melancholic. Or quât c'est humeur abonde trop par les causes susdictes, alors les signes, qui sensuiuent, se manifestent. Le premier est pris de la couleur. Celle donc de la face & de tout le corps est brune, ou noyastre: laquelle en aucuns est vniuerselle & egale, és autres tant seulement marquée de quelques taches noyres ou brunes. Le secôd est pris des maladies, auxquelles l'hôme est suiet pour cause d'un tel humeur. Icelles sont scirrhe noir, rongne & gratte crouteleuse & noire, nommée des Grecs Alphos, & des Arabes Morphée noire, vlcères

man-

*Signes
du sãg
& hu-
meur
melan-
cholic
desia
engen-
drez.*

mangeans & rongeās le cuir, chancre
viceré & non viceré, ou oculte, ladrie
nommée des Grecs Elephant, & vne
autre toute crouteleuse, & qui est plus
profonde en la chair, que l'Alphos
noir, nommée d'iceux mesme lepre.
Item vne autre puante rongne moins
toutesfois profonde que la lepre, qui
fait de petitiz corps comme farineux,
nommées aussi par les mesmes Grecs
Phora: itē les varices, les hæmorrhoi- *Hippo*
des, fieures quartes cōtinuēs & rares, & *Gal.*
intermittentes & frequentes, quintai- *és Epi.*
nes, sextaines, septaines, qui aduien- *&*
nent fort raremēt. Sont encore signes *parrh.*
du susdit humeur melācholic, & ma-
nie ou resuerie furieuse, laquelle pro-
cede de c'est humeur melācholic, qui
est fait de cholere iaune par adustion,
comme le cancer viceré & beaucoup
des susdites, finalement durté & tu-
meur de rattelle. Le corps melanco-
lic d'une cholere iaune brulée & par
adustiō faite noyre est tout maigre, &
sec, noyr, ou iaune, vellu avec veines
l. ij. larges:

larges. Mais celuy, qui est tel par vne melâcholie naturelle, est de grosse habitude, sans poil, de couleur noire, *Signes* froit & dur au toucher. L'vn & l'autre *cōmuns* melancholic est fort veillant, de petit *de l'v-* & bref sommeil : lequel est plein de *ne &* songes turbulens, voire tant terribles, *l'autre* resueillans l'hōme, comme de mort, *melan-* de corps morts, de sepulchres, de tour *cholie.* mens, d'espritz noirs & malins. Le poulx d'vn chacun d'eux est petit, tardif, rare & aucunement dur. Leur vrine est subtile & blanche, mais si quelque chose de l'vn ou l'autre humeur melancholic s'euacuë avec icelle, alors elle apparoit grosse, liuide, ou *Gal.li.* verdoiante, ou biē noire. L'vn & l'autre *de la* est entier & rond, graue, maling, *nature* voire tant que quelque fois il cherche *humai-* la mort, & principalement cestuy-la, *ne.* qui de choleric est deuenue & fait melancholic à cause du feu de la cholerie, qui est refroidi. Dauantage l'vn & *Aphor.* l'autre est enuieux fraudulēt & trom- *23.li.6.* peur, auare, chiche, tardif à paier ses debtes,

debtes, craintif, triste, de peu de paroles, pleureur, pensif, ingenieux, solitaire, haïssant des hommes, ferme & stable en son opiniõ, tardif à ire: mais s'il se courouse on l'appaise difficilemēt. Or le melancholic, qui est tel à cause de la cholere noire & brulée, endure aisemēt les medicamēns, qui euacuēt vn tel humeur, & d'iceux reçoient grant alegement: mais celuy, qui est melancholic par l'humeur noir & naturel, endure facilement ceux, qui purgent vn tel gros, visqueux & terrestre humeur, desquelz il sent vn grād profit. L'vn & lautre souffre aussi sans dāger, ne dommage les euacuations naturelles, comme les hæmorrhoides, les marisques, le flux menstruel: comme aussi l'artificielle, faite par section de veine ample au bras en estre, pourueu quē le sang sorte grōs & noir.

Les signes du sang phlegmatic.

CHAP. LXV.

IL nous faut pareillement icy distinguer le sang phlegmatic d'auec le
 l iij. phlegme

Differē phlegme naturel, ou non naturel. Car
ce entre ce sang icy est crud & mal cuit és vei-
phleg- nes, ou bien c'est vne grande quanti-
me & té de phlegme naturel, ou non natu-
sang rel contenu en toute la masse sangui-
phleg- ne, & meslé avec les autres humeurs.
matic. Or pour dōner les signes, qui seruent

à cognoistre l'vn & l'autre, il nous faut
 commencer par toutes les causes, qui
 engendrēt vn tel sang, ou tel humeur,
 ainsi comme desia auons fait des au-
 tres. Pourtant cestuy-la est suiuet à ac-
 cumuler & engendrer grande quan-
 tité de phlegme, qui à le cœur, le foye
 & le petit ventre frois & humides: ou
 qui est vieil ou enfant. Car la vieilles-
 se à cause de peu de chaleur naturel-
 le, qu'elle à, engendre beaucoup de
 phelgme, comme fait l'enfance, pour
 sa voracité & gourmandise. Les autres
 causes, qui engendrent c'est humeur,
 sont l'vsage excessif des nourritures
 froides & humides, le breuuage d'eau
 pris trop liberalement, cōme aussi ce-
 luy du vin, lequel, combien que de sa

nature

nature il soit chaut, si toutesfois il est
 beu en plus grande abondance, que
 la chaleur naturelle ne le puisse cuire
 & conuertir en sang, tât s'en faut, qu'il *Les y-*
 eschauffe, qu'au contraire engendre *urou-*
 des maladies froides: les viandes pri- *gnes su-*
 fes excessiuelement, hors le tēps & heu- *iets à*
 re deuë, & deuant que les premieres *tres-*
 foyent sanguifiées, & aussi le mouue- *grādes*
 ment trop grand, & deuant que la cō- *mala-*
 coction soit faite, le bain pris inconti- *dies &*
 nant apres les viandes, le sommeil fre *froides-*
 quent, ou long & profond, & inconti-
 nant apres le boire & manger, la vie
 cœsiue sans aucun soin, souci ou tri-
 stesse: itē la nature de l'air froid & hu-
 mide, quel qu'il soit, ou à cause de la
 region telle, ou de l'hyuer, ou par arti-
 fice: l'euacuatiō du phlegme faite na-
 turellement par vomissement, ou par
 le ventre ou par art, de long temps ar-
 restée. Toutes ces choses amassent le
 phlegme en nostre corps, & font no-
 stre sâg phlegmatic, les signes duquel
 sont ceux, qui sensuiuent. Premiere-

T ment la couleur de la face & du corps de la personne phlegmatique est blâche, & quelquefois plombée & livide. La masse du corps d'iceluy est grâde, grasse & molle, froide au toucher. Le pouls est petit, tardif, rare & mol. L'urine est pareillemēt blâche ou pal- le, maintenant subtile & claire, main- tenant grosse & trouble avec beau- coup de sediment. L'homme phleg- matic est suiet aux maladies faites de phlegmes, comme à œdemes & tu- meurs molles & infesibles, à vne espe- ce d'ydropsie nomée des Grecs Leu- cophlematic, ou Anasarca, & aussi à fieures quotidiennes, pustules blan- ches, Alopecie avec le cuir blanc, & à frequentes destillations & rheumes. *Le* Dauātage le phlegmatic à les sens he- *phleg-* betez, l'entendement lourt, le corps *matic* pesant, & qui difficilement se meut, *est lourt* & ses mœurs fort rustiques & lourdes. Car le phlegme, comme dit Galiē, ne fait rien pour acquerir mœurs hone- stes & ciuiles : & il est aussi fort pares- feux,

seux, & enclin à beaucoup & profondemēt dormir: les songes duquel sont souuent de pluie, des eaux, de nager & de noier. Mais si le phlegme superflu est amassé dedās la teste, ou au vētricule, ou és boiaux, esquelles pties il à accoustumé des'amasser, les propres symptomes & accidēs de la partie malade, se manifesteront là assez. Toutesfois celuy, auquel il abōde au ventricule vomit beaucoup d'eaux, & crache grande quantité de saluie. Il à la linge toute blanche. Son appetit est de praué & corrompu, ou canin, c'est à dire, insatiable. Il appete quelquefois les viādes aigres, ou acres & mordicantes. Vn ventricule phlegmatic cuit & reduit en suc le boire & māger bien foiblement & tardiuemēt: & est suiet à rocts aigres, ou ne sentans rien, à nausée ou affection de vomir apres qu'il à receu la viande. Il rent aussi biē tot apres le manger, le corps tout pesant & endormi. Les choses chaudes appliquées ou prises dedās luy apportent

tent grand secours & aide, comme les
Les si- froides grande nuisance. Cestuy-la,
gnes de qui à trop grande quantité de phleg-
l'abon- me au cerueau, sent la teste pesée, &
d'ace de à la face bouffée & la langue blâche
phleg- & molle. Ses sens & son entendement
me au sont hebetés: le mouvement de tout
cerueau son corps tardif. Iceluy est prompt à
 dormir d'un sommeil profond. Sa sa-
 liue est douce, ou insipide, ou aigre &
 copieuse. Il rent grande quantité de
 morueau par les narines & par le pa-
 lais de la bouche. Outre ces choses,
 iceluy est sujet à Corizes & defluxions
 d'eaux par les narines, & à d'autres de-
 stillations dedans la trachée artère, ou
 les paumons, ou en tout le corps. Il en y
 a d'autres, qui abondent en phlegme
Les si- salé, lequel n'a point de signes simples
gnes de & purs, mais mixtes & composés: pour-
phleg- ce qu'il est fait tel par l'acquisition d'une
me sa- chaleur estrange à Nature, qui pro-
lée. cède de la cholere meslée avec le
Les cau- phlegme, ou d'une putrefaction, que
ses du ce phlegme à aquis. Iceluy donc fait
phleg- de l'une
me salé.

de l'une ou l'autre cause, nous est manifesté par une chaleur, qu'on sent au cuir avec un continuel prurit & demangeaison espars par tout le corps. La peau est quelquefois infectée d'une puante gale & demangeable.

Les signes d'une humeur aqueux, & qui est trop abondant.

CHAP. LXVI.

NOUS auons desia dit, q la repletiō vitieuse, q nous appellōs proprement Cacochymie, n'est point seulement es humeurs bilieux, melancholic & phlegmatic, mais aussi es aquositez superfluës & ventositez cōtenuës es vaisseaux. Pour ceste cause il cōuiēt dōner aussi les signes pour les cognoistre & discerner d'avec les autres humeurs vitieux. Ceux-la donc amassent grande quantité d'eaux & humeurs sereux & subtilz en leurs veines, qui ont le vëtricule froit, & la ratelle, ou le foye oppilé ou vraiment scirreux, & qui boient trop & mangent viandes humides, principalement en l'aage de vieillesse;

*Causes
des a-
quositez.*

*Les si-
gnes de
l'hu-
meur
sereneux
desia
fait.*

vicillesse: cōme aussi ceux qui n'exercent point leur corps en hyuer ou en vne region humide, ou bien au temps pluuiieux, qui outre cela n'vrinent point tant, comme il boiuēt, & qui ne suent aucunement. Alors que c'est humeur aqueux est desia espars par tout le corps, la face, les mains & tout le reste du corps apparoissent aucunement enfléz avec vne couleur palle, & comme morte. L'habitude & masse de tout le corps, est souuentefois cedema teux: auquel la marque & fosse de cestuy-la, qui l'aura pressée demeure, ainsi comme en la cachexie ou mauuaise habitude du corps, & vne espee d'ydropisie nommée *leucophlegmatia*. Aucunes fois le ventre est mol & enflé, dedans lequel on oit vn bruit, comme d'eau, qui flotte. L'urine est crüe & claire, comme eau, & souuentefois autant copieuse, cōme en la maladie, qui s'appelle Diabetes, en laquelle, on vrine aussi tot qu'on à beu. Les excremens du ventre sont molz & liqui-

*Que
c'est
Diabe-
tes.*

& liquides: la peau est aussi toute mo-
ytte & humide. Cestuy-la, qui à vn
tel humeur crache beaucoup sàs touf-
fer aucunement: mais le crachat pro-
cede le plus souuent du petit ventre.
Le poulx les mœurs de l'esprit, le dor-
mir, les songes, toutesces choses sont
semblables à celles de ceux, auquelz
le phlegme domine & excède me-
sure.

Les signes des ventositez.

CHAP. LXVII.

TOUTES les choses, qui s'ensui-
uent, engendrent en noz corps
grande abondance de ventositez, c'est
assauoir, le petit ventre froit & humi-
de, la foiblesse de la chaleur naturel-
le causée, ou de simple intemperatu-
re, ou du vice des humeurs, la ratte
pleine d'humeur melancholic & op-
pilé offensant la concoction du ven-
tricule, les viandes venteuses, comme
fruits crus, chastaignes, febues, & trenf-
les, le boire excessif & la gourmandi-
se, œisiuete, long dormir, l'aage & na-
ture

*Causes
des vē-
tositez.*

ture phlegmatique. Mais quāt beaucoup de ventositez sont amassées en noz corps par les causes susdites, alors nostre petit ventre, le boiau nommé Colon, ou se fait la colique passion, & principalement le flanc fenestre sont tendus & bruient, comme s'ilz estoient agitez & esmeus de vens : car le Colō est le principal receptacle des ventositez. Tous ceux, qui ont ventositez, sentent des douleurs, par lesquelles il leur semble, que les parties dolentes tirent & sont bandées, qui courent & vaguent maintenant en vn lieu, maintenant en l'autre. Tant plus souuent ilz roctēt & pettent, beaucoup mieux ilz se trouuent. Les oreilles leur tintent & sonnent souuentefois. Ilz sont fort fuiets & enclins à coliques passions, & à autres maladies causées de ventositez. Leurs songes sont des choses, qui courent viftement, ou volēt, & quelquefois des tonnaires & tempestes.

Des parties spirituelles de nostre corps.

chap.

CHAP. LXVIII.

IVSQVE Sicy auõs traitté le plus
 sommairemēt, qu'il nous à esté pos-
 sible de la nature des parties fermes
 & stables, & des liquides de nostre
 corps, & aussi des signes pour les co-
 gnoistre & discerner. Maintenant il
 reste declarer les spirituelles, que Hip-
 pocrate dit faire les mouuemens du
 corps, lesquelles Galien nōme esprits.
 Or dautant qu'ilz sont de diuerses for-
 tes & especes, nous ne pouuõs pas du
 commencement les defenir & decla-
 rer, mais plus tot les distinguer & di-
 uiser. Premièrement donc nous les di-
 uiserons, comme fait Galien en deux
 especes: dont aucuns sont coulans & e-
 vagabons, les autres fichez & comme
 entez naturellement en vne chacune
 partie de nostre corps. Tāt les vns que
 les autres sont tousiours accōpagnez
 de la chaleur naturelle, qui les viuifie,
 & donne vigueur & force pour faire
 leurs actions. Et comme vne flamme
 de feu ne peut estre sans chaleur, ainsi
 nul

nul esprit peut subsister sans chaleur
Entous naturelle. C'est pourquoy aucuns ont
noze- voulu dire, que l'esprit estoit composé
sprits il de deux choses, assauoir de chaleur
y à naturelle & de la substance spirituelle
deux & aérée. Quant aux esprits vagabonds
choses. & coulans, il conuient sçauoir, qu'il
en y à de trois sortes: dont la premiere
est vn esprit naturel, qui conduit les
facultez & vertus naturelles, lequel
procede du foye, & qui est engendré
L'esprit deuant le vital & l'animal. Car de luy,
naturel comme de matiere, ces deux-icy sont
produits & faits. Ce naturel-icy trans-
porté du foye par les veines, comme
par canaux, en vne chacune partie du
corps nourrit de sa propre sustance, les
autres naturelz, qui sont fichez & na-
turellement conioints à vne chacune
L'esprit partie de nostre corps. La seconde est
vital. vn esprit vital, qui est ainsi nommé,
pource q'c'est le premier instrument,
duquel l'ame se sert, pour donner vie
au corps. Iceluy est engendré au cœur,
& de la par les arteres, est porté par
tout

tout le corps, pour cōmuniq̃r à iceluy les facultez vitales. Le troisieme est L'e-
vn esprit animal engēdré, au cerueau, *spirit*
du vital, & porté par les ners pour dō- *animal*
ner sentiment & mouuemēt au corps.

L'esprit donc naturel est vne vapeur *Que*
du sang, de laquelle les deux autres *c'est e-*
prennent premierement leur origine. *spirit na-*
Et comme la vapeur attennée est con- *tural.*

uertie en air : ainsi c'est esprit naturel
fort elaboré & subtilié és concanitez
du cœur est transmuë en l'esprit vital. *Que*
Lequel est vne sustance aëree, beau- *c'est E-*
coup elaborée & agitée és arteres, qui *spirit*
font le file admirable du cerueau, *vital.*
conuertie en l'animal : qui n'est autre *Que*
chose qu'une sustance ignée, & trans- *c'est E-*
lucide, ainsi que l'air fort subtilié & *spirit a-*
eschauffé se peut trāsmuer en feu. Voi *nimal.*
la cōme il nous faut scauoir, que sont
les esprits vagabons, & quelle diffé- *Esprits*
rence il y a entre eux. Les autres esprits fi- *natu-*
xes & inferez és parties similaires & *rels fi-*
simples de nostre corps, sont sembla- *xes &*
blement naturelz, & engendrez avec *stables.*

vnē chacune partie d'iceluy. Et d'autant qu'ilz font sustances ætherées & ignées, ilz sont tellement conioints avec la chaleur naturelle, que sans icelle, ilz ne peuuent nō plus subsister; ne demourer, que la flamme du feu sans chaleur. Lesquels aussi avec icelle sōt, comme les vagabōs & fluans, les premiers instrumens des facultez & operations d'vne chacune partie de nostre corps. Ces esprits icy fixes, sont nourris & entretenus en nostre corps de l'humeur radical, qui est naturel de sustāce ærée, & quasi huileuse, contenu és parties simples & similaires de nostre corps. Lequel humeur est le fondement & sustance de ces esprits fixes, & de la chaleur naturelle. Pourtant nul homme ne peut viure vn moment de tēps sans iceluy, pource qu'il est la matiere suiēte tāt de ces esprits icy, que de la chaleur naturelle, sans lesquels nul animal peut viure. Car les premiers instrumēs de la vie de l'animal sont les esprits & la chaleur naturelle.

turelle, desquelz l'ame se sert pour faire ses operations. Pourtant si ceste matiere est dissipée, qui est le propre siege des esprits, & de la chaleur naturelle, comment fera-il possible, que leur substance puisse plus persister & demourer? Si donc ceste substance perit, cela est tout certain, que la chaleur naturelle s'esteint, & par consequent la mort s'ensuit. Car Mort n'est autre chose, qu'extinction de la chaleur naturelle. Puis dōc que ceste espece d'esprits avec sa chaleur naturelle est cōtenuë en vne chacune partie simple & similaire de nostre corps (car autrement elle ne pouroit persister) il s'ensuit, qu'il en y a autāt d'iceux comme de parties similaires. Car vne chacune d'icelles a son propre esprit, & sa propre chaleur naturelle, pource qu'elle a sa propre tēperature & completion de laquelle l'esprit & la chaleur naturelle procedent. Pourtant l'esprit, qui est en l'os, n'est pas celuy du nerf: ne cestuy-cy celuy des veines.

*Que
c'est
Mort.*

*Nōbre
des e-
sprits
fixes.*

Ainsi pouuons-nous iuger de tous les autres, qui sont en vne chacune partie simple. Ceste varieté & diuersité d'esprits fixes, prouient de la variable température & mistion des quatre elements, d'où ils procedent.

Des temperatures & natures des homes.

CHAP. LXIX.

APRES que nous auons traité de la nature des parties du corps de l'homme tant solides, que liquides & spirituelles, & des signes pour la cognoistre, il cōuient suiuant l'ordre de nature & de composition puis apres traiter pareillement, & le plus succinctement, qu'il nous sera possible, de la nature des hommes, afin qu'un chacun cognoissant sa complection, cherche les moyens de la conseruer, si elle est bonne & saine, ou l'amender, si elle est vitieuse, & ne produise pas saines actions.

Combien il y a d'especes de nature d'hommes.

CHAP. LXX.

Nous

NOUS auons defia mōstré, qu'il *Cha. 2.*
y à en toute ceste nature inferi-
eure & qu'aduqueneuf especes de cō-
plections, assauoir, vne temperée, &
huit distemperées. Pour ceste cause
nous pouuons asseurer, qu'en tout hō-
me ne peuuent estre, que neuf espe-
ces de natures. Et cōme par cy de-
uant en la doctrine des temperatures
en general, nous auōs diuisé ceste tem-
perature temperée en deux especes,
assauoir, en vne parfaite, en laquelle
il y à egalité d'elemens, & des quali-
tez premieres: & en l'autre, imparfai-
te, où ceste egalité defaut, laquelle
toutesfois est si bien temperée, qu'el-
le est apte à bien faire toutes ses opera-
tions. Ainsi en l'espece humaine nous
cōstituons & faisons deux sortes d'hō-
mes temperez: dont l'vne est de l'hō-
me temperé selō la temperature par-
faitement temperée, qui est com-
me la regle de Policles: à laquelle si
on compare toutes les natures & cō-
plections de tous les autres hommes,

on les trouuera trop chaudes, ou trop froides, ou trop seches, ou trop humides, ou vrayemēt trop chaudes & trop seches, ou trop chaudes & humides, ou bien trop froides & trop humides, ou trop froides & seches. L'autre est de l'homme temperé selō ceste temperature, qui est dite à Iustice, en laquelle ceste egalité des qualitez premières & contraires n'est point, mais ceste-la, qui est apte à faire bonnes & saines actions. Ce mot de nature est pris en celieu, en la mesme signification que dessus, c'est assauoir, pour température & complētion, afin que par l'ambiguité & pluralité des significations des mots, nul ne s'abuse & se deçoie en prenāt vne significatiō pour l'autre.

*Les signes de l'homme temperé à Iustice
& d'une température imparfaitement tempérée.*

CH A P. L X X I.

ON cognoit l'homme temperé à iustice, comme on dit en medecine, ou temperé d'une température impar-

imparfaite, en laquelle il n'ya pas vne egale mesure de chaud, froid, sec & humide, seulement par perfection des principales operations animales, assauoir, par sapience, prudence, equitable iugement de l'intelligence. Pour ceste cause quiconque est tres-sage, & tres-prudent, & à vne admirable viuacite d'entendement & d'intelligence avec vn excellent iugement, cestuy-la, doit estre tenu & reputé temperé à iustice.

Les signes d'un homme temperé d'une température parfaitement temperée.

CHAP. LXXII.

L'HOMME, qui est temperé d'une température parfaitement temperée, est cogneu tel par plusieurs signes. Dont le premier est pris des operations animales, qui sont motiues, sensitiues, & principales. Iceluy à le corps fort agile, dispos & tres-prompt à se mouuoir selō son plaisir & volonté. Il à aussi tous les sens extérieurs & intérieurs tres-entiers & autant subtilz
m. iiij. qu'il

qu'il conuiënt à la nature humaine, par leſquelz il ſent, cognoit & apprehende tref-bien exterieurement toutes choſes particulieres & corporelles, qui leurs ſont obiettees & preſentees: leſquelles apres interieurement il apprehende, & conçoit tref-bien au ſens commun, où la apprehendées & imaginées, ſont fidelement retenuës. Car la ceruelle n'eſt point trop molle, ne trop dure, ne trop chaude, ne trop froide. La chaude & molle apprehende fort bien, mais elle ne retient rien. La froide & dure au contraire n'apprehede rien. Quant aux principales, ſaſauoir, à l'intelligence, iugement, ſapience, prudence, opinion, reminifcēce, vertu d'apprendre les arts & diſciplines, il ne faut aucunement douter, qu'elles ne ſoyent en l'homme tref-bien temperé tref-parfaites, ainſi que les motiues & ſenſitiues. Premièrement il à vne intelligence autant parfaite, qu'il à pleu à la nature diuine donner à l'eſpece humaine. Car par icelle
il peut

Appre-
henſio.
Imagi-
nation.
Memoi-
re.

il peut cognoistre tres-aisémēt & parfaitemēt (au regard de tous les autres, qui ne sont douez d'une telle temperature) toutes choses corporelles, & incorporelles, communes ou vniuerselles, & particulieres & en ratiocināt & discourant les cognoistre & discerner, si elles sont bonnes ou mauuaises. Toutesfois il faut necessairemēt, comme au reste du genre humain, que ceste intelligēce, quelque parfaite qu'elle soit, soit illuminée des cognoissances communes, qui procedent du pere des lumieres : autrement toutes les intelligences des hommes estans logées és domiciles corporelz, ne peuvent mettre leur vertu en effet. Car cōme la veuë ne peut estre faite sans lumiere, ainsi l'intelligence de l'hōme ne peut aucunement entendre & concevoir ses obiets intelligibles vniuerselz ou particulierz, si elle n'est pareillement esclairée par vne espece de lumiere celeste & diuine, que les Philosophes nomment cognoissances communes.

Sapien munes. Puis après s'ensuit la sapience,
ce, & laquelle procede du iugemēt de l'in-
d'où el- telligence. Et d'autant plus que le iu-
le pro- gement est parfait, aussi ceste sapiēce
cede. est plus excellente. D'où aduient que
 le iugement est tres-iuste en l'homme
 parfaitement temperé. Pour ceste cau-
 se en iceluy, la sapience est autāt par-
 faite, qu'il à pleu à la diuine nature di-
 stribuer à l'espece humaine. Sapience
 est vne cōnoissance des choses diui-
 nes & humaines. Outre plus cōme vn
 tel homme est en sapience plus excel-
 lent, que tous les autres: ainsi par des-
 sus tous, il à vne prudence singuliere
 & admirable. Laquelle est vne prou-
 dence & vertu, par laquelle l'homme
 considère & preuoit l'issue des choses,
 qu'il delibere faire, & regarde le bien
 ou le mal, qu'en prouiet: en sorte qu'il
 n'est point opiniastre pour demeurer
 arresté en ce, qu'il à conceu de quel-
 que chose, ne leger & muable pour in-
 continent changer d'opiniō, mais seu-
 lemēt chāger d'aduis alors, que raison
 plus

plus apparēte, ou argument plus vraisemblable se demonstre. Outre ce qu'il à vne memoire sensitiue fort singuliere, il ne faut omettre l'autre memoire intellectiue, de laquelle il est douë en perfection. Laquelle se fait en ratiocinant & discourant des circonstances du tēps, du lieu, de la personne & des choses oubliées & qu'on à autrefois sceuës. Finalement vn tel personnage à la vertu d'apprendre les arts, sciences & disciplines moyenne entre celle, qui est facile & celle, qui est difficile. Car cōme la facilité d'apprendre, qui est la subtilité de l'entendement, denote la mollesse & humidité du cerueau, laquelle facilement & promptemēt reçoit les idées & formes des choses apportées des sens, ainsi la difficulté de conceuoir & apprendre les arts & sciences, signifie la dureté de la substance du cerueau, qui difficilement reçoit les images des choses, qui se presentent aux sens extérieurs. Tous ceux, qui sont de dure
ceruelle,

ceruelle, sont hebetes de sens & d'entendement, & ineptes à tous arts, sciences & vertus d'esprits, & ne sont propre, qu'à potter la farine au moulin. En après les parfaites opérations du cœur, témoignent & vérifient en partie, que l'homme est tres-bien temperé. Nous auons dit ailleurs, que les actions du cœur sont doubles, & que les vnes sont vitales, & les autres courageuses. Or les vitales, qui sont parfaitement faites en vn tel homme, nous sont signifiées par vn mediocre poulx; c'est à dire, qui n'est ne grant, ne petit, ne mol, ne dur, ne hâtif, ne tardif, ne espes, ne rare, ne aussi inegal, mais bien ordonné & egal. Puis après par vne respiration modérée, laquelle n'est ne forte, ne debile, ne grande, ne petite, ne hâtive, ne tardive, ne fréquentée, ne rare. Pareillement les opérations de la faculté courageuse, qu'aucuns Philosophes nomment ame irascible, qui sont parfaitement faites, nous sont déclarées par la moderation des affectious

ctions de l'ame, c'est assauior, quant l'homme n'est point audacieux & hardi, ne timide, & craintif, mais vertueux, & modeste, quant aussi il n'est point trop pitoiable, ne enuieux & malouulant, mais humain & benin: ne aussi trop hatif, ne mufard & paresseux, mais prudent: ne fin & cauteleux: ne hebeté & niais, mais tres-entier & rond: ne voluptueux: ne insensé ou sans aucun sentiment de l'usage vernerien, mais mediocre entre ces deux vices. Dauantage par les actions naturelles parfaitement faites, on cognoist aussi en partie la nature parfaite de l'homme. Or telles operations sont parfaites, quant vne chacune partie de nostre corps attire à soy entierement sa nourriture familiere & propre, & qu'elle la retient, iusques à tant qu'elle soit cuite, assimilée ou conuertie en sa substance. Et puis apres quant elle reiette fort bien les excremens de son aliment. Car il n'y a partie en nostre corps, qui ne soit douée de ces quatre facultez & ver-

tus naturelles, assauoir de l'attractiue, de la retentiue, de la cōcoctiue & digestiue, & finalement de l'expulsiue, desquelles procedent les actions naturelles sus-dites. Or d'autant que telles operatiōs se font hors noz sens, tellement que nous ne les pouuons apperceuoir, ne cognoistre, pour ceste cause, il conuient bailler d'autres signes, pour auoir la cognoissance d'icelles. Donc cestuy-la, auquel les operations naturelles sont faites entiere-mēt, à vne couleur vermeille, meslée d'une rouge & d'une blanche avec la masse de son corps, mediocrement charnuë. Il ne faut point aussi laisser en arriere l'usage de Venus, que l'homme temperé appetite mediocrement, d'autant que ses parties genitales, & qui seruent à generation sont aussi bien temperées. Car comme celles, esquelles la froideur excède mesure, n'irritent aucunement le plaisir venerien, ou biē peu, ainsi les autres, qui sont trop chaudes appetent trop.

ceste affection venerienne. D'autant
aussi que procreation de lignée suit
l'usage veneriē, il ne faut point moins
prendre signe & argument d'une na-
ture parfaite d'icelle, que de l'appe-
tit venerien. Car vne moderation
engendre vne autre. Pourtant on co-
gnoit l'homme bien tēperé en ce, qu'il
est doué d'une mediocre vertu & fa-
culté d'engendrer, laquelle nous est
manifestée par ses effets, c'est à dire,
par vne belle & parfaite lignée, pour-
ueu qu'elle ne soit point empeschée
par causes externes, cōme par le de-
faut de la femme. Car comme l'hom-
me intēperé, debile ou malade pro-
duit vne lignée intemperée, foible &
suiette à sa mesme maladie, ainsi le tē-
peré engēdre enfans temperez, forts
& tref-sains. Car vne chacune chose
engendre naturellemēt son sembla-
ble: on prent encores signes d'un hom-
me tref-bien temperé de l'Eucrasie,
& complection temperée des parties
similaires & simples d'iceluy, laquel-
le nous

le nous est manifestée, tant par le sens du toucher que de la veüe. Car par le toucher on cognoit l'hōme estre moyen entre chaut & froit, sec & humide, mol & dur: par la veüe on voit, s'il est gros & gras, ou gresle & menu, c'est à dire, qu'on ne sent point en luy plus de chaleur, que de froideur, ne plus de dureté, que de mollesse, ne grosseur, q̄ de tenuité de corps, mais il apparoit estre mediocre entre toutes ses qualitez. Item, l'hōme est semblablement recogneu remperé par la symmetrie & commodation des parties organiques & instrumentales de tout son corps, laquelle cōsiste en la iuste & egale grādeur, figure, nombre des parties simples, qui les composent, & en la situation d'icelles. Pourtāt il faut, que les parties organiques & instrumentales de l'homme trefbien & parfaitement temperé soyent si bien & iustemēt cōformées & construites, qu'il ne leur manque & defaille rien: comme sont celles qui ont
ceste

ceste iuste grandeur, figure, nombre & conionction des parties similaires, & qui sont situées en leur lieu. Par lesquelles choses bien proportionnées ensemble, icelles font tres-bien & deuëment leurs operations. Autrement si les parties organiques se destournent tant peu, que ce soit, de ceste droite & iuste conformatiō, iacoit que toutes les autres choses s'accordent fort bien, toutesfois elles rendēt l'hōme intemperé. Outre toutes ces choses il faut, que l'homme tres-bien temperé ait sa iuste & raisonnable grādeur, laquelle ne soit point trop grāde, ne trop petite, mais mediocre. Il ne faut point aussi, q le corps d'iceluy soit trop gros, ou gras, ne gresse & attenué, mais moyē & quarre: ne qu'aucune partie defaille ou excède sa propre & nayue mesure apte à faire ses operations, tellement que la teste ne soit ne grande, ne petite, mais mediocre: ne les yeux grans, ne petis, mais moyens: les veines pareillemēt & les

n. j. arteres

arteres ne foyent, ne grandes & grosses, ne gresles, ne petites, ne larges, ne estroites, telles que sont celles de l'hōme gras, mais mediocres. Dauantage on peut en partie cognoistre l'hōme parfaitement temperé par sa qualité. Car ceux, qui touchent son corps, ne le sentēt point chaut, ne froit, ne mol, ne dur. On ne le voit point aussi ne tout vellu, ne du tout sans poil és principales parties du corps, mais mediocrement. Dauantage la couleur de sa peau est tres-belle: car elle est viue, & vermeille cōme meslée de blāche, & de rouge. Les cheueux de l'homme bien temperé estant en son enfance sont roux, & en son adolescence iau-nes, & mediocremēt crespes, & en sō aage florissant deuiennent noyrs & fort crespes. Item on cognoit l'hōme tres-bien temperé, s'il resiste grandement à toutes les causes externes, qui excitent maladies és corps humains, comme à l'air distemperé, au boire & manger, au dormir & veiller, au tra-
uailer,

uailler, ou estre œisif, & à toutes les autres, qui y defaillent ou excèdent mesure. Et puis la nature tempérée en telle perfection, s'il en y à quelqu'une au monde, ne se trouue ailleurs qu'en vne region temperée. Car vne chacune region produit ses natures & complections. Pourtant la temperée engendre des hommes temperez, comme l'intēperée fait les personnes intemperées. Finalement faut chercher ceste nature absolument temperée, que nous auons iusques icy descrite au seul sexe masculin. Car cela est tout clair & manifeste, que l'homme est la plus parfaite creature de tous les animaux, & qu'au genre humain le masle est aussi plus parfait q̃ la femelle. Voila tous les signes par lesquels nous cognoissons l'hōme tres-parfait, & le discernōs d'avec tous les autres intemperez. Car iceluy est cōme la droite regle de Polyclete, auquel si nous comparons tous les autres, nous les trouuerons tous distem-

n. ij. perez

perez ou imparfaitement temperez.

Les signes d'un homme trop chaud , ou plus chaud que le temperé.

CHAP. LXXIII.

COMME toutes les parties de nostre corps comparées au cuir, s'ot cogneuës estre trop chaudes, trop froides, trop seches, trop humides, ou trop chaudes & seches, trop chaudes & trop humides , trop froides & seches , trop froides & humides , ainsi tous les hommes parculiers cōtenus en l'espece humaine cōparez au parfaitemēt temperé sont cogneus trop chaus, trop frois, trop secs & trop humides, & ainsi excessifs en la conionction & copulation de ces qualitez, premieres elemētares. Or les signes pour cognoistre l'hōme, qui est seulement trop chaud, ou plus chaud, que celuy, qui est temperé, sont pris des choses, qui sensuiuent. Premieremēt quiconque touche son corps, le sent plus chaud, que n'est le temperé. Le corps d'iceluy est prōptemēt eschauffé, &

fé, & bien tant refroidi, comme il ad-
uiuent à tous corps espes, comme à ce-
stuy-cy. Iceluy aussi, cōme il est plus
chaut, que le temperé, ainsi est-il plus
vellu : car le poil procede de la cha-
leur naturelle. Et selō qu'elle est gran-
de, ainsi le poil se multiplie. Vn tel
personnage est charnu, toutesfois
moins que le tēperé. Car la chaleur,
comme elle abonde dauantage, ainsi
consume-elle les humeurs & la mas-
se charnuē de tout le corps. La cou-
leur du cuir apparoit rouge, comme
celle des cheueux apparoit noire. Car
ceste chaleur consume aussi la blan-
che, qui est meslée avec la rouge en
l'homme temperé. Le corps d'iceluy
est maigre & desnüé de gresse : car
ceste chaleur-la dissout & font. Quāt
aux actions animales, vitales & natu-
relles, il ne faut douter, qu'elles ne
soyent autant diminuées de leur per-
fection, comme le temperament, du
quel elles procedent, est esloigné &
diminué du parfait, ce qui nous faut

noter en tout le reste des natures intemperées de tous les hommes de ce monde.

Les signes de l'homme trop froid, ou plus froid que le temperé.

CHAP. LXXIIII.

L'HOMME, qui n'est point plus humide, ne plus sec, mais seulement plus froid, que le temperé a les parties de son corps denuées de poil, qui s'ot velluës es chaus: son corps est mediocrement gras, lequel on sent froid en le touchât, & ses muscles sont foibles. Pourtāt vn tel personnage est soudainement lassé, & sans grand labeur corporel. Les veines & arteres de son corps sont tant estroites & petites, qu'on ne les peut quasi appercevoir. La couleur tant du cuir, que des cheucux est rousle & meslée de iau-ne & de blāche. Car icelle est faite de peu d'humeur choleric & de beaucoup du phlegmatic. Et si la froideur excede beaucoup la tēperature parfaitement temperée, alors la couleur
du cuir

du cuir apparoit plumbée & liuide. Vn tel personnage est promptement & facilement offensé de choses froides, & aussi bien tard eschauffé, tout ainsi que tous corps humains, qui sōt de rare & claire texture.

Les signes d'un homme plus humide que le temperé.

CHAP. LXXV.

L'HOMME trop & plus humide, que le temperé, auquel toutesfois la chaleur & froideur n'excedēt point mesure, a le corps plus charnu & plus mol, que n'a le temperé. Et comme aisement & promptement il est offensé des choses, qui humectēt, ainsi aussi tot est-il secouru & aidé de celles-la, qui desechent.

Les signes de l'homme trop sec.

CHAP. LXXVI.

CEST VY-LA, qui n'a point plus de chaleur, que de froideur, & qui toutesfois est trop sec, ou est plus sec, que le temperé, est beaucoup plus gresse & delié & plus dur que
n. iiij. n'est

n'est le tēperé. Iceluy esmeut sō corps difficilement, & est biē offensé de toutes choses, qui desechent, & au contraire est soudainement secouru par celles, qui sont humides.

Les signes de l'homme trop chaud & trop sec.

CHAP. LXXVII.

L'HOMME trop chaud & trop sec à le corps plus sec, plus dur, plus gresle & plus vellu, que n'a le tēperé: au toucher aussi on sent sō corps plus chaud, que la nature temperée ne requiert. Il à pareillement la peau de son corps noire, & si la chaleur excède beaucoup, ses cheueux sont semblément noirs. Vn hōme de telle nature à les veines tref-amples: ses arteres poussent tref-fort. Iceluy est temeraire, imprudent, inhumain & cruel, & qui promptement se courrouce, pource qu'il à le cœur trop chaud: & est choleric. Il est incontinct offensé par toutes choses, qui eschauffent & desechent: & aussi bien tot aidé par celles,

celles, qui sont cōtraires, assauoir, par les froides & humides. Or quāt la ieu- nesse & la vigueur de l'aage s'en est alée, & que la premiere vieillesse est venuë, alors ceste intēperature chau- de & seche se cōuertit en celle, qui est froide & seche, laquelle engendre v- ne cholere noire, qui est vne espece d'humeur melancholic. Pour ceste cause tous ceux-la, qui sont chaus & secs & choleres en la fleur de leur aa- ge, deuient frois & secs & melan- choliques en leur premiere vieillesse.

Les signes de l'homme plus chaut & hu- mide, quē le temperé.

CHAP. LXXVIII.

SI la chaleur & l'humidité excède egalemēt mesure & mediocrité, alors on sēt au toucher le corps de cestuy-la ainsi distēperé, estre beaucoup plus chaut & plus charnu, que cestuy- la du tēperé. Mais si la chaleur exce- de beaucoup, & l'humidite bien peu, alors on sent au toucher vn tel corps estre beaucoup plus chaut que celuy
du tem-

du tēperé. Il est auffi plus pelli, mais moins charnu & mol & fans aucune gresse. Mais si l'humidité excède beaucoup la mediocrité & la chaleur biē peu, alors le corps est plus charnu & plus mol, mais moins chaut au toucher & moins vellu. La couleur de la peau en ceste tēperature est vermeille, cōme celle du tēperé, laquelle est cōposée d'une blāche & d'une rouge également meslées ensemble. Vn hōme de telle nature est prōptemēt offensé par toutes choses chaudes & humides, & est suiet à maladies causées de putrefaction. Cōme auffi il est fort secouru par celles, qui sont froides & seches.

Les signes de l'hōme trop froit & trop sec.

CHAP. LXXIX.

L'HOMME trop froit & trop sec est tel, ou de sa nature, ou à cause de sō aage, qui decline. Celuy qui est tel naturellement, a le corps froit & dur, cōme on peut cognoistre par le toucher. Ce corps-la est droit gresse &
fans

sans poil. Et cōbiē qu'il soit fort delié, si est-ce toutesfois, q̄ la gresse est espāduē par sa chair. Mais cestuy-la, q̄ est tel pour cause de la vieillesse, a sēblablement le corps froit, dur, gresse, noyr & vellu, si en sa ieunesse il à esté chaut & sec, vn tel homme est melancholic, ainsi que desia nous auons dit. Mais si en sa ieunesse il n'a point esté chaut, & sec, la couleur de sa peau est blanche, le poil & les cheueux sont roux ou rouffatres.

Les signes d'un hōme trop froit & trop humide. CHAP. LXXX.

CELVY, qui est plus froit & plus humide, que le tēperé, a le corps blanc, mol, gras & denuē de poil. La couleur de son poil est blāche ou roufse ou liuide, & principalemēt si l'vne & l'autre qualité excède fort la tēperature mediocre: les cheueux sont pareillement blons & tournans sur le roux. Iceux deuiennent bien tot cheuus, toute fois il ne tōbēt pas aisemēt.

cha .

CHAP. LXXXI.

LES signes qu'auons icy produits des natures intēperées deshōmes apartiēnēt propremēt aux parties de noz corps, q se manifestēt p̄mieremēt à la veuë, c'est ass. à la peau & aux muscles, q couurēt & enueloppēt noz os. Tous les autres signes requis pour cognoistre entierement les cōplections imparfaites, doiuent estre cerchez és tēperatures, signes, facultez & operations du cerueau, du cœur, du foye & destesticules, lesquelles auōs baillées icy dessus. Dauantage il faut noter, q tous les signes qu'auōs escripts des intemperatures, n'appartiennēt qu'aux hōmes, qui vsent de nourriture temperée, & qui n'est aucunemēt vicieuse en quātité, ne en qualité, & qui habitent en vne regiō tēperée. Car l'air d'esté, & celuy de l'hyuer, la vie vmbreuse peruertissēt tous les signes, qui procedēt de la couleur, mollesse & dureté, qui autrement de soy se-royent tres-certains.

F I N.



TABLE DES MATIERES
dignes de noter en ce liure.



A

V . E l'Ame est immortelle. pag.	
62. &c.	
l'Ame des bestes brutes que	
c'est selon quelques Philoso-	
phes.	6.
l'Ame des plantes & bestes brutes que c'est,	
& la difference.	4.
& d'où la difference procede.	4
Appetit animal.	66.
cause de grand Appetit.	117.
Apoplexie que c'est.	13.
causes & signes des Aquositez.	57.

C

Par quelz moyens le Cerueau apprehende	
les choses exterieures.	43.
& par quelz il apprehende & comprit au	
dedans les choses exterieures, qui l'ayfont	
apportées par les sens exterieurs.	56.
signes du Cerueau trop chaut.	87.
signes du Cerueau trop froit.	91.
signes du Cerueau trop sec.	92.
signes du Cerueau trop humide.	94.

signe

signes du Cerueau trop chaut & trop sec.

96.

signes du Cerueau trop chaut & trop hu-
mide.

97.

signes du Cerueau trop froit & trop sec.

99.

signes du Cerueau trop froit & trop humide

102.

signes du Cerueau tempere.

77.&c.

de quoy est engendrée la Chair.

138.

repletion de Chair.

138.

signes d'vn hōme trop Chaut, ou plus chaut
que temperé.

182.

Cholere & d'oū elle procede.

118.

& ses causes.

141.

la nature de l'homme Cholere.

143.

signes de la Cholere au cerueau & en l'esto-
mach.

144.

Cholere noyre que c'est.

121.

& ses causes.

145.

de quoy est engendrée Cholere noyre.

118.

operations du Cœur.

4.& 174.

especes des operations du Cœur.

80.

signes des operations vitales du Cœur.

174.

signes du Cœur temperé.

79.

signes du Cœur trop chaut.

104.

signes du Cœur trop froit.

106.

signes du Cœur trop sec.

106.

signes du Cœur trop mol & trop humide.

signes

signes du Cœur trop chaud & trop sec.	107.
signes du Cœur trop chaud & trop humide.	108.
signes du Cœur trop froid & trop sec.	109.
signes du Cœur trop froid & trop humide.	109.
Compléction voyez temperature.	
Corize que c'est.	103.
Corps durs deux sortes.	36.
que c'est Couleur & ses especés.	46.
causés de la Couleur de chacune partie du corps.	137.
signes des operations de la faculté Courageuse.	174.
Courroux que c'est.	105.
Crudité puante.	112.

D

Diabetes que c'est.	158.
Dialectique naturelle que c'est, & d'où elle procede.	72.
l'homme de sain cerueau naturellement sans doctrine conçoit quelque Diuinité.	61.

E

Element que c'est.	7. & 14.
les propres substances des premiers Elemens demeurent en nous.	11.
comment.	15.
leurs qualitez y demeureront aussi & cômēt.	15.
Entendement que les Latins appellent <i>genium</i> que c'est.	4.

d'où procedent les Esprits.	165.
d'Esprits vagabons & coulans leurs especes, definitions & effets.&c.	162 & 163.
Esprits fixes.	164.
& combien il en y à.	165.
la cause de leur varieté.	166.
Estimatiõ que c'est, & d'où elle procede.	56.
Estimation aux hommes que c'est, & ses ef- fetz.	57.
Estimation est aux bestes brutes cõme rai- son.	56. & 57.
Estomach voyez Ventricule.	
Faultez & vertus de chacune partie du cors de l'homme combien.	175.
Facultez naturelles, par lesquelles vne cha- cune partie du corps fait ses operations, quelles.	82.
signes du Foye trop chaut.	118.
signes du Foye trop chaut & trop sec.	121.
signes du Foye trop chaut & trop humide.	122.
signes du Foye trop froit.	119.
signes du Foye trop froit & trop sec.	124.
signes du Foye trop humide	120.
signes du Foye trop sec.	120.
signes du Foye temperé & ses operatiõs.	83.
G	
goust.	49.
	Habitu-

Habitude du corps que c'est.	120.
qui sont suiets aux Hæmorrhoydes.	138.
signes de l'Hôme trop chaut, ou plus chaut que temperé.	182.
signes de l'Hôme plus chaut & humide que le temperé.	187.
signes de l'Hôme trop chaut & trop sec.	186.
signes de l'Homme trop froit, ou plus froit, que le temperé.	184.
signes de l'Hôme trop froit & trop sec.	188.
signes de l'Homme trop froit & trop humide.	192.
signes de l'Homme plus humide que le temperé.	185.
signes de l'Homme trop sec.	185.
Humeurs naturelz combien en nombe & quelz.	129.
signes d'Humeur fereux desia fait.	158.

I

Quant commence & iusques quant dure l'aage de Jeunesse.	141.
Imagination ou Phantasie que c'est.	52.
& quel est son office & de quel moyen elle se sert à le faire & quelle fin par quelles causes elle erre quelques fois.	13.
Imagination ne cesse de travailler quant les sens exterieurs & commencent, comme & quant.	4.

premiers Instrumens de la vie des animaux.

164.

Intelligence & son office. 61.&c.

especes d'Intemperature. 86.

à qui appartiennent les signes des Intemperatures. 190.

Jugement que c'est & où il est. 73.

Jugement Rationel ou estimation aux hommes que c'est & ses effectz. 57.

où est son siege au cerueau. 59.

Jugement bon quel. 75.

Jugement faux & les causes. 73.

Jugement sensitif aux bestes bruttes & d'où il procède. 56.

& ses effectz. 57.

Lethargie que c'est. 104.

que c'est Lumiere. 45.

M

sang & humeur Melancholic font choses diverses. 145.

especes de sang Melancholic. 145.

signes du sang & humeur Melancholic desia engendré. 148.

signes du sang Melancholic. 145.

signes du sang & pourquoy elle est ap- 58.

signes du sang 58.

signes du sang 59.

signes du sang 59.

signes du sang 59.

signes du sang 59.

vertu Motiue de quelles parties principales
du corps elle se sert à faire son action. 60.
la cause qui excite ceste faculté Motiue. 60.
Mort que c'est. 165.
cause de Mort subite. 131.

Mort des bestes selon Gal. que c'est. 161

N.

Definition de Nature & ses especes. 1.

especes de Nature d'hommes. 167.

O

De Odorer. 49

Operations du cœur. 4. & 17.

signes des Operations de la faculté cour
geuse. 1.

signes des Operations naturelles de tout
corps de l'homme. 6.

Opinion que c'est. 75.

quand Opiniõ est appellée foy & souf
76.

Opiniastres. 100.
de l'Ouye. 48.

Paralyfie que c'est. 104.

Parole prononcée de la bo
d'où elle sort & decoule. escrite,

Parole, qu'on appelle mot,
posée, d'où elle procede. 5.

cōbien de sortes de Parti
me & la raison de leurs r

Parties spirituelles du corps & leurs especes.	161.
& qui sont les Parties spirituelles.	129.
signes des Parties organiques intemperées.	186.
la Partie du corps plus temperée.	27.
Parties plus chaudes.	28.
Parties plus froides.	29.
Parties plus seches.	30.
Parties plus molles & humides.	31.
quelles Parties du corps appartiennent les signes des natures intemperées.	199.
signes du Paumon trop chaud.	110.
signes du Paumon trop froid.	111.
signes du Paumon trop humide.	111.
signes du Paumon trop sec.	111.
Phasie, voyez Imagination.	
le Phlegmatic est lourd.	154.
signe de bondance de Phlegme au cerveau.	156.
cause de legne & sang phlegmatic.	152.
différence entre le sang phlegmatic & sang phlegmatic.	152.
signes du sang & humeur phlegmatic.	151.
signes du sang melanche.	156.
signes du sang & pour le sang.	162.
où est son office, &	80.
les fins	76.

les fins d'icelles.	81.
les especes de Raison motiue.	70.
signes communs de Repletion.	132.
Repletion de chair.	138.
signes de la Repletion de tout le corps.	133.
causes de Repletion de bon sang.	134.
signes de la Repletion du sang vitieux cho- leric.	141.
signes de la Repletion des humeurs dedans les veines & arteres & ses especes.	130.
signes propres de la Repletion, qui prouier de bon sang.	13.
signes de la Repletion du sang vitieux.	14.
signes de la Repletion des vertus.	15.
cause des Roctes aigres.	116. 118.

S

De quoy le Sang est composé.	129.
cause de peu de Sang.	121.
& les signes pour le cognoistre	123.
signes aux propres à engēdre	120.
de l'homme	
repletion	
cause d'a	

120.

cause de Sang c holer

signes de Sang & hu

engēdré.

especes de Sa

cause du Sang

TABLE.

Sapience que c'est & d'où elle procede. 172.
signes de l'homme trop Sec. 185.
que c'est Sens. 42.
& ses especes. 43.
Sens commun que c'est, quel est son office,
& de quel instrument il se sert à le faire &
quel est son obiet. 52.
de cōbien de choses ont besoin les Sens ex-
terieurs à faire leurs actions & quelles. 43.
Sens interieurs. 52.
Songe que c'est, & la cause des songes varia-
bles. 55.
remede à la Soif excitée par secheresse d'e-
stomach. 114.
& par froideur & secheresse d'estomach. 117.
& de chaleur & secheresse d'estomach. 115.
cause de Sterilité naturelle. 127.
empeschement de Sueur. 134.

cause de legement, ou de conplection.
 difference de la nature du sang
 tic. de la Melanche & sang 1. ou com-
 signes de & hume 16.
 ces & 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838.

gnoistre entierement les Temperatures imparfaites. 190.

Temperature temperée à iustice en chacune partie du corps. 32.

signes du Temperé à iustice. 168.

signes pour cognoistre la Temperature temperée à iustice des plus nobles parties du corps. 4.

signes des Testicules temperez. 85.

signes des Testicules trop chaus. 124.

signes des Testicules trop frois. 124.

signes des Testicules trop secs. 125.

signes des Testicules trop humides. 125.

signes des Testicules trop chaus & trop secs. 125.

signes des Testicules trop chaus & trop humides. 126.

signes des Testicules trop frois & trop secs. 126.

du sens du Toucher. 50.

Causes

figt

fig

figt

holer
hu

signes du

signes du V.

signes du V.

115.

TABLE.

signes du Ventricule trop chaut & trop hu-
mide. 115.

signes du Ventricule trop froit & trop sec.
116.

signes du Ventricule trop froit & trop hu-
mide. 117.

quant cōmence la premiere Vieillesse. 147.
de la Veuë. 44.

Y.

Yurognes suictz à grandes maladies. 153.

Dyzain au Lecteur.

*On ne peut bonnement sur matiere incogneue
Faconner dextrement, moins proprement ouurer,
C'est la raison, pourquoy elle est tres-cher tenue
De ceux, qui par labour l'ot biẽ sceu reconuer.
Si tu veulx donc, Lecteur, à ton repos trouuer,*

*Le bon me l'estat & l'origine aussi,
chercher & par la & par cy,*

*cause de legne ment au d'cortue nature
différence es Phleg.*

*de la Melanch & sang de main-
tic.*

*signes & hume 1
ses & legma mperée &
mes & F. mo 20.*

*te. nou que 52
T. llec sent. tiue 71 R
Rou est lo n sur c. 169. & 176.*

*de. tic. 168.
pour co-
gnoistre*